

ELEVENTH SITTING ON MONDAY APRIL 3, 2000.

PRESENT

PU R. LALAWIA, Speaker at the Chair, Chief Minister,
14 Ministers and 24 Members present.

QUESTIONS

1. QUESTIONS entered in separate list to be asked and oral answers given.

* VOTING ON DEMANDS

2. PU R. TLANGHMINGTHANGA, Minister to submit to the vote of the House various Demands under his charge.
3. PU K. VANLALAUVA, Minister to submit to the vote of the House various Demands under his charge.

S P E A K E R : Ramin a bawhchhiat chuan
pui pate an inthlak zut
thin. Mi thil ngaihdan
thiam leh hriatna neitute
avang erawh chuan ram chuan a din rei phah ang.
(Thufingte 28:2)

Question kan la nghal
ang a, zawt turin Pu J. Lalthangliana i lo sawm ang.

....2/-

PU J. LALTHANGLIANA : Pu Speaker, ka zawhna
Starred Question No. 142
P.W.D Minister zahawm tak
chhan atan,-

- (a) Mizoram atanga thenawm State kalpawhna kawng Inter-State Road engzat nge awm ?
- (b) Heng kalkawng enkawltu hi P.W.D nge B.R.T.F ?
- (c) Rawpuichhip - Buarpui kawng hi engtika laih zawh nge ni ang ?
- (d) He kalkawng thuizawng hi Km engzatnge ?

PU R. TLANGHMINGTHANGA : Pu Speaker, zawhna (a)-na
MINISTER Mizoram atanga thenawm
State kalpawhna Inter-
State Road engzat nge awm?

tih chhanna chu - Mizoram atanga thenawm State inkal-pawhna kawng Inter-State Road hi pariat (8) a awm.

(b) Heng kalkawng enkawltu hi P.W.D nge B.R.T.F tih chhanna chu - Heng zingah hian B.R.T.F enkawl chu Aizawl - Silchar Road ani a, a dang zawng chu P.W.D enkawl ani.

(c) Rawpuichhip - Buarpui kawng hi engtika laihzawh nge ni ang ? a chhanna chu - Rawpuichhip - Buarpui road hi Kum 2002 a laihzawh tura ruahman ani e.

(d) He kalkawng thui zawng hi km engzat nge ? tih ani a. A chhanna chu - Survey la zawh chiah ani lova, Km 90 vel ani.

PU J. LALTHANGLIANA : Pu Speaker, zawhbelhna.
Hei Mizoram atanga State
dang kal pawhna hi kawng
8 lai kan nei a, heng

zinga ka hriatchian deuhah nian zawh duh ka nei a. Aizawl - Tripura via Tuipuibari kawng khu han zawt ila. Mizoram cnin 20 Km khu a chhe em em mai a. Ramri kan thlenga, PWD Tripura chan chin hi a tha em em mai a. Chutiang bawkin Assam nena kan inkal pawhna Karimganj atang khuan lo chho ila, Rangamati thleng Mizoram nena kan inrina thleng khu a tha viau mai a. Keini lam kawng Kanhmun atang khuan a chhe ta

em em mai a. Tin, Bamchera lamah va kal leh ila, Darmanagar atanga lo kal chho Tripura thleng khuan khumi Langkaih leihlawn khu kan inrina ani mai a. Tripura lam khu a tha leh em em mai a. Kan kawng chin khu a chhe leh em em mai a. Hengte hi State in elna pakhat ani a. Ramri bula P.W.D in kan kawng neihte hi an enkawl chu ani a. Hengte hi ngaih pawimawh theih bik ani dawn lawm ni ? Han kal chang hian a mualpho thlak viau ani. Keini chinah a chhia a. State dang chan chinah a tha leh deuh si te hi tihthat duh dan a awm lawm ni ? tih ka zawt duh a.

Tin, Rawpuichhip - Buarpui Road hi tunan laih mek ani a. Tuna laih dan Scheme ah hi chuan Rawpuichhip atanga kal khu PWD khuan an la pheii a. Bulldozer 3 chu kan dah e an ti a, mahse, 2 chu a chne deuh fo mai a. Pakhat chauh khu hnathawk thei tak tak chu ani a. Reiek kawngah chuan JCB te an hmang tel a, a tha riauvin ka hria a. Rawpuichhip - Buarpui inkarah khuan JCB te hmang hian hei aia chak zawk hian laih theih ani dawn lawm ni ? tih ka zawt duh ani. Pu Speaker, Ka lawm e.

PU . . LALRINZUALA : Pu Speaker, a relevant thovin ka hria a. Buarpui leh Rawpuichhip inkar kha Km 90 vel ani tih kha

chhanna kan hmuh ani a. Lunglei atanga Buarpui kawng lo kal hi Km 73 ani a. Buarpui atanga Bawngthah Aibawk hi Km 40/50 vel alo ni leh a. Khatiang ang PWD hna Thenzawl atanga Bungtlang Changpui thlengin PWD kawng alo awm leh ta bawk a, chu chu Km 50/60 vel ani leh a. Chutih laiah chuan PWD hna khati zat awm enkawl na tur khan Buarpui bawr velah PWD Sub-division hi dah theih ani ang em ? Work-load atam ta bawk a. Mamawhin kan inhria em ? a dah thei ang em tih kha ka'n zawt belh teh ang.

PU H. LALTANPUIA : Pu Speaker, ka lawm e. Inter-State road chung chang kha ania, a relevant em emin ka hria a.

STDB road, Saitual, Tuivawl, Daido, Bukpui khi Kum 1992 vel atanga bul tan tawh kha ani a. Tunah khian Phullen khi a thleng ngawr ngawr chauh mai a. A chhak Tuivai area kualkhung chung khi tunah ala thleng lo

a. Khilai khian Truck hmel hi kan hmu ve chak tawh em em a, tunah hian Tuivai Hydel Project khuahna tur Phuaibuang ram, a power House siamna lai tur khi theih-patawpin emergency deuh takin thawh tumna a awm niin ka hria. Mahse, khilai Power House thleng chauhlo khian a chhak lawkah Phuaibuang khua a awm a, Phuaibuang thleng khian tuna hma lakna turah hian a han khung tel theih lawm ni, hma chak taka lakna tur lai zone-ah hian. Power House chauh thleng lo hian tih ka'n zawt duh a.

Tin, Manipur lampang
thung erawh chuan tunah hian Bukpui an rawn kai tan tawh a. Hma tlemte chauh Km 20 - 21 bak an nei tawh lova. Zoram lam atang hian kan thawk muang em em mai a. Hei hi engvangin nge an thawh muan bik a, N.E.C atang hian fund hi release thu-ah harsatna kan nei em ni ? Harsatna neilo ni ila chuanin, vawiin nian hian Phuaibuang ram a han thleng tawh tur ani a, a Kum thu-ah pnei hi chuan an muang em em a. Chuvang chuan, Pu Speaker, Phuaibuang han thleng tal tur khian tuna Power House thleng mai lo deuh khian hma chak taka mi laksak theih dan kha a awm em ? tih kha ka'n zawt duh ani e. Tin, N.E.C atang khan fund release thu-ah khan harsatna a awm em ? tih kha ka'n zawt duh bawk ani e. Ka lawm e.

S P E A K E R : Cnhang turin P.W.D Minister kha ilo ko nghal ila. A original question baka a zawhte kha a chhan theih chuan cnhang la, chhan theih loh pawhin thu hranah ngai ila.

PU R. TLANGHMINGTHANGA : Pu Speaker, a zawhna kha MINISTER Aizawl - Tripura via Tui-puibari hi a chhe em em mai a. Damcherra lamahte khumi Tripura lam chu a tha viau si a. Engtizia nge? hei hi tih that tneih dan a awm em ? tihte ani a. Rawpuichhip - Buarpui kawng a duhthawhnate, tuna Bulldozer pathum chauh, pathumah pahnih hi a chhe deuh reng a, pakhat chauh tihte, JCB a dahbelh theih em ? tihte ani a. Hei a lawmawm viauva, Thingtlang a ka zinnaah pawh an hnena ka sawi chu, hei kan Sorkar lo kal chho zelah hian duhthu sam lo mahse Sorkar lo kal tawhte ina an tih kan chhunzawmnaah hian, a tlangpui chuan hma chu kan sawn anih hi a!

Tunhna deuh kha chuan kan veng chhungah Jeep alo lut ve thei hram lawm ni ? chumi atan chuan tih hi application tam ber ani a. Tunah hi chuan 'min black top sak rawh' tih hi ani deuh tlangpui a, kan hmasawnnate kan sawi tnin a. Chutiang chuan Sorkar hmasate lo tih tawhah khan chhonzawmin kan nan bei chho ani a. Engemaw chenah duhthusamin kal thei lo mah ila, kan hmalakna then then Rawpuichnip - Buarpui han tihte pawh. Lungpho bialante pawh Bulldozer pakhat pawh an hmuh zawh loh lai khan, Bulldozer 3 in a thawk mek han tihte kha la zep ruk rihte a la tha em aw ! ka ti man mah a, khatieng zel khan tunah kan hmalakna hian kan duhthusamin chu tlinglo mahse, hmasawanna zel turin tunah kan neihah pawh kan hire chawp ani a, Sorkarin kan Department ta bakah, khulai Buarpui road a duhthawhna te kha a lawmawm hle in ka hria.

Lunglei lampang thlengin Km 70 vel Buarpui thlengin a lo ni a, khalaiah khan Sub-Division te a awm thei lawm ni ? tih kha; ni e, kan Sorkar PWD tunah reorganisation kan nan tihah hian a tul zual takte kan nan tih chhuah pawh hian harsatna kan tawk hle a. C.E. pakhat ina a enkawl tlangpuih chuan crore 50-60 vel hi an enkawl tura norms kalphunga an lo neih ani a.

Tunah hian Plan ringawtah pawh crore 100 chuangte a lo ni chnova, pawnlam atanga tanpuina, World Bank te len thil dang dang hemi NABARD suma kan enkawlte han chhiah phei chuan, crore 100 tel tamin min delh ani a. Chutah chuan kan indaih lohzia keini Department chuan Sub-Division han hawn belh pawh a la tul thei awm e tia kan rilrua kan lo suangtuah mek lai ani. Theih ni hlauh se chuan sawlai bialtute pawhina an rilrua a lo awm ani, tih kan hriat khan chu chuan ngaih a titha a, mahse a theihna lai phei chu a la awm rih lo tih kan hriat tlan anih kha.

Tin, khilai STTB Saitual-Tuivai-Daido Road khi NEC Road ani a. Hei hi economic and Financial Committee in an clear tur ani a, khami atana ruahmanna kha keini chuan kan nghak mek ani. Tunah hian a tul tih kan hria, Manipurah pawh tunlai hian an lai bik rih lova, tiang chuan hemi economic and Financial Committee ina an rawn clear hunah chuan kan kal tnei ang chu.

PU. H. LALTANPUIA

: Pu Speaker, tunah khian a tak taka hmalak an tum bawk si a, economics and Financial Committee te

.....6/-

khan kha chauh kha an clear bik em ni ? Tin, NEC atang hian fund hi an rawn release chaklo ta riau in ka hria a. Hei hi engvang nge NEC atanga pawisa rawn kal ahi a nihna ang tak tur hian NEC lampang hotute hian in hmang lo min ti niin ka hria a, chulai chu a lo ni reng em ni ? hetiang khawpa an rawn release muan em em? tih kha ka rawn zawhbelh duh ani.

PU LALHMINGTHANGA : Pu Speaker, kan Minister zahawmtakin khami Inter-State road pariat a rawn sawi zing ami, Aizawl leh Silchar tihlon cnu PWD kut ami vek a lo ni ta a. A then BRTF in an laklai khan a tlan a nuam viau hlawm a. Manse, Silchar - Aizawl Road tih lon ni chu tun kum khat kalta vel chhung khan kan Mizoram chhunga Inter-State road Manipur emaw, Tripura pan emaw Cachar panna emaw ni a chhe em em ringawt mai a. Hei hi engnge a chhan len avang ?

Tin, kan Minister hian Pharisai tak hian hna a thawk em ni ? Aizawl khawpui an hian fund hi bel a, helai kawng hi chu han siam nial nual ani a. A piahlam heng Inter State road amite ang hi chu a repair work te, a kawng base angte pawh hi a awm mumal lova, a tlantu han nih pawn hi Opposite vehicle te nen pawn kan insu ang tih hlauhawmtak ani a. A black top-a a tha hlawm bawk si lova, khang kawng pasarih (7) a kha, engnge ni hei hi a chhan len avang? sum harsatna ngeni a, hnathawktuten a thawk tha lo nge ni a ? ngaihsakloh vang ? Tin, engtikah nge hei hi siam that theih anih ang ?

S P E A K E R : Chhang turin PWD Minister i lo sawm len ang.

PU R. TLANGHMINGTHANGA : Pu Speaker, nichina ka'n MINISTAR chhanna STDB road tih khami chhunzawma NEC ina an hmalakna han tihah khan, tunan hian NEC atanga rawn kal chaklo te, Tuivai Hydrel Project panna tur atana fund kan nein kan hmbak

....7/-

tur hi NEEPCO atanga pawisa lo kal ani a. Kan ram kawng develop na tur hrim hrim a NEC emaw Economic & Financial Committee in a an rawn tih ni lovin, NEEPCO atanga Power Station approach road tur an rawn ruahman ani a. Heta tan hian pawisa an rawn ruahman tawh a, chumi atan chuan hmanhmawh tak a hna thawn chhoh tur ani a. Crore 15 vel helaiah hian an rawn ti tawh a. Kha kha tuna hemi ka road project pangngai bak a kan Department nilovin a an rawn tih ani a, a dang erawh chu a pangngaiin a kal rih a. Kan nghah mek kan tih a kha ani.

Tin, Inter-State road tih a kha kan rawn sawi chiang chuang lova, kan rin hriat niin ka ring a. Inter-State road kha pariat kan neia, chumi chu a tha lo tlangpui a. Cnuvang chuan hmalak tura ruahman chhoh mek ani a. Tunah hian Inter-State road-ah chuan Aizawl-Silchar road kha Assam nen a kan inrina khami kalna kha ani a. Chu chu National Highway No.54 hi ani. Tin, Seling-Tipaimukh road hi tunah hian Manipur a kal kha National Highway 150 in a pawh chho turin tunah hian hmalak mek ani a. Tun hma a kan la hmuh ngai loh kan cover ta a, chu chu Aizawl khawpui chuan lo duh ve viau mah ila, kan chang phak lo ani tih kha kan sawi tel duh a.

Tin, Khawzawl-Singzawl-Thamlawn road tih kha hei hi Manipur a kal ani a. Kolasib-Bairabi-Ganmura-Hailakandi, Assam chhun ani bawk a. Tin, Sadechera-Damchera-Zamuang-Kawrtethawveng-Tuilutkawn atanga Tripura chhun ani. Tuipuibari W-Kawnpui road atanga kal Tripura chhun ani. Lawnpu-Kanhmun road Assam leh Aizawl-Tamenglong road ani bawk a, chubakah chuan International road kan ti mai a. Myanmar chhun a kal Champai-Rih-Myanmar khi a awm a.

Tin, a tlangpuiin, kan hria a, kan kawng that loh zia kha kan hria a. Chumi atana kan hmalakna chi hnih khawchhak leh khawthlang lam Tripura, Manipur leh Kohima te tlawh tura National Highway kan nan ruahmanna te, chumi a chu hmasawna ropui takan kan ngai a,

Tin, a dang pawh ruahman-na Kumarghat lam kalna Sairang-Manu road pawh hi tunah hian chak takin statement te pawh tih chhoh mek ani. A dang erawh chu kan State plan in a theih ang anga kan in maintenance atanga kan tih chhoh mek ani mai a. A hranpa a kan Sorkar tharin maintenance atan dan tam vak hleih theih ani bik lova. Chumi avang chuan kan duh khawplo em em a, BRTF in an kawng maintain na atan hian a tlangpuiin Km 1 ah 2.5-2.8 lakhs

an dah lain keini chuan Rs. 20,000/- kan dah thei ani chauh mai a, tunhma atanga lokal tawhah, tumah dem ngawt bik theih ani lova, kan pawisa ruahman dan hisap leh Central BRTF ruahman dan kha a inthlau em a. Chuvangin kawng pawh hi chhe awm reng ani e, chumi atan chuan tunah hian National Highway kan Sorkar hmasa in an lo tih leh ruahman, tuna a hlawhtlinna kan hmuhte hi, kan kuta hlawhtlinna lo thleng ta te hi kan thawhchhuah liau liau ani kan ti hauh lo. A hma a kan hotute thawhchhuah ani, heng kan hmuhte hi a ziaawm hle in kan hria a. Chubakah chuan khami atana kan pawisa kan lo hman thin kha engemaw chen ngailo a lo nih takan khan tlemin kan maintenance na pawisa pawh khatah khan a pung thei deuh mahna tih kan ngaihtuah ani.

S P E A K E R : I duhtawk tawh ten ang.
A chiang tawk tawhin ka
hria. Zawhna 143 zawt
turin Pu Lalhmingthanga
i sawm ang.

PU LALHMINGTHANGA : Pu Speaker, ka zawhna
143-na Social Welfare Mi-
nister chhan atan -
(a) Tar, Pension hmulo,
hmu tura tih phu ngawih ngawih si, khawtinah mi tam
tak an awm tih Sorkarin a hria em ?

(b)-na, Hria anih chuan hengte hian an hmuh theih nan
engtin nge hma a lak ?

(c)-na, Hmu tawhte mi pakhat thlatin hmuh hi engzat
nge ? chumi thlatin hmuh chu tih pun sak tumna a awm
em ?

S P E A K E R : Chhang turin Pu K. Van-
lalauva, Minister i/c
Social Welfare i lo sawm
ang.

PU K. VANLALAUVA
MINISTER

: Pu Speaker, Aizawl East I
bialtu zahawmtak zawhna
kha (a)-na Tar pension
hmulo, hmu tura tih, phu

ngawih ngawih si khawtinah mi tam tak an awm tih Sor-
karin a hria em ? tih kha, kan chhanna chu - Hria e,
Sorkarin a hria e tih ani a. (b)-na Hria anih chuanh
hengte hian an hmuh theih nan engtin nge hmalak anih?
tih ani a. Hetiang hi a tam tih hria in kan theih
tawpin kan bei mek ani tih kan chhanna ani a. (c)-na
Hmu tawhte mi pakhat thlatin hmuh hi engzat nge ?
tih a ni a. Pakhatin Rs. 100 zel an hmu a. Tihpun
sak tumna a awm em ? tih hi phu ngawih ngawih an tam
em avangin tunah hian an hmuh ang bak hi tihpun sak
Sorkarin harsa a ti rin ani, tih kan chhanna nise.

PU LALHMINGTHANGA

: Pu Speaker, zawhbelhna.
Kan Minister chhannaah
khan ka fian tawk lo khawp
mai a. Theihtawpa beih

mek ani tih ringawt kha chu a sawi theih mai a. Hei
tun kum khat kalta chhung hianin Aizawl atanga Far-
kawn thlengin. Tin, Aizawl atanga Zawngling, Kho-pai.
Tura-te thlengin, Aizawl atanga Tlabung. Chutiang ang-
in Aizawl atanga Vairengte hi physical in ka kal
chhuak vek a. Upa pawl ho hianin hemi tar pension
chungchang thu hi a hminga MLA lo nita chu kan hnenah
an rawn sawi ziah thin a. Tuna kan Sorkarin a pekah
hian khaw khata a phu $\frac{1}{3}$ pawh hi a pe zo lo ni tawhin
a lang a. Tichuan, Sorkarin khatiang kha awm tih a
hria anih chuan, engzat number nge ? tipung tura
Scheme a siamsak tunan hian min hrilh selangin, a
khaw-wise a theih loh pawhin a Zoram pum huap talin
min siamsak thei selangin.

Tin, min hrilh thei se-
langin, chumi chu Central lamah an zuk dil nge ?
chutan chuan Central lamin an lo ti thei lo anih
pawhin eng chhuanlam nge an neih, eng mutan nge an
neih tih min hrilh thei selangin. Tin, chumi bakah
chuan Rs. 100/- hi chu a tlem lam tawh ani an ti
vek a, khawtina han kal hian. Tunah hian hei, Sorkar
hnathawk hlawhte, tin, MR hlawhte, Casual labour
hlawhte a lo pung chho ta a. Chumi rual chuanin In-
dia ram pumpiah Mizoram chauh ni chuang lovin, kang
kha Sorkar hnathawk hlawh pung te, casual labour
hlawh pung te, kang kha ani a. A ram pumpui chu-
tiang a lo nih tak sian chuan thil man pawh a lo to
chho va. Chuvang chuanin, nemi a number an tam em
avangin Rs. 100/- hi chu tihpun tumna a awm lo ani
tih rikngawt a kha, a pawisa rawn kal belh tur a

.....10/-

awm a, chu chu sem zai kan tum a, chuvang chuan ania tih pawh kha awm ta si lova, chu^othu tling lo tak niin ka nria a. Licuan, hemi price level a chho ang hian engzatin nge Sorkarin a tihpun theihna Scheme chu a siam theih ang ? tih min hrilh thei em ?

PU Z.H. ROPUIA

: Pu Speaker, 1-na a chhan-na kha ka fian lo nge ni, a zawhna hi a fianlo zawk pawh ka hre lova, hei hi

ka han zawt duh ani. Tar pension hmulo, hmu tura tih, phu ngawih ngawih si khawtinah an awm tih Sorkarin a nria em ? tih khan 'Hria e' tih ani a. Tar pension hmu tura tih hi in lo nei tawn reng em ni ? phu ngawih ngawih hi pension hmu thei tur chinan chuan ngaih ani a. Amaherawhchu, hmu tura tih, phu ngawih ngawih si hi 'Hria e' in ti a. Ghutah chuan Tar pension hmu thei chin ang, mi tamtak phu ngawih ngawih Social Welfare Department ante ngen puinate kan rawn ziak thin a. Khang lho khan an hmu chuang mang si lova, hmu thei tura tih a, la pek lon nge an nih ? khalai zawhna tamtak mai akha, hmu tura tih phu ngawih ngawih si, hmu tura tih phu ngawih ngawih hi in lo nei tawn em ni ? tih kha ka han zawt duh ani.

PU VANLALHLANA

: Pu Speaker, tar pension hmu tura phu ngawih ngawih. Amaherawhchu, hmulo an tam em em tih kan hria a. Ap-

plication pawh Department lamahte leh, Ministerin an hmu hnem hlein ka ring a. Hetianga tar pension hmu tura thlan nan hian eng criteria nge ti mai ila, V/C recommend te nge ni a, YMA te nge ni a, Party recommend te hetiang tar pension hmute hi eng angin nge thlan an nih tih kha ka zawt e.

PU K.T. ROKHAW

: Pu Speaker, zawhbelhna, tar pension hi kumin financial year chhung hian engzah nge in pek tih

ka zawhna pakhatna ani a.

Tin, a pahnihnaah chuan, Central National Social Assistance Project atang hian tamfe kan hmu ve in ka hria a. Mi engzah nge Central National Social Assistance Project atang hian pek an nih tawh ? Tin, financial year chhung hian hemi atang hian tanpuina kan dawng leh thei dawn em ? tih hi ka zawhna ani a. Tin, a bik takin Central National Social Assistance Project atang hian mi pakhat hi Rs. 75/- tanpuina an lo pe a. State in Rs. 25/- in kan beln a, tiang chuan Rs. 100/- kan pe ta a. Hei hi kumin atang chuan tinpun a ni thei mai dawn lawm ni? Central ina Rs. 75/- min lo tumsak takan chuan ? tih ka han zawt nawn len ani e.

PU K. VANLALAUVA
MINISTER

: Pu Speaker, zawhbelhnaah
khanin Aizawl East I
bialtu zanawmtak khan
tuna tar pension in pek

in rawn chnan danan khanin lungawi thlak vak loh riau a, rawtte in nei em ? khatia kan hria e tih ringawt mai kha chu tih kna ani a. Ni e, a dik a, Mizoram Sorkar hian lenkha a dawng tam em a, kawng hrang hrang atangin kan thlir a, chutan chuanin, hei an pung tual tual si a, a tar lam lah chuan khawng tar chawmna dil lo ngam ni teh ang tih kan tum chiah bawk si lova. Chuvangin, kawng i dap ten ang tiin State Sorkar in hma a la a. Chuvangin, tun kumthar kan hman mek atana rawtna kan han thlen chu a tawi zawngin Sorkar laipui atang chuan in mi sangli tan i dil ang kan ti a. Hei hi bawhzui lai mek ani a.

Tin, State sanction atang pawh hian 300 tal i ruahman chhin ten ang tiin ruahmanna chu siam ani a. Tin, nichina Pu Z.H.Ropuia zawhna kha han sawifian a duh ang reng a, nichina zawhna (a) naah khanin Tar pension hmulo hmu tur a tih tih ngawt mai ani a, hmu tura tih an awm tawh em ni tih kha ani a, hengte hi zawhna awmdan a fuhlo deuh a, hmu tura tih anni hranpa lova, dil ti ila a dikan a rinawm. Engpawh nisela, mi tam tak an awm ani tihnaah ngai ila, chuvangin, he hmu tura tih ringawt lovin a dilho zingan hian in a phu chi hrang hrangte chu kan nan thlan dante anni mai a. Pu Vanlalhlana zawhnaah khan a rawn Chiang deuh hlek a, Eng criteria hmanga thlan thin nge ? Party lam recommend te nge ni ? Social Organisation recommend lam atangin em ni in thlan thin ? tih kha a tlangpui thu in Party lam recommend hi cau a tla deuh zel turan ngai ila, tunan pnei chuanin kaldan phung kan

....12/-

nei a, Mizoram Upa pawl hian an recommend hi a pawm-awm ber kan ti a. D.C. leh Party recommend mai bakah M.U.P recommend a tel loh phei chuanin thu tlingah kan ngailo hial ani. Chuvangin M.U.P ten hei hi keimahni zing ami tar pension phu anni e, tia an rawn sawite hi tehfung a kan hmante chu an ni.

A dawt lehah chuan Tuipang bialtu zahawm takin a rawn zawhna kha a pawimawh hle a. Kumin a Financial year liamtaah khanin State fund atangin mi 2752 tar chawm ani a. Tin, Sorkar laipui fund atangin mi 4040 chawmna pek anni a. Tin, Member zahawm takin a rawn zawhnaah khanin State a kan pek te leh Central a kan pekte hi a inzat em ? tih laiah khan a inzat lova. State hian 100 a pe a. Sorkar laipuiin 175 a rawn ti si a. Khatah khanin a chawmna la tuten a in anglo an lak kha an ngaithiam tlat lo mai a. Chuvangin, Central Sorkarin a fello anih hi tiin, mi 4040 a pekte kha 75 nilovin 25 a belhsak ve ta zel a. Tichuan, chawhrualin 100 theuh ang an ni ta ani. Tunah hian Pu Speaker, Mizoram ina tar chawmna a pek chu 6792 a tlingin ka hria.

PU NIRUPAM CHAKMA

: Pu Speaker, Old age pension hi Sorkar tan chuan application a ni hmutura tih. Phu ngawih ngawih

an awm chuan, criteria tlin chuan pek ngeingei tur ani. Tunah 6700 pawh nise a la tam lo. 10000 pawh nise a pawl lo, pe ngei ngei rawh se. Pe thei ang em? tih hi ka zawt duh a. Tin, Rs. 100/- chu a tam vak lo ani. Chuvangin, phu ngawih ngawih an awm chuan Sorkar hian a pe mai tur ani. Heng hi assurance pe thei ang em ?

PU J. LAWMZUALA

: Pu Speaker, ka lawm e. Kan Welfare Minister khanin Old Age tanpuina atan, kuminah mi sangli atan

Central atangin beisei ani a. Mizoram State fund atangin mi 300 tih kha a chhanna niin ka hria a, a dik emaw ? chumi lai chuan, kan Chief Minister, Finance Minister ni bawk Budget Speech atanga a sawi nen hian a inthlau ta deuhva. A va pawl em !

ka ti a. "For the year 2000-2001, the Department proposes to provide financial assistance to 500 handicapped persons 200 destitute women and 6790 old age pensioner," a ti a. Hetah 6790 hianin kan C.M/F.M in a tum dan leh kan Welfare Minister in a tum dana kha a inthelh deuh emaw ni aw ? kha kha ka han zawhbelh lawk teh ang.

PU K.T. ROKHAW : Pu Speaker, kan Minister min chhanna atang khan mi 4400 tar pension pek anni a. Tin, State atangin 2752 ani a. Central atanga tanpuina min peka kha a tam em em a. Kuminah khan (Kumin Financial year chhung) khan Central atanga kan beisei kha mi sangli vel tar pension la leh thei tur angin beisei tur a niin ka hria a.

Tin, Mizoram atangin zathum anih dawn chuan Central ina mi pakhat Rs.75/- pek theih anih chuan keini State in Rs.25/- kan belh a. Tichuan, Rs.100/- a lo ni ta a. Chuvang chuan, State atanga kan peka hi tunah zathum kan pek tur nen chuan belh telin sangthum vel erh awrh a la ni a. Chutiang anih chuan Central atanga min pek, a hma a min pek sangli leh kumin financial year chhunga min pek sangli belh chuan sangriat a tling dawn a. Eng-pawh nisela, tar pension hetiang taka Central in min tanpui anih chuan tar pension hi tihpun hram ni sela, tichuan a tar ho tan pawh en inenkawlina a tling ve deuh ang a. Tun ami hi chu a beitham lutuk a, hei aia tihpun theih hi a theih mai dawn lawm ni ? tih ka zawt e.

S P E A K E R : Ngun deuh hlekin a chhanna kha ngaihthlak ni sela, a dil thu kha fiah takin a zat nen khan a rawn sawi tawh a. Tunah chhang turin i lo sawm ang.

PU K. VANLALAUVA : Pu Speaker, Pu Nirupam Chakma zawhna kha a zah-awm khawp mai, pek ngei

....14/-

ngei tur ti a order han chhuah nghal mai pawh a chak-awm tak tak a. Hmanni-ah M.U.P General Conference-ah khan kan han tel ve a, hemi hi an enghelh em em a, phu pawh an inti a, an phu kan ti ani. Tichuan, Sor-kar chuanin an phu vek rual khan sum leh pain a tlin rih loh avangin kan tlin na na na chu pek ngei ngei an tum ani tih kha chiang ila a tha awm e.

Nichin khan, Lunglei 'S' bialtu zahawm tak khan a rawn sawi chhuak hlauh mai a, sawichhuak an awm loh chuan sawilang kher lo ang tih ngaihtuah a awm deuh hlek a. Kan Chief Minister Budget Speech-ah khan phek 10-na, Social Welfare Department-ah typing mistake an lo nei deuh a. Kha kha in lo en ve pawh tha in ka hria a. Khatah khan tar pension bikah khan figure 2 chauhin tihsual ani a. Hemi Speech bu-ah khan 6792 tih kha 2 tih leh a tih kha tlem a dik ve ve tih turin a awm a, keini Department lam atang khan 6790 tih leh 92 a ni lawm ni tih kha a awm ani. Tuna a hnunngberah 4792 financial year liam ta ah khan ani, tih min lo hriat sak ka duh a. Chief Minister Speech sawilan takah khan handicapped person-ah 750 tih kha 1585 ani tih kan Member hriat ka duh a. Destitute women-ah khan 650 ni lovin 687 tih kha typing mistake liau liau ani tih ka hriattir duh che u a.

PU H. LALTANPUIA : Pu Speaker, House a budget speech kha a diklo thei lo hrim hrim tur ani. Thil tihsual hi a tam tawh em mai.

PU K. VANLALAUVA : Pu Speaker, famkim lohna a lo awm thin a, heng MINISTER thilah hian kan inchhuang lemlo. A sual pawh a awm thin a. A tlangpui erawh chuan a dikna kan tarlan kha a tam zawk daih ani tih Member ten min lo hriat sak kan duh ani.

Tin, Tuipang bialtu khan Central atanga beiseiah khanin member 4000 te hnen-ah kan zuk dil kha ani a. Tichuan, tar chawmna phu leh beisei hi an tam em em mai a. Office-ah hian

mi sang tel kan la pek bak phu ngawih ngawih kan MP te lehkha thiltel kan dah ani. Chumi avang chuan tub tunah hian kan dil belh ani. Rs. 100 hi a tam tawk la m ni lovin a phu kan tam avangin a phu kan tam em avangin amount hi chu tihpun a chakawm hle a, mahse, kan tlin rih lo ani.

PU ZAKHU HLYCHHO : Pu Speaker, Pu L.N. Tluanganen a kan zawhna - (a) Kum 1999-2000 chhungin Contractor registration hawn ani em? (b) Hawn ni tase Class III - I thleng in register engzat nge awm? (c) Hawn ni ta lo se engnge a chhan? (d) P.W.D Contractor Class hrang hrang Class I, II, III leh VI registration deposit atan Sorkar in engzat nge a bituk? tih ka'n zawt e.

PU R. TLANGHMINGTHANGA MINISTER : Pu Speaker, Member te zawhna 144-na chhanna (a) Kum 1999-2000 chhungin registration hawn ani. (b) Hawn nita se Class III atanga Class I thlengin register thar engzat nge awm? tih chhanna chu, mi 4 register thar an ni. (c) Ni ta lo se, engnge a chhan? chu chu chhan ngailovah ngai ila. (d) P.W.D registered Contractor Class hrang hrang Class I, II, III leh IV te, registration fee deposit atan Sorkar engzat nge a bituk tak? Chhanna chu - Registered Contractor te tana registration deposit ngai chu hetiang hi ani. Class I (Tribal) - Rs.20,000/- Non-Tribal tan Rs. 40000/-, Class II ah Rs.1000 Tribal tan. Rs.10,000/- Non-Tribal tan Rs.20,000/- Class III ah Tribal tan Rs.5,000/- Non-Tribal tan Rs.10,000/-. Class IV ah Tribal tan Rs.500/- Non-Tribal tan Rs.1,000/- chu chu a chhanna ani e.

S P E A K E R : Starred Question 140, E, i zawtbelh dawn ani maw. Speaker i address lova, chuvang chuan ani kan hriatloh ni. I zawhbelh dawn khan Chair i address lova, question dangah kan kal phah dawn a lawm mawle.

Question No.145 zawt tur-
in Pu Sanghmingthanga i lo sawm ang. Chair address
lovin tuman question in zawt tur ani lo.

PU SANGHMINGTHANGA H. PAUTU : Pu Speaker, ka zawhna
Starred Question 145-na
PWD Minister zahawm tak-
in a chhan atan -

- (a) World Bank sum hmanga Aizawl-Lunglei (Thenzawl-Lunglei) kawng hi engtika hna tan tur nge ?
- (b) World Bank sum hmang vek hian khawi khawi kawngte hi nge laih tura identified ni tawh ?
- (c) Aizawl - Kawnpui via Lungdai kawngpui hi widening tih tumna a awm em ?
- (d) Serkhan - Bagha Road NEC Project hi a original plan ang ngeia Bagha a kaltlang tur hian hmalak ani em ?
- (e) Kolasib, N.Hlimen - Sakawrdai atan hian kawnglah tumna a awm em ? tih te ka'n zawt ani.

S P E A K E R : Chhang turin Pu R. Tlang-
hmingthanga, Minister in-
charge P.W.D i lo sawm leh
ang.

PU R. TLANGHMINGTHANGA : Pu Speaker, Member zahawm
MINISTER tak Pu Sanghmingthanga
zawhna chhanna chu :

(a) World Bank sum hmanga
Aizawl - Lunglei, Thenzawl - Lunglei, kawng hi eng-
tika hna tan tur nge ? tih chhanna chu - World Bank
sum hmanga Aizawl-Thenzawl-Lunglei road phase I,
Aizawl - Buarpui hi Jan, 2001 a tan hman tum ani.

(b) World Bank sum hmang vek hian khawi kawngte hi
nge laih tura identified ni tawh ? A chhanna - World
Bank sum hmanga kawng hrang hrang laih tur identi-
fied tawhte :

- (1) Aizawl-Thenzawl-Lunglei, 171 Km.
- (2) Bairabi-Zamuang-Kanhmun, 60 Km.
- (3) Kawnpui-Aizawl via N.Lungdai, 45 Km.

(c) Aizawl-Kawnpui via Lungdai kawngpui hi widening tih tumna a awm em? A chhanna - Aizawl-Kawnpui via Lungdai hi World Bank sum hmanga laih tura ruahman ani.

(d) Serkhan-Bagha road NEC Project hi a original plan ang ngei a, Bagha a kaltlang tur hian hmalak ani em? Chhanna - Hei hi BRTF hmalakna ani a. Bagha a kal tlang ngei tur hian hma an la thei tawhin kan hria. Hetia, chianglo riai a, kan chhanna chhan chu, Official in kan kut ani lova. BRTF te kut anih avangin, Officialin engmah hriatna kan nei lova, amarawhchu, kan hotu ten tawngka in, hemi thuphung an sawi an lo hriatchhawn ani.

(e) Kolasib-N.Hlimen-Sakawrdai atan kawng laih tumna a awm em? A chhanna - Tunah mai chuan a awm lo tih ani e.

PU SANGHMINGTHANGA H. PAUTU : Pu Speaker, zawhbelhna, A chhanna kha, a lawm-awm hle in ka hria a. Tin, (b)na a Serkhan-Bagha road kha, hei State Sorkar kan nih angin, State Sorkar khan, tihpui ngaite, puih ngaite a awm anih pawhin, NEC lamahte khatiang khan, puih theihna kawngah khan puih nita ang sela, tih kan Minister zahawm tak khan min lo hriatsak ta sela. Double tiin ka'n ngen duh a.

Tin, a bika Kolasib - N.Hlimen - Sakawrdai kawnglah tumna awmlo kha pawm theih dan a awm lawm ni tia ngaihtuahna hman atan ka duh a. A chhan chu tun hnai maiah Saipum lamah NEEPCO ho hnathawktute kidnap chungchangte kan han hria a. A bikin Manipur nena kan inrina pheiah hian kawng a kaldan hi Saipumah an kal tawp a. A chhak tlangdung hetah Khawruhlian lamah an kal leh a. Tlangdung ringawta kal hi Defence Purpose leh Administrative convenience leh purpose atan a tha tawk lovin ka hria a. Hemi avang zawngin Kolasib atanga N.Hlimen a kal chuan Km 34 lek ani a. Tichuan, N.Hlimen chu tawite ani. N.Hlimen - Saipum chu Km 17 lek ani leh a. Kolasib atangin District Headquarter turte a lo ni a. Kawng han tih chuan Official leh Police ho emaw te pawh awlsamtein Bilkhawthlir - Saipum lama kal ngai lovin, tin, hetah Serkhan-Kolasib a kal ngai lovin short cut a awm thei dawn a. N.Hlimen atanga Sakawrdai emaw Serzawl te pawh han tih chhoh hian khilam atanga hetia lo kalna pawh a awl ang a. Awlsam taka thiltih zung zung theih ani dawn ani. Sawlam kan

thenawm Manipurte buai an nih avang sawn harsatna kan tawk zeuh zeuh reng dawn ani mai em ni aw tih pawh a chhe zawnga ngaihtuah chuan a awmthei rum rum a. Chumi avang chuan kan Minister khan hetilai ami hi RE ahte emaw tihbelh dan kawng ngaihtuah nita sela, tul hlein ka hria. Chumi anih loh chuan harsatna tam tak kan la tawk dawn niin ka hria. Min lo note sak sela tih kan zawt belh duh ani.

PU LALHMINGTHANGA : Pu Speaker, kan Minister zahawm takin, Kawnpui bialtu zawhna D-na a chhen khan, Sarkhan - Bagha Road NEC Project hi a original plan ang ngeiin Bagha a kaltlang tur hian hmelak ani em ? tih a chhannaah khan hei hi BRTF kut ami ani a. Engmah kan hriatpui lo a tih kha a tha lovin ka hria a. BRTF hi chu Work Agency anni mai a. A fund ahi NEC funding ani a. Inter State Road tho ani a. Kan Sorkar hi a Policy siamtu ani a. Kawng kan han tihchhoh lai hian keipawh P.W.D ka chan ve lai khan ka sawi thin a. NEC Meeting ahte kaltlang ngei tur a originally chuan Bagha atanga Sarkhan a rawn chhuak tur a ruahman ani. A hnu lam a harsatna lo awm ta a hi Bagha atanga Mizoram ramri inkar a khu Assam in 'Forest Area ani e' tiin objection an siam vang ani a. Khami tak akha nawrtlang tur chuan NEC a member ni ngei kan State Sorkar hianin a beih a ngai a. Pioneer hi policy siamtu an ni lo, BRTF hi. Chumidungzui chuan kan Sorkar hian Bagha a chhuak ngei tura nawrturin a intiam thei em ? kha kha a tul pawh a tul ani. Pioneer kuta dah ngawt chi ani lova.

PU K.T. ROKHAW : Pu Speaker, Unstarred Question Ni 29, March a kan zawhnaah hian Pu Rinzuala zawhna PWD a a zawhnaah hian, Assembly lam hi an fimkhur a ngai viauvin ka hria a. Pu Lalchamlia, Minister i/c Public Works Department tiin an ziaak a. Hei hi Assembly Staff te lam nge ni a, P.W.D Minister chu Pu Tlanghmingthanga ani tih tu pawhin kan hre vek a, chuta Pu Lalchamlia han tih talh a hi tun chinah fimkhur deuh se a tha khawpin ka hria.

Pu Speaker, ka zawhna World Bank pawisa atangin ka bial Saiha, Chhualung, Tuipang leh Kawlchaw - Phura hi Phase II a telhve a ni a. Engtikah nge kan Sorkar hian hma a lak theih ang ? tih ka han zawt belh e.

PU L.N. TLUANGA

: Pu Speaker, Sialsuk - Thenzawl Road hi via Hmuifang tlang nge via Samlukhai zawka Sorkar in laih a tum

aw ?

PU R. TLANGHMINGTHANGA
MINISTER

: Pu Speaker, kan hotute zawhna karah rawtna suggestion te pawh alo kal zel a, a lawmawm hle a.

Hei Pu Sanghmingthanga, Kawnpui bialtu zahawm takin a a rawn sawi akha, a hrechiang hle a, a lawmawm hle a. Keini pawhin tul kan ti hle a. Builum thleng pawhin kawng a kal tawh tih kha ani a. Helai hi han laih mai atan pawh a chakawm a. A kawng kal tur a tan pawh a awm hle. Amaherawhchu, tunah hian kan Department kan han timna chhan chu (tim han tih khan a tul anih chuan pawisa chu awm turah ngai ila) khami Serlui B khwah tur kaltlang tur anih avangin Pu Speaker, khalai kha tui chim tur ani tlat mai a. Chuvangin, tuna kawng lo laih khan khalaiah khan tihchhiat tur tho a, hma lo laka pawisa tam tak lo sen akha tih chi ah kan ngai lova. A alternative erawh chu engnge ni kan sawi thei lova.

Tin, Serkhan - Bagha Road hi BRTF hnuai alawm tih vange indah awl der tur ani hlei nem tih kha a dik a. Hei BRTF ho hi Central kut ke anni a. Tunhma atanga kei pawhin ka lo feel thin chu, Mizoram Sorkar hi a thulo lutuk thin tih ani a. Chuvang chuan, thu talh te hi kan tum thin a, a the leh tul ang kha tih chhoh kan tum a. Amaherawhchu, an luhlul viau a. Mahse, theihtawpin helaia Forest a clearance an pek theih loh hi an pek ngei theihna turin PWD atang pawhin theihtawpin kan nawr ani tih kha ka'n sawi duh ani.

Tin, Saiha-Chhualung - Tuipang kawng laih engtikah nge tan anih ang tih akha, tunah mai ka sawi thei lova. Kan ruahmannaah chuan

kan ngai pawimawha, tunah plan te, work schedule te..
kan htih chhoh theih dan a thu in la hma chhoh tur-
ah kan ngai a. Mahse, a detail ka sawi thei lo ani.

S P E A K E R ; Question Hour a tawp a.
Home Minister Pu Tawnluia'n
House a statement pek van-
tlang tana hriat tul bik
ni a a ngaih, thil thleng thar, statement pek min
rawn dil a. Chumi pe tur chuan Pu Tawnluia, Home Mi-
nister i lo sawm ang u.

PU TAWNLUIA : Pu Speaker, ka lawm e.
MINISTER NEEPCO hnathawktute rukbo
thu, Tuirial Hydrel Project
Meghawatt 60 pe chhuak
thei tur hna hi N.E. Electric Power Corporation Ltd,
NEEPCO chuan Central Sector hnuaiah kum 2 zet kal ta
atang khan an lo thawk tan tawh a. Dam site hi Sai-
pum leh Mautar inkar, Tuirial kam, Cachar ramri bul
maiah a awm a. Helai hmunah hian NEEPCO hnathawktute
engemaw zatin hna an thawk a. Vairengte-ah Project
Manager Office te neiin, Bilkhawthlirah pawh engemaw
zat an awm bawk. Vanduaithlak takin March Ni 31, 2000
zing Dar 5 rik hma deuhin hel pawl ni a rin, ralthuam
keng ten, Mauchar leh Saipum inkar, Tuirial kam, Dam
site a an buk atang hian ko chhuak in, an zinga mi 6
chu an ru chhuak a. Chung an ruk chhuahte chu :

- (1) S.Dhar Engineer (SDO)
- (2) Ratan Roy (Qrillen II)
- (3) Nipin Nath (Qrillen II)
- (4) Robert Lalsanga J.E (Civil)
s/o F. Thansenga Saipum
- (5) Lalrinkima J.E (Mining)
s/o Dengthuama, Hnahthial
- (6) P.Mandal Kalasi IVth Grade

31st March khan Vairengte
Police Station ah NEEPCO hotuten report an thehlut a.
O.C Vairengte Police Station chuan Sorkarah a rawn
thawn a. Tin, Vairengte ah P.S. Case No 16/2000 dt
31.3.2000 under section 365 I.P.C read with 25(1) b
(a) Arms Act hnuaiah register nghal ani. NEEPCO hna-
thawktute rukbo thu hi hriat anih velah Cachar leh
Manipur ramri hrula border Police post leh Police
Station te chu a tul anga thawk nghal vat tura hriat-
tir anni a.

Tin, Assam Rifles Manipur leh Cachar te pawh hriattir nghal vek an ni bawk. He-mi ni la la hian S.P Kolasib leh SDPO Kolasib te chu a hmunah tirh thlak nghal anni a. Aizawl atang pawh-in Addl. S.P., Dy S.P CID SB te chu Police engemaw zat hruain an kal nghal bawk, chinchang thlithlai turin Addl. D.C-I chu Sakawrdai lamah tirh ani a, Adl. D.C. II pawh Bilkhawthlir lamah tirh ani bawk. Tin, S.P. CID SB pawh Vairengteah zuk kalin NEEPCO hotuten hmalak zel dan tur an sawi tawh bawk.

Pu Speaker, helai hi tawite in ka'n sawifiah lawk. Addl D.C-I leh D.C-II hi Aizawl D.C. Office ami kan tirh ani. NEEPCO hnathawk tute rukbo thuah hian a titute hi tute nge ? engvanga heng thil hi ti nge ? eng hunah nge an kalpui? An rukbo ate dinhmun hnunung ber engnge tih hre turin theihtawpa hmalak zel ani a. March 28 tlai hian HPC hel ralthuam keng mi 11 Mauchar khuaah lo lutin Ni 29 ah Chakma Cachar an thleng a. Zan an riak a. NEEPCO hnathawktu rubotute hi he mite ngei nia rin ani. Mita hmutute sawidan chuan Cachar ramchhunga Tuirial dungah lawngleng pahnih hmangin an inkar kai thla nia hriat anni. An mi rukbote hi an nunna thu ah chuan lo hlauhawmlo tura beisei anni. Hetiang thil duhawm lo tak beisei loh taka a lo thlen takah chuan NEEPCO hnathawktute sahigna hi Sorkar ngaihtuahsak turah kan ngai a. Chuvangin, April Ni 1 atang khan armed police engemaw zat Dam-site ah hian dah nghal anni. Hetih lai hian Dy. Commandant I.R. Battalion leh a hote pawh Cachar Police te nena a tul anga chhanchhuahna thawk thei tura tirh thlak nghal ani bawk. Pu Speaker, Ka lawm e.

S P E A K E R : A copy kha Memberte hnenah sem ni sela, kan hriat tak ang khan thil duhawmlo tak mai kan dawng a, a pawh hle ani.

PU TAWNLUIA : Pu Speaker, kan la dah MINISTER ang. Hei an rukbovate kha hnamdang pali an tel a. Khami SDO leh

dealer pahnihte kha chu khumi Silchar, Cachar District
ami anni a. Pakhat Mandal Khalasi kan tih kha W. Beng-
al ami ani, kan information atan.

S P E A K E R : Kan business angin kan kal
zel ang a, kan tih leh
tura chu Voting on Demands
ani. Pu R. Tlanghmingthanga
leh Pu K. Vanlalauva te Demand kan la ang a, kan rem-
ti tlang ang chu ka ti a, kan remti tlang em ? A
pahnih hian kan la mai ang a.

Pu R. Tlanghmingthanga'n
Demand Number 42 leh 54 House ahrawn submit sela.

PU R. TLANGHMINGTHANGA : Pu Speaker, on the recom-
MINISTER mendation of the Governor
of Mizoram and with your
permission Sir, I moved
the Demands No. 42 and 54 for Rs.100,57,19,000 only
for meeting expenses during 2000-2001 in respect of
the following Departments.
Demand No. 42 Co-operation, Amount Rs.393,10,000/-
Demand No. 54 Public Works, Amount Rs.96,64,09,000/-
Total - Rs.100,57,19,000/-
Ka lawm e.

S P E A K E R : Pu K. Vanlalauva Demand No.
seven (7) leh thirty three
(33) rawn submit leh se.

PU K. VANLALAUVA : Pu Speaker, on the recom-
mendation of the Govt. of
Mizoram and with your per-
mission Sir, I moved the
Demands No. Seven (7) and thirty three (33) for Rs.
15,36,20,000/- only for meeting expenses during 2000
-2001 in respect of the following Departments Demand
No. 7 State Excise Rs. 6,00,00,000 (6 crores), De-
mand No. 33 Social Welfare Rs.9,36,20,000/- total
Rs. 15,36,20,000/-
Ka lawm e.

S P E A K E R : Pu Tlanghmingthanga leh
Pu K. Vanlalaiva te De-
mand kha a rualin kan
sawi ho ang a. Kan hunin
pek dan pangngai angin minute 10-ah zawh kan tum
hram dawn nia. Sawiturin a duh a piang i lo sawm
ang. Pu K.L. Lianchia i sawm ang.

PU K.L.LIANCHIA : Pu Speaker, kan inthiam khek deuh te pawh ani mahna. A minute hi a tlem em avang hian sawi tur a hleih pawh a hriat theih lova. A hmasa berah chuan kan P.W.D. Minister chanvo kha tawite han sawilan ka duh a. Pakhatna ah chuan zirtawpni ni 31 a Pu Nirupam Chakma, Chawngte bialtu zahawm takin a zawhna P.W.D. Minister in a rawn chhanna, hemi unstarred question ah hian thil fel-lo a awm a. Question 105-na ah chuan kum 1999-2000 chhunga P.W.D. contract pek te a division wise a ti a, chumi chu ngun takin ka en ta a. Aizawl building division ah chuan sl.no.35-na ah chuan hetiang hi a lo lang a, a Contractor Pi Biakkungi, a hna construction of security fencing in-charge protection wall of Pu K.L.Lianchia tih a ni a, Rs. 1,90,642 tih a ni a, a engpawh kha nise in-charge emaw including emaw pawh nise ka inah hian protection wall Pi Biakkungi hian a siam lo hrim hrim a. Hetiang zat zat sum siamna te chu kan hmuh ve tham te pawh niawm tak a ni a. Brick 1 em pawh kan hmu silova. Hemi ka hminga lo lang Rs.1,90,000 chuang zet hetiang ka protection wall anga lo lang mai hi, Pu Speaker, kan Minister zahawm tak hian a sawifiah ka duh a. A dik tak chuan midang te pawh an inziak a, a then chu Rs.8 lakhs te pawh an seng a, Rs.7 lakhs te Rs. 4 lakhs te, Guard barrack leh security fencing velah te. Keini pawhin tlem azawng chu kan hmang a, chung chu fel takin a lo lang a, a dik pawh a dik a. Pi Biakkungi hnathawh protection wall siamna man hi a dang zawng zawng ka siamna let hnih deuhthaw a ni a, a tak hmuh tur awm silo a ni a. Heng thilte official document a, thil awm silo, ka hminga lo awm si hi ka duh lova. In enchian theuh pawh a thain ka hria. Midang chu ka hriatpui lo che u a, hei hi chu ka la na em em a ni. Hengah hian corruption tihbo te kan sawi fo lehngal a, kan lo tiha chu a diklo anih chuan a mawh chu ka phurh tur a ni a, hei hi Pi Biakkungi hian a la vek tawh niin a lang a ni. Kumhlui thil anih avangin. A la anih chuan ka in leh lo saw rawn en sela, brick pakhat em pawh rawn dah sela ka hrethiam anga, Pi Biakkungi hi tunge ka hre lova, hetiang protection wall hi siam anih pawh ka hre lova. Hei hi Chiang taka rawn point out hi ka duh a, ka lung a awi lova, engtia tih tur nge tih pawh ka hriat hmam, vawinah hian he House zahawm takah hian kan Minister a changtu hi ka rawn zawt duh a ni.

Tin, a dawt lehah chuan Contract work kan pek te a lo awm a, hengah hian hna pawh an thawk tam viau mai a, a tha turah ngai ila. Mahse Pu Speaker, helaia kan hnathawhna ah te pawh hian, National Highway tih angah te pawh hian Mizopa chuan tlem azawng a thawk ve a, mahse hei a lion's share hi chu Ms.Tapia Construction Ltd. Calcutta hian an chang a. Department lama kan ngaihven chuan heng hi National Highway atanah hi chuan dan a awm a.

Chuvangin heng kan Mizo contractor tena an la khawih theih loh thil a ni. Chuvang chuan heng construction work hi pek an ngai tlat a ni, an ti a. A dikna chin a awm pawh ka ring a, kan Mizote thawh theih chin chu engemawzat pek an awm ve a. A lawmawm ka ti tho a. Amaherawhchu, kan ram a ni a, tunah hian hemi Ms. Tapia Construction Ltd., Calcutta tihte hnuaiah hian kan Mizo Contractor tam tak an inhlawhfa a, an thawk tho mai a. Chuvangin annin a an rawn sawi a kan rama an thawk dawn anih chuan kan P.W.D. ah an rawn dah anih chuan heng an dan dinglai an tih ang ringawt te hi chu, kan Mizo tena an thawh ve pui theih tura an pawh hek ve theih tura lo ti ve turah kan Sorkar hi ka beisei a. Vai ina a theih loh an tih a, theih loh a ni tih ringawt a, vai te hnena pek bur mai hi tha ka ti lova, pawh ka ti a. Kawng leh-lamah pheih chuan tlawm thlak pawh ka ti a. Hnam ah kan chiang anih chuan kan rama lo awm tur kan kuta an rawn dah dawn anih chuan anni dana chu an rawn chhawm lut ngei anga an dan ania a theih loh an ti anga, a heti zat tal hi a theih tur a ni, kan ram a ni a, kan tih tur a ni kan tih ve a, kan nawr hneh ve turah ka beisei a, ka phut bawk a. Hei tuna a rawn lang chinah ringawt pawh hian nuai 657 singnga sangnga zahnih leh pariat (657,55, 208) hi lawk tak mai a ni a. Chung zawng zawng chu hetia Ms. Tapia Construction Ltd., Calcutta hnenah hian pek vek a ni mai a. A hnuaiah chuan kan Mizote hi inhlawhfa lek kan ni, Mizote thovin an thawk mai si a. Chuvang chuan kan thawk thei ve a ni tih kha a chiang a. Amaherawhchu, anni dan rawn ken luh ang anga kan Sorkar a lo tlawm mai a, hetiang anga kan rama pawisa hlawn lian lokal, vai kuta lut ta burh maia hi. Anni chu entawn atan an rawn ti a, engemawzat chu an chang anih pawhin heti em em tur chu em ni ang ? Hnama chiang, dik te tan chuan tih chi em ni ang aw ? ka ti a, ka ui thu leh heng hi tunhnu zelah pawh a lo awm anga, kan la lai zel anga, National Highway te, tiang hian thil an rawn ti pawh a ni ang e, mahse kan ram anih chuan kan ramah chuan hetiang thil lo thleng anih hi chuan, kan ram ina kan tih ve theih tur, kan Government Contractor te pawhin an tih ve theih tur zawnga her rem, siamrem tur hian kan Sorkar hi ka beisei a, ka duh bawk a. Chuvang chuan, a thau zawng zawng mai annin an rawn sawh vek mai tur anga kal hi tha lo ka ti. Kan bei lo a niang, anni tih theih tawk a ni a, tizat hi experience nei, chutiang khatiing chuan in rawn ti anga, mahse vai tih apiang pawm tur hnam niin ka inhre bik lova, khalai ka thahnemngaihna thu kha P.W.D. ah hian ka han sawi-lang tel duh a.

Tin, a ri tel zel mai si a, kan han ti dawn hlek a, sawi tur pawh ka hre tawh mang lo Pu Speaker, a tam lutuk si a. Hemi Excise chungchangah hian sawi tur chu ka nei hnem khawp mai a, mahse minute 3 ala ni awm phawt a. Hemi Zu, Total Prohibition chungchangah hian kan Chief Minister zahawm tak pawh hi a hriata han sawi duh em em mai ka nei a, a chanvo a ni lo na a. Hman deuh maiah khan a ni ka sawi thei ta lova, Radio ah khan debate ang-

reng, discussion an nei a. Khami ah khan keimahni official, Total Prohibition enkawltu ber te, keimahni contract hnathawktu, hemi Court lama a case lo ngaihtuah tute pawimawh bar ber te an tel vek a ni. Midang dang te nen an discuss a, kan Sorkar policy dinglai a hlawhchham zia leh tihtawp a tul zia te kha an sawi nghek nghek mai a. Engahnge kan chhawr lai, kan official ten an sawi a Co-ordinator a hma ah khan hetiang a zalenna kan sawi theihna tur hian kan Chief Minister zahawm tak pawhin rem min tihpui a. Kan lawm hle a ni tih a sawi lehngal a.

Engaki nge khatianga hemi kan zu zawrhna khapna dan sawichhe tura, hlawhchham zawnga mipui beidawng zawnga zawrh leh mai duh zawnga sawi tura kan Officer a concerned tak tak te, a enkawltute khatianga zalenna an pek theih mai le? Puhna tam tak a awm, hetiang a hlawhchham a ni tih paper lamah te tan a khatianga tanlak a, he Total Prohibition hi hlih a, zu zawrh leh tumna a awm a ni, thuk tak a awm a ni.

Kan MNF Sorkar hmasa ah pawh khan a tawp hma khan zu zawrh leh tumna a awm a, theih-tawpin vawiinnia kan MLA zinga mi ngei pawh hian Chief Minister in a ti. Lunglei lamah mipui hnenah awareness, kan zawrh leh mai hi a tha zawk a ni, va sawi rawh u, a ti a, sawi ngei pawh kan hnenah chiang taka sawi pawh kan awm a ni. Khatiang chiah kha he thilah hian a awm a hi pawi ka ti a. Kan Synod Executive ten theihtawp chhuah lo sela, sawi ta ila pawi lovin ka ring a, Rev. Vanlalnghaka, mi pawimawh tak ten hmeichhe inkhawmpui ah khan khatiang zawng khan sawi lo sela chuan hei hi kan titawp dawn ai a rinna lian tak ka neih lain, Sorkar policy kan hmalak mei si ah khan khami hnu lawka Sorkar chuan 'Total Prohibition hi chhun-zawm zel a tum a ni', tih a rawn puan leh hranpa takah khan ngaihtuahna chu a lo awm aniang tih chu buichhia laih lohin a inpaung ve mai niin ka hria a.

Chuvang chuan heng thilah te pawh hian a hma ah kan lo intih tawh thin angin zu duh baw, in duh ve rengin a zu khap chu an hlawhtling ngai reng reng lo a ni, kan tih ang khan. Vawiinniah hian a enkawltute kan ngaihtuah chuan zu in ngai lo, khawih ngai lo, an ni Excise enkawltu hi a rinawm tawk a ni. Tih tak tak a tih mipui te nena kan tanrual chuan hei hi nasa takin kan ti thei tih hi a chiangin ka hria a. Mahse Sorkar lai takah hian kan policy hi a tha tawk lo tih a, tih boral a zu zawrh leh tumna hi a awm tlat in ka hria a, ka ngaihawhna thu tawite in ka han sawi mai a ni, ka lawm e.

*Speech not corrected.

PU LALRINZUALA : Pu Speaker, demand kan han sawi a, leh zawhna te, chhanna te kan han sawi a. I dinglam a miten a tha lai hi sawi tam ve teh u, in dap in dap a, a thalo lai hlir in sawi a, min ti a. Hei vawiina kan demand sawi turah hian a niawm mang tak e, a tha lai ka han zawng hram teh ang, ka ti a ka zawng ka zawng a. Ni hnih chawh a awm baw a, kan dap kan dap a. Ka rilru pawh ka siam deuhin ka hria a. Amaherawhchu, ka zawng thui lutuk a, a lehlamah a tawpah chuan chulo lam baw chu sawi a lo ngai leh si a. Hrehawm ka tiin pawh ka ti khawp mai. A hmasain P.W.D. Lampang kha han sawi ila, kan House Leader kan Chief Minister zahawm tak hian nikum kumtluan khan thu a han sawi thin a, pawisa tam tur zia Contractor pawh singkhat aia tam la mamawh tur thu te thing-tlang khaw hrang hrangah a sawi thin a. Sawilai chuan ngaihthlak a nuam khawp mai a. Amaherawhchu, hei budget estimate a bu te min han pe a, ka han en a, kan chhut kan chhut a, kumina P.W.D. a kan pek hi nikuma kan R.E. ah khan nuai 12,848.61 anih lai hian kuminah hian nuai 9,664 a lo ni ta a. Nikum ai khan a tlahniam hle a. Contractor singkhat kan la mamawh belh tur lampang kha kan theihngilh ta nge ni aw ka ti a.

Tin, nichina zawhna kan han chhan takah khan Contractor nikuma kan han lakbelh zat kha 4 a lo ni lehngal a. Singkhat atang khan a tak an lo lan hnu khan a hla em em thin a. Thil reng reng hi a thu lamah hian a advance a, a tak tih ziak ani tih han thlen hian beisei hi a ni phalo thin lutuk a. A buai-thlak hle mai a, rilruin ka bial a hria a, ka bial Buarpu Constituency ani a, a kawng a chhiat lutuk avangin bus a kal thei lo an ti reng a, kuminah pawh khar nasa taka a chhiat avangin vawi tam tak ka bial mipui ten zinna an nei lova. Chutiang thinlung a ngaihtuahna hman chuan P.W.D. ah thahnemngaih a na hle a, pawisa a tlem si, tun session hi chu hun leh pawisa hi kan nei tlem a ni. A buaihtlak khawp mai, churang chuan pawisa tlem si ah hian kan ipik tlat a, sawi tur ngaihtuah thiam pawh a har a ni. Rawpuichhip leh Buarpu inkar kawng han tlang tur in mi tihhlum em em lai leh Kawlhawk bul leimin lian em em mai P.W.D. lam atanga thahnemngai taka an han beih fat fat na rang taka an han clear te min tilawm a, chungah chuan lawmthu han sawi ka duh a. Amaherawhchu, kan dap kan dap a, ka rilru hi a tawp lamah vaw na tu a awm a, hei chanchinbu, Chhunrawl chanchinbu March 5-a chhuak te kan en a, Pathian leh kan ram tan tia Sorkar siamtu ten Sorkar an han kalpui a, kumkhat chung a tunhma a helama an thut laia theihtawp a an lo beih thin te hnenah supply order an han pe tak tak a, Jain Brother te hnenah hian. Kan belhkhawm thuak thuak a, famkim lo deuhin, an supply order pek tawh zat hi vaibelchhe hnih nuai sawmriat panga, singsarih sangthum za sawm hi pahnih man an lo pe a ni. Hei hi chhiat ni that ni a kan ram a hmang ve lem lo kan Pathian ram zauna tur pawha thawh ngai

lem lo te an lo ni a. Heti khawpa tam an han hawn thla tur hi ka ngaihtuah a ka rilru a na em em mai a, Pu Speaker, an supply order kan en a, an ziak a hi, anni nilo Mizo tlangwal hian an tih ve theih vek a niin ka hre si a. Engatinge helama kan thut laia, kan duhdan leh i dinglama an thut hnu a, an duh dan hi a danglam tak em em ka ti a, hei hi em ni Hnam a chiang ee tihdan ni ang aw! engngeni hnama chian tihte mi ngaihtuah tir a, pawika ti em em a. Chuvangin, he demand ah hian thahnemngai taka pawisa dil belh ka duh lain, hetiang ho hian an hawn zawh vek tur anih si chuan han dil belh a pawhi a tha dawn em ni aw ka ti a. Chu chuan wawinah hian ka rilru a ti na khawp a ni. Heng hi ram-hnuai atanga lo hawngte wawinnia in leh lo la bengbel hlei thei lo tak tak te hian tih tak takin inhlawhfak nan te leh an in chhung hawn nan te pawh han hmanng ve sela, duhawm hlein ka hria a. Tin, Marter chhungte chhawmdawl nan an tu leh fate an nupui fanau la dam te hnena pek atan a duhawm hlein ka hria a. Amaherawhchu hetiang hi ani leh zo ta a ni, hengte avang hian leh kan chanchinbu te han en hian wawinah ka rilru ka thlak lo thei lova pawika ti.

Tin, chhungkaw bik induhsak-na lo lang te hi pawika ti a, a en ngam pawh a har a, chuvang chuan P.W.D. te pawh enkawl tha hle tura ka lo beisei lain hetiang thil a lo awm hi Pu Speaker, kan ngaihtuah ngun ngai hlein a lang a. Chu chu rilru na takin kan sawi duh a. A dangah kalna tur a tam avangin kha kha chu kan kalsan anga.

A pahnihna a ka sawi leh duh chu demand no.7-na ah hian Excise Department ah hian nichinah ka hma a thusawitu in a sawi hlek tawh a. Nikum a Budget Estimate ah khan nuai 604 an nei a, kuminah hian kan budget size hi nikum angin lo tirawh min ti tih kan ngaithla zo chauh a. Amaherawhchu, Excise Department ah chuan nuai zaruk tunah hian kan dah ta a. Salary ah ringawt an hlawh punna hi nuai sawmli leh panga a ni a. Nikum anga kan kal dawn anih chuan nuai 649 kan dah sa hi a ngai hrim hrim anga a lan lain, kuminah hian nuai 600 kan dah chauh a. Hemi hian engnge a entir ang aw tih ka ngaihtuah a. Kan opposition group leader hian (Pu Zakhu) an a sawi thin a. An sawi loh lampang zel hi a neih tur ani a tih hi a dik hlein ka ring a. Total Prohibition hi tha takin kan kengkawh zel dawn a ni, Party anga an roelna te an puangchhuak a. Sorkar anga an kalpui dan turte an han puangchhuak a. Amaherawhchu, chutiang chuan kal dawn tak tak ta sela, kan pawisa dah dan atang hian hmasawna lamtluang hi a zawhlo a ni lawm ni tiin ka zuk hmuhpui a. A thawktu te rilru hi engtin nge a awm ang aw ? tih ka rilruah a awm a. An hlawh ah nuai 45 a punna ringawt kha an kal anga, a bak an hmalakna tura hi a la tam si a. Pu Speaker, tunlaia tlangau ngaihnam loh ber chu, tukina tlangau ka hriatah chuan,

vawiinah hian O.D. pahnih an awm leh ta, tih hi a ni. Kan ramah ruihhlo in heti hian mi rawn run zel a. Kan thalaite nitin an liam zel a, kan thalaite nitin an liam zel a. Vawiinah hian a ven theihna awma chu Excise Department hi a ni. Kan Excise Minister zahawm tak hi a tang lo em niang aw tiin ka ngaihtuah a. Kan ram hi Burma lam kan han hawi a, khilam atanga rawn lut hi Bawng leh Vawk tih loh chu vang tak hi ani ve a nia. Thenawm atang hian ruihhlo hian nasa takin min run mek a. A rawn luhna dal tur hian Excise tha hi kan tihchak ngai hlein ka hria a. Anaherawhchu, kan pawisa dah dan atang hian hemite hi engtingge maw an kal ang le ? Tlem lai deuh khan an Officer pakhat nen kan inbia a, telephone ah. Engatinge tunlai hian Aizawl khawpui ah hian drug zuar hi a zuar leh zuar te pawh an inzawrh nawk nawk a, a tam em em mai a tan in la thei deuh lawm ni ? ka ti a. Chutihlaila min han chhanna chu ka rilru a ti hrehawm angreng a, tuna kan Minister thar la awm hma hi a ni a. Ngawi teh kan Department hi chu min ngaihthah em mai a, kan Minister pawh hian vawikhatmah hi min la tlawh chhin lova a ti a. Kum a tawp tep tawh kha a niin ka hre si a, 'a buai em a ni', ka'n ti a. Buai mahse a ngai pawimawh anih chuan min tlawh thei turah kan beisei e a ti a, chutiang atanga kan en chuan he kan ram vawnhimna tur atan kan thalai vawiina pul hri ang maia drug in a rawn run zel a te hi a dik tak chuan a khungna lama khung tawp chu nilo, a rawn lut tur ven lamah hian a ni a, chuvang chuan Excise Department hi a pawimawh a ni, zu zawrh hi tum mah ila, thildang tih tur hi a la tam tho a ni Pu Speaker. Chumi hmalakna tur chu nakinah R.E. kan tih hunah pawh khan Supplementary Demand kan siam hunah pawh helai hi chu ka'n ngen teh ang. Kan Minister hi a thar a, ala inthlahrung deuh a, ala dil tha ngam lo anih takah, a pawimawh em em a ni. Kan ram hi chi thlah tur pawh kan fate an awm dawn hleinem mawle! Chuvang chuan helaiah hian a venna a pawimawh lai taka hi i thum tha ang u. Hmanrua te pawh an nei changkan deuh a ngai, a zuartute an changkang tawlh tawlh a, a zuartute aia an dinhmun a chhiat chuan a rawn lut tur hi kan veng hneh lovang tih ka hlau em em a ni. Pu Speaker, ka lawm e.

PU R.LALZIRLIANA

: Pu Speaker, kan budget sawi-
ho na ah hian mithiam ve lo
tan chuan sawi tur hi a vang
angreng khawp a, a hmasain

Co-operation chungchang hi tlem te ka han sawi duh a.
A landan hian nikum lam kan pha lo hlein ka hria a.
Apex Bank ah te, nikum lamah kan pha lo a, Housing
Co-operation ah te, nuai 4 kan dah lain kuminah nuai
2 kan dah a. Dairy and livestock Co-operation ah
nuai 3, kuminah nuai 2.5, tiang chuan a tam mai.

.....30/-

Pigfed development of piggery ah te nikumah nuai 4, kuminah nuai 3.9, Mizofed ah nikumah nuai 16.4 a awm laiin kuminah nuai 9 chauh kan dah a. Henga kan dah chhun te pawh hi hnathawhna atan nilovin Sorkarin deputation a an hnathawktute an dah, an hlawh tur mai niin a lang a. Vawiinah Co-operation hi kan Minister zahawm tak hian a ngai pawimawh hle thin a tunhma helama a thut lai pawh khan a ngaih pawimawh ber te zinga mi a ni. Helai co-operative society te hian a lakah beiseina an nei sang hle a ni. Vawiinah kan budget a lo landan ah hi chuan society member te hian chanvo an nei lo a ni.

Hemi primary level a society member te tan pheii chuan a vaia han chhut hian cheng nuai 6 bawr vel emaw chauh hi an chanvo Central Sponsor Scheme atang te pawha han belh telin ni lek awm tak a ni. Hei hi pawi ka ti a, a chhan chu MPC leh MNF Manifesto ah khan 2-na ah khanin Mizoram hmasawna Co-operative Movement tih hmasawna tih a ni a. Vawiin an Manifesto a mi budget ah hian rawn reflect hi a awm lo reng reng a ni, mipuite min tehna chu inthlan dawna kan intiamna, kan Manifesto atang hian mipuiten min tehna ber a ni. Kan Chief Minister speech atangin helai kan budget hi a reflect tur a ni a. Chutiang chiah chuan chu aia a bul zawka chu kan Manifesto a ni. Kan Manifesto tan chhanin kan House Leader te pawhin an ngaih pawimawh te a rawn sawichhuak anga Budget Estimate ah alo lang chhuak tur a ni a. Vawiinniah hi chuan chutiang chu awm ta reng reng lovin a Sorkar hnathawk awmsa te intuam hlawna ringawt mai in kan budget ah hian alo lang ta a ni a. A beidawnthlak hlein ka hria. Mipui te hnenah inthlan dawnin kan va tiam anga, min vote tlin hnuah chuan ngaihtuahna kan nei lo dawn tih a rawn lang Chiang em em mai a ni. Co-operation Department atang pawh hian a lang Chiang em em a, a chhan chu mipuiten he Department in kan zen theih tlan a ni a. Department dangte hi chu a ti thiam bik tan lo chuan thingtlang pa ten zu zen ve ngaihna a awm lo a ni. Khawtin deuhthaw ah Co-operative Society anawm a tunhma deuh kha chuan a hring a hranin sum a tanpuina te pawh an dawng a ni. Mahse vawiinah chuan in budget ah hian a lang lo reng reng a ni. Pu Speaker, kan vaia kan ei tlan theihna hi ngaihtuah nisela a tha hlein ka hria.

Tin, P.W.D. lamah te hian sawisel neuh neuh a tam khawp mai a sum leh pai tamna hmun a ni a, keini ang rual te pheii chu dik takin sawi ila kan Minister te hian kan sawi hi an ngaih-pawimawh te pheii chuan Department lamah hi chuan kan khawh hle a ni. Mirethei ho tan chuan P.W.D. ah hian tih tur a vang khawp mai vawiinniah chuan. Ka han sawi duhna kher chu kawngpui vawiinniah hian an siam a, Pu Speaker, a lang lai chu an ti hnum hlurh mai a. A lawmawm tho mai a, kan vaia kan kal tlanna a ni a.

Amaherawhchu, veng mawng leh tlabirh deuh mirethei renga awm chuan a hriat khawp mai a an rilru hi. Armed Veng-ah an rawn tithla a, tunhma atang, hmanah tawh Telecom hovin an laih chhiat an rawn ti tha a. Kawngpui lun lai an rawn ti zar zar a, amaherawhchu kawngpui lun lai nilo, metres 200/300 lek han peng tur pawh kha an duh lo reng reng a ni. Hengte hi engnge a awmzia ka hre phak lova, ka han sawi duhna chu, khatianga Telecom Department ten an laih chhiat tawhna hmanah khan siam-that leh nan a rual vekin pawisa kha an rawn pe tawh a. Chutiang ang hleih nei taka hetiang tih hi tha ka ti lova, E.E. te, S.D.O. te, Engineer in Chief te, ka phone vek a, Minister pawh ka phone a, Minister pawh ha ka rin tehlul nen, "ka rawn tihtir ngei dawn a ni", a ti a. Amaherawhchu, vawiinniah chuan damdawi mum hi ei a nei ve ta em ni? Vawiinniah hian hlauh a nei ta niin ka hria a. Hei hi a pawl ka ti khawp mai. Khatianga kha ni hnih/khat thawh pawh a nilo reng reng, an road-roller te, engkim a chhuahna zawng zawng an rawn dah lai khan ti mai sela a awl tehlul vei nen, khatianga anga, mirethei leh milian te, kan inthlau zel dawn anih chuan sawi tur ka nei ve a ni. Tunhnuah chuan ka sawi ang, hmannah pawh kan sawi tawh. Muster roll tam tak, vawinah a diklo a an hman te pawh hi mimal anga an hrante pawh hi mimal ang pawhin kan sawi hun a la thleng dawn a ni. Vawinah erawh chuan Pu Speaker, ka sawi lo anga, nitinin an roll call naah te pawh hian kan kal ve a ngai dawn a ni. Chu chu ka sawi duh tlat, chu chu kan ram tan a ni.

Tiang chuanin khumi Mamit

Dap lui inkarte khu, engnge ni ka hre chiang ve lova. A hria ten an sawi danin, National Highway ah tender kohna, khatianga anga thlan tawh niawm ten an sawi a. Amaherawhchu, P.W.D. mi leh sa hlir la thawk a an sawi te hi engnge a chhan ka hre lova. Hengte hi kan Minister hian, min hrilhfiah a tulin ka hria a. Thenkhatin a an sawidan angah chuan, ngawiteh Pu Speaker, a rei lo lutuk dawn a, khalai chu ka sawi thui lo mai ange. Tin, hei Laipuitlang P.W.D. labour set te pawh hi Tender Department in an ko vek a. A lehlamah Minister hian tender lovin a lo pe leh mai bawk niin an sawi a. Hengte hi Department leh Minister inkarah pawh hianin, thawhho-na tha tak hi a awmlo emawni aw, tih theih niin ka hria a.

Tin, hei Chawnpui Veng lamah te tlak lamah te, road roller te an mamawh em em lain, mipuiin hna thawk thuai thuai se, kawngte pawh ti mam zung zung tura an duh lain. Tute emaw kan duhsak kan chhungte in kawng leh an kawtlai tualzawl mai mai, han ti rualrem tura rei tak road roller kawlte pawh hi a awm niin ka lo hria a. Mit ngeiin ka zuk hmu thawi ve a, keipawhin. A pawl ka ti khawp mai a, hetiang hi hnam kan ngaihtuah a, kan ram tan tak taka thil kan ti

anah chuanin awm tawh lo sela a thain ka hria a. Hei, a budget bu han keu zel dawn pheih chuan Pu Speaker, keu tur a tam mai a. Excise ah te pawh khanin, sawi tur a tam mai. Zu hi kan khap tak tak dawn anih chuan vawin-nia kan tihdan phung pangngai angte hi chuanin tih theih ni dawnin a lang lova. Chuvangin Pu Speaker, henga kan pawisa dah dante pawh hi a diklo hrim hrimin ka hria a. Nikum lamah te nuai sang engemaw zat kan dah. Vawin-niah chuanin an hlawh tur an la thei tawh tawh dawn niin a lang a. Tiang publication tihte hi engngemaw advertisement tihte hi a pawimawh em em a. An hnathawh dante, he ram ina zu a duhloh zia leh, chumi atana a thawktu ten an hnathawh dan an puandahna tur angah te hianin nikum lam chanve pawh dah a awm lo hrim hrim a. Chutiang chuanin he zu khapna hi hlawhtling tak tak se kan ti dawn anih chuan motor te kan leibelh a, a hnathawktute kan tihpun belh a, chutiang anga kan thawh a ngai a. Amaherawhchu, nikum pawh phak lova, vawin-niah kan kal dawn anih chuan kan Sorkar hmalakna lo lang leh an tum dan lo lang ta hi chu heti hian kan ti anga, zu khapin awmzia a nei chuang lo. Pu Speaker, khawngaih takin minute khat chauh, zu khapin awmzia a nei chuang lova helaiiah hian tax engmah kan hmu chuang silova. Chuvangin, zu hi i zuar leh mai ang u, rui an tam tho si ti a he budget atang hi chuan zurui tam rawh se tih ang chauh a ni. Zu khapna lam nilovin, zu zawh lehna atana inbuatsaihna intanna Budget niin a lang. Pu Speaker, ka lawm e.

PU C.SANGZUALA

:

Pu Speaker, a tlangpui kan en thuak thuak a, Ruling lam sawi tur anih leh nih loh pawh ka Chiang Chiah lova.

Rawng kan bawl ve tanna Social Welfare Department Demand ah hian tlema a pawimawh zual han sawi ila. Phek 261-na Grant-in-Aid (h)-naah khan tuna kan Board thar Zoram Social Defence and Rehabilitation Board ah hian 80 lakhs a lo lang a. Kha kha kumthar lama kan mamawh tak tak tur hna hi kan thawh dawn a nih ngai chuan a harsa deuh ngei ang. Engpawhnise, hman loh theih loh zat tur hi Minister ah te pawh hriattir tawh ani a, min thlamuan ang chu ka ti mai a. Khanglaiah vek khaan Voluntary Organisation ah 40 lakhs dah ani a. Kumin khan harsatna kan tawh angreng viau a. MLA te kaltlangin Voluntary Organisation hrang hrangin eng eng emaw hi an dil thin a. A daih hauh loh tak chin erawh chu a lo awm a. Hei hi mipuiin Sorkar zar Social Welfare kaltlanga an lo zo nena remchang tak ani a. Kha lakhs 40 kha chuan a cover phak lo deuh zawng anih kha mawle tih kha dikan ka ring a. Chungte chu chhinchhiah atan thain ka hria a.

.....33/-

Tin, tar chawmna chungchang kan sawi vak tawh a, he tar chawmna chungchang ah ruahmanna tha tak Sorkarin a nei a, a thlamuanthlak hle a. Khati chung chung khan heng mi chhumchhia te kut tualleichham te, mi khawngaihthlak te, hengho chung thil kan tih hi Sorkar thil tihthat, langsar ve tak, a tam lem loh pawna lawmawm tak anih avangin khatiang lam chi kha chu a tam thei ang han dah a tha awm mange aw tiin ka rilru ah chuan a awm a.

Tin, Social Welfare hrim hrima kan tangka dah kha a pumpui atanga chhutin 100 a pakhat pawh a tling lova. Pawimawh tak ani si a, hengte pawh hi hun lokal zelah chuan tihpun ve deuh dan a awm dawn lawm ni? Hetia han ngaihtuah mai ai hian Social Welfare hi a hma a lo zau viau mai a, mi zawng zawng hi a hma vek tluk ani a, chung kawngah chuan a puala kan dah percentage te pawh hi tihsan dan awm ve se chuan a tha awm mange aw tih hi ka han theh ve chak a.

Tin, hna chhangchhe angreng tak ani a thil a tam em em mai a, he Department fel deuh taka han kalpui tur hian, nikum lamah pawh, a sawi awm ka nih pawhin ka nih loh pawhin tuna ka sawi, han sawinawn leh ta ila. He Department a administrative set up te pawh hi thlir chian, vuah fuh ngai zawk te vuahfuh theih dan a awm takin thlir chian atan a tha viauin ka hria a, Department tinah. Chu chu anih ve tho phei chu ka ring a, amaherawhchu tlema han belhchian deuhhlekk Department anih avangin mi huatthu anih ring lem lovin thahnem ngaihna aw ah min lo ngaih sak ka duh a. Chung chu ka han sawi chak zual te ani a. Thil pakhat thlamuanna ka neih erawh chu nikum revised estimate aiin tuha budget hi a tlem ngei a, amaherawhchu nikuma original budget ai khan R.E. ah khan a zuang viau a, khami kalhmang a a zuan leh chuan, tuna kan han sawi den den te hi chhinchhiah anih bawk chuan kan khawsa thei thei dawn lawm ni tih rinna te chu ka nei a. Chung chu Social Welfare ah khan kan ni ta sela.

Tin, Demand 7-na Excise ah khan tlem ka han sawi ve duh a awm a. Anni hi a pumpui a tehin Social Welfare Department ai khan a chan percentage hi a hniam viau a. Kuminah vanneihthlak takin Saiha ah te, Lawngtlai ah te, Lunglei ah te, Champhai ah te, Serchhip ah te, kan kal a, thil ka hriat belhchhah viau a, ka mit pawh heng kawngah hian ka len ve a. Tin, an nin min lo hrih chak bawk a, drug tihbuai te enkawl hna thawk tur kan nih avangin chulam hawi chuan mit leh beng ka len ber a. Chungah chuan kan hna in a kungkaih tlat, drug hman khawloh leh control chungchangah medical lante pawh huam tel vekin, direct takin Excise lam, hengah hian a thawktu Staff lam te, Police lam te tan thil han yih zung zung theihna tur vehicle lama an harsatna te kan hnenah an lo sawi liam liam hlawn a, chu chu kan sawi ve duh a.

Pu Speaker, i veilam a miten an sawite kha thahnem ngaihna chin chinah chuan ka tawiawm viau a ni. Tun aia kan tihsan deuh loh chuan drug leh zu dona hnaah hian pen tum lo ang pawhin miin min puh tak tak ange. Amah-erawhchu hetah pawh hian thlamuanna tak kan neih chu nikum khan original budget atangin R.E. ah 60 lakhs in a zuang chhoin ka hria a. Chuti anih chuan kuminah pawh R.E. ah a zuang ve leh anga, chung chuan kan intuam-hlawm chho leh mai chuan ka ring a. Amanerawhchu, tuna kan strength atang ringawt hi chuan kan ram min leitu kan hmelma drug leh zu hi do hneh a har viau dawn a. Chuvangin he lam hi thuam chhah dan zawn a tha mange aw, a mihring tihbelh zawngte, tin, a thawktute zirtir kawngah pawh. Thenawmte chungchangah beng tikham tak tak a awm thin a. Thenkhat a lehlan zawnga thawk a puhte a awm a, tak tak nge ka hre lova. Tin, a thawktute pawhin an theihna sang ber an hmanglo am ni le tia inpuhna a awm thin a. Hengah hian a awmsa te tihchak dan tur kawng zawn hi a tui hle a ni tih hi kan sawi duh a ni.

Demand No.54-na P.W.D. ah khan tawite han sawi ve ka duh a. P.W.D. hi ka sawi ve deuh ziah a, sawi thiam erawh a harsa a, a tak taka mipui han khawih zual Department a ni a. Hetah hian a hma a mite sawite sawinawn chuang lovin leh kalh chuang lovin sawi pawr pawr mai ila. Maintenance chungchangah hian rilru a lo langsar zual chu kum a lo kal a fur alo tla a. Tin, fur tiak tawp lamah te min chhia te a lo awm a. Hengah hian manganna kan tawk fe a ni. Aizawl khawpui zimte ah pawh hian kawng thlang leh chhak te a lo bal a. Retaining leh Breast wall te siam zung zung a ngai thin a. Chungah chuan tangka awm loh avangin an lo ti hleithei lo te ani a. Heng hi ngaihtuah ngai viauin ka hria. Maintenance atan hian sum dah uar deuh a tha mange tih hi kan sawi duh a ni.

Tin, mite hnen atanga ka'n hriat ve pakhat kan sawi ri anga. Mechanical Division hi engang taka kalpui nge a nih, improve zel ani em tih chu ka zu sawi thiam ve chiah lova. Mahse Mechanical lampang a Engineer te engemaw zat kan lo nei pung chho zel a. Peng hrang hrang atana Engineer te kan lo nei ve a. Anni ho hi thil bik atana hman tur chi hna mehanisation atana tangkai ber turte pawh anni a. Heng ho hmang tangkai zawng hian kan budget kalphung hi kan her chho thei em? Hei hi kan hotute lo enchian atan kan thlan tel duh bawka ni. Han sawi dawn takah chuan a awm thluah mai a, mahse hmeh rik min hmeh hnan tawh si a, Pu Speaker, chuti chu ka sawi chin ni mai rawh se, ka lawm e.

PU LALTHAN KUNGA

:

Pu Speaker, hei vawinah Demand 2 Minister pahnih atangin kan nei a. Sawi tur a tam hle a, minute

atam lo thin si a. Ka lo chhinchhiah ve danah chuan kan budget hi nikum lamah khan khami Revised Estimate nilo Budget Estimate hrim hrim atang kha chuanin a pung tha hlein ka hria, State Excise ah khan Rs.56,00,000/- a ni a. Social Welfare ah khan Rs.2,66,45,000 in a pung a. Tin, Co-operation ah khan Rs.109,15,000 in a pung a, P.W.D. ah khan Rs.13,96,48,000 in a pung chhova. Chipchiar a luhna hman a awm dawn loh avangin a tlangpui thuin a tha thawkhat hlein ka hria. A hmasa berah chuan, Social Welfare ah khan tawite han luh ve zawk ka duh a, hei direction leh administration lamah a inbawk lian hle a. Kan hnathawh sak tura te chan aiin hnathawktute senso tur kha a la lawk ber bawr hle mai a. Kha kha kan bihchian deuhhlek a pawimawh a. Tin, hei Social Defence and Rehabilitation Board te pawh kan han din ve a (Social Welfare hnuaiah) khatiang kha anih tak rau rau chuan, De-addiction Centre te hi chu khami Social Defence & Rehabilitation Board hnuaiah khan awm ta law law sela a tha ang em ? tihte ka ngaihtuahna ah a awm a. Entirnan - Sethawn angte. Heng Motherless Baby Home kan tihte Handicapped leh Destitute Home kan tihte pawh hi budget ka'n thlir atang khanin ka beisei ang chu kan la dah pha lo hle mai a. Hmannia ka tarlan tawh ang khan heng sawipuitu nei ve lo an duh avanga hetiang harsatna tawh pawh nilo vanduai thila hetiang Sorakar te pawhina tanpui ngai leh Voluntary Organisation te pawhin a an buaipui luai luai lamah hian kan rilru hi thle thei deuh hlek sela. An duh reng atanga suahsualna kawngzawh te buaipui tak mai ai chuan, heng mite hi ngaihpawimawh atan a thain ka hria.

Tin, hei Social Welfare hi MLA ho zawng zawng pawhina kan zen ber mai pakhat anih avang hian, kha kha keimahni MLA te tan nilovin kan bial chhung ami Voluntary Organisation te leh pawl chi hrang hrang ten eng eng emaw an beiseina tam em em maina hmun anih avang hian ngaihpawimawh chhoh tial tial atan a thain ka hria. Ka lut tam vak lo anga,

Tin, Co-operation ah hian han lut leh zawk ila. Sawi tur a tam hlein ka hria a, Co-operative Union hi Mizoram ah kan uar chho tial tial in a lang a, awareness campaign te pawh kalpui chhoh zel te pawh a dikin ka ring a. Ram rethei ah reng reng chuan Co-operative hmalakna hi ram economy siamna atan thil pawimawh deuh mai a nihna lai a awm a. Chuvang chuanin kumina kan budget han siama kha a tha thawkhat viauna chungin duhthusam a lo nilo deuh mange aw! ka ti a. Hemi Co-operative Union ina hma an lakna tur hi a tha viau a, hei hi kan tihchak chuanin kan ram economy siam nana pawimawh tak mai a ni a. Mizote hi individualistic deuh mai nihna lai kan nei a, a huhova thil tih kan thiam lo hle mai a, chuvang chuanin awareness campaign hi kan ngawrh hle ngaiin ka hria a. Hetah hianin Co-operative Society atang te leh hmalakna atang hianin economy siamthatna dan kawng tam tak a inhawng

a ni a. Chu chu Central atanga tam tak zuk karchhuah tur a awm niin an sawi a, hengte pawh hi ngaihven zui zel nise thain ka hria a.

Pu Speaker, P.W.D. hi a pumpuiah chuan Major Department ah a budget kalphung ka han en vang vang a, a mam deuh berin ka hria a, Non-plan atanga hlauh la pawh an tlem berin ka hria a. Hei, plan ah hianin hlauh la an tam em em tawh mai a. Major Department leh Department hrang hrangah te. Hei hi hmanna kan sawi tawh ang khan deficit chungchang thilah pawh a rawn bawk chho tamna tur a ni a, kan management chungchangah thua pawh harsatna awmna tur thil a ni a. Mipuite hmasawna tur atana ruahman-na Sorkar hnathawk ten an eizawh zel chuanin, mipui chanve hi chu a te telh telh dawn a ni tih a lang reng mai a. Chung kawngah chuan P.W.D. hi a fakawm viauin ka hria a.

Tin, P.W.D. hi nikum chhung maia Zoram hmun hrang hranga hma an lakna, report kan han dawn leh, ka bial chhungah ngei pawh nidang ai chuan hma kan sawn chak hle chuan ka hria a, kawng thar han sial te hmun tam takah kan han nei ta a, tunah chuan National Highway te, World Bank atanga National Highway Level angah hmalakna te pawh kan han siam a, kan thawk tan ta hle niin a lang a, a lawmawm takmeuh in ka hria a.

Kan Home Minister in statement a rawn siam ang deuh khan, thil pakhat han tarlan ka duh chu, Zohmun atanga Tuirial via Mauchar kalkawng khu a la pawp lova. Hei hi N.E.C. ah hian dahluh theih ani lawm maw ni chu aw? Nikumah pawh khan ka sawi tawh a, khi lampang bial bawr laia khi helna te, buaina leh, Manipur lam atanga hel ho tena min tihbuai tamna lai hmun tak pawh a ni a. Security chungchang thua leh kan Police te veivahna tur chungchang thilah pawh khitiang khi chuan ke a kal a ngai ani ringawt mai a, a buaithlak lutuk deuh a. Chuvang chuan helho pawhin tawmkuk ah khumi Tuirial luikam leh Khawban tlangdung kan tih lai bawr vel saw tawmkuk atan an hmang ani a. Chuvang chuan kawng tha kan mamawh khawp maiin ka hria a, helai hi kan hotuten min lo chhinchhiah sak hram sela ka duh takzet a.

Tin, Vaitin atanga Zilkhaw kawng pawh hi a chhe viau tawh a, maintenance a awm vak lova, chuvang chuan hei hi N.E.C. road niin ka hria a, sawnglai saw helhote nena kan inbuanna lai hmun a nih tlat avangin attention pek a tha viauin ka hria a. Tin, New Vervek leh Sakawrdai inkar pawh khi tunah chuan P.W.D. a service ve takna ah a chhe tawh lutuk deuh a, chuvang chuanin a resurfacing atana pawisa hi siam theih dan a awm chuan a thain ka hria a, kan ngai pawimawh leh deuh a.

Tin, Sihfa - Khanpui road
laihtlang tur a hi tunhma te pawh khan an lo sawi tawh
thinin ka hria a, 40 Km. tehmeuh in a inhnaih hleih a.
National Highway a Tipaimuk tlangdung hi kal a Manipur
te nena kan inkal pawhna turah pheii chuan, Saitual bial
mai nilovin khawzep chhak. lampang zawng zawng, Cham-
phai, Khawbung, Khawhai kan tihte leh, Ngopa te leh
Suangpuilawn bialte tan pawh helai hi kalkawng pawimawh
ani dawn a. Hetia Seling lama han kual hi chuan
Km.40 aia tam daih an hmang dawn a ni a. Tin, chubak-
ah chuan nichina kan han sawi tak ang khan Zohmun -
Tuirial a kha tih tlang a nih pheii chuan, Champhai
bial zawng zawng, khawchhak lam zawng zawng hian Sil-
char direct a an rawn dawrna tur atana kawng anih avang
hian, a inhnaih hleihna hi Km.80/90 emaw, a lo berah
pawh 100 emaw khan a inhnaih hleih dawn a ni a. Chu-
vang chuan helai hmun hi a pawimawh viauin ka hria a.
Sihfa - Khanpui road te pawh hi laih tlang theih nise-
la, a tha lawm ni ? kan ti a. Tin, Ratu - Suangpuilawn
road hi tlam azawng chu dah awm niin ka hria a. Khilai
pawh khi sawi tak ang khan helho nena kan innuaina hmun
pawimawh anih avangin a kawng khi tunah pawh a tlang
mumal lo a ni a. Chuvang chuan engemaw thil pawh lo
thleng se kan Police te tan pawh mobility chungchang
thuah restrict a ni tlat mai a, kawng a awm tlat lo a
ni. Chuvang chuan a bulpui berah chuan kawng tha kan
mamawh a, helai hi a bik tak pawha tuna kan Sorkarah
pawh incident tamna ber, nakin zelah pawh a la ni mai
thei a ni. Chutiang ang hmun pawimawh anih avangin,
helai hi P.W.D. a kan hotute pawhin min han ngaihpawimawh
sak sela a pawimawh viau in ka hria.

Pu Speaker, hei hun a tawi
hle mai a, sawi tur ka ngah hle si a, mahsela ka'n
pawtchhum rem rum mai anga, Excise ah khan han luh ka
duh lawk a. Excise ah hian Aizawl atangin mobile in
kan kal thin chu ani a, mahse khawpui hmun hrang hrangh
hian hmun te hi nei vein Total Prohibition kan tih tak
takah hi chuan kan Sorkar hian social evil zuk tackae
na tur atan hi chuan war footing tak taka hma kan lak
hi a pawimawh viauin ka hria a. Tu tu ten emaw zu
zawrh leh chak avanga sawi mawi fo hi thil tih chi niin
ka hre lova. Chuvangin, kan State Excise te mobility
hi siamthat a ngai hlein ka hria a. Motor tam zawkte
kan pek a pawimawh viauin ka hria a. Kan Excise De-
partment hian law hi enforce tak tak sela ka ti a.
Hetiang a zal taka kan kal mai mai a, kan Sorkar hna-
thawk te ngei ngei pawhina member zahawm tak pakhat-
in a rawn sawi tak ang khan kan hmalakna chhawp mekte
a dal zawnga sawi tak vak mai hi chuanin mipui te pawh
an fuihpawrh thei dawnin ka hria a. Thil tha niin ka
hre lova. Chuvang chuanin Excise Department in hma kan
lakna hi chu tun aia tha leh zual a fip zawka hma kan
lakna tur hi dap sela a thain ka hria a. Ka bialah
pheii chuan Zu avanga case nei reng reng chu ka buah
lokal suh u, in lokal chuanin tan ngheh theihna tur

tur kawng ka lo dap ngar ngar ang ka ti hmak a ni. Chu chu ka hmalak dan a ni a, chutiang chuan ti vek thei ila MLA zawng zawng hian. Kan bial theuha Zu avanga case nei, drug avanga case nei reng reng chu an tan ngheh leh zual theihna tur atan theihtawp i chhuah vek ang u tih kha ka rawt duh bawka a ni. Ka lawm e.

COL. LALCHUNGUNGA : Pu Speaker, ka lawm e. Hei, kan budget hi kan han thlir kan han thlir a, eng emaw chenah chuan a tih theih ang anga siam ani tih te pawh a lanna lai a lo awm a. Amah-erawhdhu hei Social Welfare atang hian han tan ila. An rawn point out tawh nual a. Social Welfare pawimawh dan hi kan rilruah hian a awm tawka lo emawni ka ti a. Hemi kan budget pumpuia 8% vel chauh hi Social Welfare atana dah a ni a. Hemi ka en hian a lungchhiat thlak ka ti hle a ni. Kum khat dawn kan han awm khan thil awmdan ngun taka kan thlir a kan hmuh ve danah te hetiang ang ringawta Social Welfare Budget inpek a hi chu a a va diklo em tiin rilru ka lo pu a. Amaherawhchu, chung kan ngaihtuahna te pawh chu tipuitling hman lem lovin kan ban tak avangin tunah hian thil engkim detailed deuh-hleka han sawi pawh ka chak em em a ni. Mahse hun a tawi em em mai a. A pawimawh dan kan sawi duh chu naupang thla 6 mi anih nuin a pai lai atanga tar anih thleng hian Social Welfare an enkawl a ni a, kan ramah hian. Chutiang taka pawimawh si hetiang lek pawisa inpek hi a lungchhiat thlak ka tih kha. Naute an rawn piah hnuah kum 6 thleng kan enkawl dante pawh hi Social Welfare ah hian a awm vek a. An nutrition kan pek bakah hian Anganwadi a kum 6 a naupang anih thlenga enkawl na te hi Social Welfare chan vek a ni a. Anganwadi hlawh te pawh hi kan sawi fo thin a. Rs. 500 chauh an hlawh a, chhun dar 12 thlengin nuin a enkawl a. Dar 12 hnuah khan hna a thawh tak tak theih tawh bawka silova. Tikhanin naupang kum 6 thlenga a enkawltute a ni si a. An hlawh te pawh hi tihsan a ngai ngawih ngawih a ni.

Hmana N.E. Social Welfare Minister inhmukhawm ah pawh khan khang kha kan chai ani a, engnge a progress ka hre lova, churang chuan naupang kan enkawl dan te pawh hi khatiang anga hlawh tlemte kan pek anih chuan an enkawl dan kha a tha tawka lovang tih rinna pawhin a zuk thlir thei a. Mahselangin, heng budget ah te pawh hian heng hi tihpunna a awm reng reng lova.

Tin, chubakah kan hriat ang khan, heng Tar chawmna tur te Rs.100/- chauh pawh hi tihpun a harsa hle dawn a budget atang hi chuan. Kan thenawm State te kan en chuan Tar chawmna te hi keini ai chuan an hmu sang fe thin a ni. A population wise in an la aniang kan ti fo thin a. Mahse, State lo ni ve fam ta chu hetiang ringawt hi chuan kan in enkawl tur ni pawhin ka hre lova. Mi lian deuh an awm a, mite deuh an awm a, mite deuh pawhin engkim a nei ve vekin, a duh vek tur a ni si a. Chuvang chuan heng kawngah te hi chuan milian leh mite hi kan inthliar turah kei ka ngai lova. Heng Tar chawmna te hi Meghalaya te chuanin mi 12,000 vel hnenah tar chawmna an pek lain, keini chuan mi 6000 emaw chauh hnenah tar chawmna kan pe thei a, hengte pawh hi revise thei turah ka ngai a.

Tin, hei tar chawmna kan han tihte hi a nihna takah chuan an mamawh ngawih ngawih a, a bikin thingtlang te. Hei, kan society hi a lo danglam chho tual tual a, nu leh pa ngaihsak lohna rilru te a lo lang tan tawh a. Hengah hian upat lamah ngaihtuah tur leh tanpui tur mamawh a ni a. Heng upa te hian eng kawngah nge hma an lak ang tihte pawh hi ngaihtuah a tul hian ka hria a. Faten nu leh pa te enkawl tihna rilru an lo put tak si tawh chuan, pitar/putar an nu leh pa te chuan anmahni a in enkawl theihna tur siamsak an ngai a. Rs.100/- thla tina pek hi a tlem lutuk a ni. Chuvangin an nu leh pa an enkawlna kawnga an nu leh pa tan tar chawmna an lo neih bawk chuan an fate tan pawh in buaipui leh enkawl te pawh an phurpuiin, pawisa a lo tam deuh chuan, hei hian a phur tir anga. Tin, tumah nei lo tak tak te phe chu Rs.100/- te hi chu engmah tham tham lo a ni takzet a. Chuvangin State dang ang deuh pawha kan kal a ngai a. Chubakah chuan heng State budget ah te pawh hian 100 ah 25 chauh kan tum a. Hengte pawh hi kan thu in kan tidanglam thei a, Central atanga lo kal erawh chu engmah tihdanglam theihna kan neilo a ni thei a, amaherawhchu State ina kan pek 25% hi chu ka tipung ve thei ani tih kha rilrua a awm a, chuvangin helamah hian hmalak a tul hlein ka hria.

Tin, chulovah chuan heng Remain Home kan tihte hi an khawngaihthlak takzet a, heng Home ah te hian K.S. ho tam tak an awm a, amaherawhchu, duh angin kawngte pawh khu kan enkawl thei lo thin anih kha, hmun zau zawkte leh tha zawkte siamsak a, hetiang mi khawngaihthlak enkawl hi kan bat niin a lang a, K.S. tam tak hi an chhungte ngei ngei pawhin an kawl peih tawh lo a ni. Khulaiah thla 3 vel emaw an awm a, a tam berah thla 6 te emaw khami hnuah an tha tawh e, hei hi lo pawm leh teh u, an tih pawh khan an pawm thei thin lo a ni.

Chutiang chuan Pu Speaker, khung mi khawngaihthlak te tana thil ruahmanna tha zawk kan neih hi a va tul em? Tin, chutiang bawkin nei old age ho kan enkawlna complex ami kha tunthleng

hian kan la nei ta reng a, khung khu pawisa a tam tawk loh avanga kan harsatna a ni a. Kan mi enkawlte an tam lo em em, amaherawhchu chawmtu nei lo tak tak hi Mizoram ah hian an tam mai, mahse khung in enkawl na te khu a that tawk loh avangin mi tam tak enkawl tura lak theih loh a ni. Hmun hrang hrangah enkawltu awm lo rethei lutuk vantlang leh YMA ten an peizawn mai mai hmun hrang hrangah awm te hi lak khawm a, hengte pawh hi enkawl tura kei ka ngaih lain Budget ah hian pawisa kan dah tlem em em a, chuvangin hengte pawh hi dah tam a tulin a ka hria a.

Tin, chulo lelah chuan heng kan drug veite kan sawi fo ah hian ~~engemaw~~ suggestion te a lo chhuak a. Hemi Social Defence Rehabilitation te hian enkawl mai se, tihte pawh kha keipawhin a that mai-te ka ring bawk a. A vang chu Sethawn khu kan neih ani mai a, Sorkar chuan tunah hian hmun hrang hrang a neih belh kan han tum a. Amaherawhchu, hei budget ah hian nikuma lakh 100 kan pek lain kuminah chuan 80 lakh a lo ni leh ta a. Hengte pawh hi a nihna takah chuan nikum ang base a thil kan kalpui dawn anih chuan a tlem tham deuh a ni. Chuvang chuan kan Chairman zahawm tak kan MLA Pu Sangzuala hian engtinge hemi pawisa hi a hman ang aw ? tih hi ka rilruah hian a awm a ni. Nikumah chuan 100 an pe a, hma an han la chhova, tunah chuan tihtur tam tak an nei tawhin ka ring a. Nikum aia tam tura ka ngaih lain kuminah hian a lo tlem leh ta si te hian hma kan lak tum dan hi a dik tawklo ami aw, ka ti a. Chutiang chuan hengte hi kan tih tur a nih siah chuan De-Addiction Centre hrang hrang private ina an enkawl rilru leh tih takzet a Pathian hriatna nena an enkawl hi enkawl that zel hi a tul em em bawk a. Tunah te hian Central atanga pawisa beisei chu awm mahse, hei hi a tawklo fo a ni. Central pawhin tam tak an pe thei bik lova, mahse hengte pawh hi keini hian kan enkawl hi a tul takzetin ka hria a. Chuvangin, hemi kan budget han ruahman za a point khat pawh tling lo point eight vel chauh hi chu a tlem lutuk a, R.E. te kan siam hunah hei hi chu a pung chho ngei turah ka ngai a. Tiang chuan he a pawimawhna hi he House ah hian Pu Speaker ka han sawi-chhuak duh a. Chutiang chuan R.E. siam hunah rilru lo nei turin kan Sorkar hi ka han ngen duh a ni.

Hei, P.W.D. hi kan sawi lo thei lova, P.W.D. hian hna a thawk tha kan ti a, a dik khawp mai, amaherawhchu han sawilan tawh deuhhlekk ang khan, a lang thei lampang hi an uar deuh em ni aw tihna ka nei deuh a, ka bialah hian Lawipu lampang hi town area ani a, an kawng khu a chhe em em mai a, kum rei tak tawh atang khan a chhia a, nikumah te pawh khan theih-tawpin khulai kawng siamthatna turin hma te an han la chho a, Rs.6 lakhs vel kha sanction ani a, mahse engmah thawk lovin kha kha a liam ta mai a, kuminah pawh hei Rs.6 lakhs chu an han dah leh a, mahse hei financial year chu a tawp ani tawh mai a. Nuai ruk atang khan an hnathawh chu a la tlem em em mai a.

Tin, chubakah chuan Maubawk atanga Lawipu khu Km.1.40 vel ani a, chumi atana nuai ruk han dah kha a tlem hrim hrim mai a, chu pawh chu hemi R.E. ah hian min dah tam sak a, khumi an hnathawh khu chhonzawm a tha taka zo turin ka rawn beisei bawka ni. A wang chu khulai Lawipu khu damloh nikhua a, Taxi pawh kal duh lohna a ni a, harsatna tam tak an neih ah hian tanpui theih dan tha ber chu Motor te kalin Taxi te kal ve nise an manganna leh harsatna te kha sut kian theihna tur a ni. Road condition a chhe em em mai a, town chung ami ve si hi P.W.D. hian min ngaih pawimawh sak turin ka rawn ngen duh a ni, ka lawm e.

PU C.THANGLUNA : Pu Speaker, hei P.W.D. Demand No. 54-na kha han sawi ve hlek ka duh a. Amaherawh-chu P.W.D. han sawi dawn hian kei a bialah chuan P.W.D. han sawi tur a awm lo ber mai hi ani a. District Council in Truck Road Km.2 lek lek an laih ang hi P.W.D. hian a metalling hi an ti ve zeuh zeuh ani mai a, abakah chuan Diltlang atanga Chawngte 'P' chu chu EAS atanga an lo laih tawh thin P.W.D. ina a lak Km.35 vel kha P.W.D. in a enkawl a, amaherawhchu, waviin ni thleng hian P.W.D. chuan an la laichhuak chuang lova. Thal lai hi chuan motor chu a kal ve thei hram hram a, fur alo tak chuan a kal theih lova. Chawngte a kal tur chuan Lunglei lamah K.M. tam tak kal kual a ngai tawh thin a. Km.35 lek kal tura kha Km.150 kal a ngai thin a ni! Chuvangin sawlai ka bial saw P.W.D. hian Mizoramah hma a la nange aw tiin P.W.D. hian hmalakna leh hnathawhna an neilova. An hnathawhna awm ber chu Rownalkawn Chamdur Road Saizawl thleng Km.25 vel N.E.C. fund atanga BRTF tena an laih chu chu P.W.D. ah an hand over a, a metalling a kha P.W.D. in an maintain tur ani ta a. P.W.D. kuta an pek hnu hi chuan kal theih ani mang tawh lova, he kawng hi tunah chuan tumah kal tawh meuh loh a ni. Chutiang chuan P.W.D. hian ka bial chhung ah hi chuan hmalakna a nei lo em em mai a, a lehlamah chuan P.W.D. hi ram siamna ber hmasawna pawimawh ber ani lawi si a. Chuvang chuan engpawh nisela Mizoram hmasawna tur atan hian ka bial hi P.W.D. in kawng kan mamawh ang hi min siamsak ve hram rawh u tiin ka sawi thin a. Mahse sawi hian awmzia a nei chuang lova, tunah pawh hian sawi leh chi ani dawn emaw chu aw! ka ti a. Amaherawhchu, han sawi tam ve reng renga hi kan tih turah ka ngai a. Ka han sawi duh taka chu Mizoram hmasawna tur atan hian ka bialah hian BRTF kawng thlur hnih hi lo kal lo chu nisela chuan P.W.D. kawng reng reng kan nei ve dawn lo tihna a lo ni mai dawn a. P.W.D. hian kawng min siamsak ve hram sela, heng DRDA or Block lam atanga kawng an laih Tuichawng dungah te khuan Block lam hian kawng an han lai ve thin a, mahse anni kawng laih dan

chu, Tuichawng phaizawlah a laih ngailoh lai 'Di' an sat fai a. Kawr te ruamah an tlathla a, chho em emin an chho kha a laih ngailo hlirah khan Km. _____ ah cheng singli velin an lai thin a. Di a lo chawr kha a phui leh vek a, kawng hmuh tur a awm leh chuang lova, vawiinniah pawh hian va kal ta ila, Chawngte atanga Vaseikai chu Block hian laichhuak tawh angin an record thlap, km. khat zawh tur kawng an hmuh chuan a ropui hle ang. Chu chu a dinhmun a ni e. Chuvangin Diltlang atanga Chawngte 'P' atanga Tuichawng luidung chho zelah economic road pawh ani anga, ram tha lai ber zelah P.W.D in Jeep kawng tal hian min laih sak ve ta sela, Vaseikai ah Chamdur 'P' ah, chuta tanyin Tuisentlang ah, A vai chuan Km.120 vel ani anga, chutiang chuan min laih sak ta sela chu khulai ram hmasawna atan hmasawna ropui tak anih ka ring a. Tin, chubakah kawng pawimawh deuh mai, Tuithumnar atanga Hmawngbu, Sabualtiang, Zochachhuah, Hmangbudhhuah, khulai khu mi helho tawmbuk ani a. Vawiinniah pawh mi helho eng emawzat an awm reng a. Khulaila khu kan security point of view atang pawhin kawng neih ngei ngei a ngai a ni leh a. Kan P.W.D. Minister pawh hian min hriatsak thei hram se thain ka hria, chu chu ka han sawilang duh a.

Tin, han sawi ta zel ila, tun tumah khan Ngengpui lei 1995 a tuilian nasa tak leh lei min in nasa tak a thlen tum khan, tuilian khan a paih vek a, he lei hi BRTF te lei dawh a ni a, chu chu tun thleng hian an dawh leh duh tawh si lova, zawhna ah ka rawn zawt a, Chief Minister zahawm tak chhan tur atan ka ti a. P.W.D. kawng anih loh avangin, amaherawhchu, office lamin P.W.D. kawngah an lo ngaih avangin, P.W.D. Minister chhan tur atan an lo pe a, P.W.D. Minister kha P.W.D. kawng anih loh avangin ka zawt lova. Kan Chief Minister zahawm tak khan he lei hi vawiinni thlenga dawh leh tak loh, mipui harsatna lutuk thleng si a hi BRTF te lamah khan tan min lak sakin min beih sak ta sela. BRTF hian lei te hi an dawh leh hma thei deuh mahna tiin zawhna ah khan ka rawn zawt a ni a. A ni lo lamah khan an lo pe hlauh a, pawl pawh ka ti angreng viau a, P.W.D. lam chuan hei hi BRTF kawng a ni a, hriat kan nei lo tiin min chhang mai a. Kha kha min chhan dan tur pawh a ni maiah ngai ta ila. Amaherawhchu, BRTF kawng mah nisela, Mizoram anih miau avangin hei hi a policy neitu tur chu Mizoram Sorkar ani ah ka ngai a, kan ram enkawlina ah a tupawhin lo lai sela, kan ram development thil ani a. Kan Sorkar te hian hma an la zui turah ka ngai a. Ngengpui Lei awm lo chuan fur a lo tlak chuan Ngenpui thlang leh chhak kha min cut off ta vang vang mai a. ke a kal a ngai a, a harsa em em mai a ni a. Chuvangin kan Chief Minister zahawm takin BRTF hote hnenah pawh eng problem nge an neih a, tunthlenga lei an dawh leh lohna chhan te pawh min zawt sak ta sela. BRTF lamin a dawhtu company te kha dawh leh tura an tihin, a company lam khan kan leidawhna man kha min pek loh chuan kan dawh leh tawh lovang, an ti a. A company dawrtute chuan a bill kha min pek dawht loh chuan kan dawh leh thei

angin an dawh zo hman lo deuh a, dawh zo lovin bill an pe thei lo ani an ti bawk si a. Department a dawh an tumin a company lam khan High Court a khin an tum bawk si a. Chutiang chuan vawiinna thlengin dawh lovin a awm a, fur lain a harsa em em a, kan hmasawna daltu lian ber ani ringawt mai a ni. Kan Chief Minister zah-awm takin hma hin laksak tha hlein ka hria a, ka han sawilang duh a.

Excise Department kha han sawi leh lawk ila, Lawngtlai te chu kan hriat angin District Council area a lo ni tawh a, helaia Excise Department in dan an lo siam te, Zu khapna dan te, District Council in a pawm ve kher loh chuan hman theih a lo nilova, helaiah khap hle mah ila, Lawngtlai velah chuan Zu te a hluar em em a, District Council in an khap duh bawk silova, tunah chuan District Council Sorkar leh kan State Sorkar hi party khat Sorkarna a ni bawk a, Mizoram a Zu hi thenfai kan duh a, Zu hi awm lo tak tak se kan ti anih chuan helam atang hian direction kan State Sorkar hian District Council ah pe ta sela, Mizoram thianghlimna tur atan hian Total Prohibition Act a hi District Council area ah lo hmang ve rawh u ti ta sela an hmang lo ngamin ka ringlo a ni. Zu khap hi kan duh tak tak anih chuan khawlaiah pawh hian khap vek ni ta sela, chutilova, khawilaiah emaw khap leh si loh hi chuan awmia a nei lova a vaia khap anih theihna turin District Council thuneitute pawh hi kan State Sorkar hian direction pe in, zu hi Mizoram pumah tihbo hi tum nise a tha ang chu;

S P E A K E R : Kan chawl rih anga, dar 2-ah kan lut leh ang.

Meeting Adjourned at 1:00 P.M.

Recess.

SPEAKER : Kan chhonzawm leh nghal mai anga.
Kan business, Pu Zakhu Hlychho
i lo sawm ang.

ZAKHU HLYCHHO : Pu Speaker, ka lawm e. Hei
Opposition Group Leader lam
hi hun kan chan lam a chang
hi chuan min enpui ve thin la
tih ka ngen duh che a. Vawiin pawh hi Buōject pawimawh
tak a nih avangin sawi tur ka ngah viau mai a, khawngaih
takin a remchan chuan minute hnih khat lek chu hun min
pek belh la tih ka ngen duh che a ni.

Ka sawi duh chu Demand No.54-
na PWD-ah hian a ni a, hei kan CM zahawm tak Budget
speech han en hian Chawngte khawchhunga leilawn dawh
tur tih mai loh hi chu PWD ina Chhimtuipui Area tan chuan
maintenance panggai baka hma lakna tur pakhatmah a lang
lo hi a vanduaithlak hlein ka hria a. Dik tak chuan PWD
pawisa ngah dan tur te pawh hi kan hotute pawhin hahipin
an sawi a. Contractor ringawt pawh 10,000 chuang an ma-
mawh belh dawn a ni tih an sawi te kha Mizoram mipuiin
kan la hre reng a. Mahse, Pu Speaker, mak ka tih deuh
mai chu, chuti khawpa pawisa ngah tur si contractor pawh
sing khat chuang mamawh tura in sawi si Khan tukin zinga
ka zawhna, min chhanna ah khan kan Minister zahawm tak
khan nikum chhungin contractor in register thar mi pali
(4) chauh an awm tih a sawi a ni. Khami min chhanna atang
a ka ngaihtuah chuan Mizoram mipui hian kan Chief Minister
thusawi hi an ring lo nge ni a, chaw tak khuk in an khuk
pui lo hrim hrim tih hi ka ngaihtuahna ah a awm deuh a.
Hetiangka kan kal hi chuan Mizoram mipui hi kan tibeidawng
mai awm magge aw! tih ngaihtuahna te pawh a awm thei zel
a ni. Kan thusawi hi a la dik zel a ni tih hi Pu Speaker,
nikum kan session-ah pawh khan heng Sairang - Mamit -
Mampui National Highway...

Tin, Seling - Tipaimukh- Kohima
National Highway turah te hian a ram leilung fate kan
thawk thei ang em ? tih ka sawi a. Kan Minister zahawm
tak min chhanna ah khan, hengah te hian hnathawh tur tam
tak a awm dawn a ni tih a sawi a.

Tin, kan House Leader pawh hian ka
bial Saiha a tlawhna ah chuan ti hian a sawia, "Hei con-
tractor Saiha-ah te hian in awm em ? Contract thawh sen loh
kan nei dawn a, in ha kha lo in tat hriam rawh u", a ti
a ni. Chuti khawp chuan Mizoram mipui hi min cho a, mahse
hei vawiina chhanna ah chuan heng Sairang - Mamit, Road
te, tin, khi lai Seling - Tipaimukh - Kohima Road te,
Mizoina kan chan theih, a ram leilung fa ina kan chan theih
ve a lang chu Culvert siamte mai mai a ni. Pu Speaker,
a bak hi chu Tantia construction company an ti nge ni ?
Jograj Jain construction company kan ti zawk dawn nge ni ?
Chungho chuan an chang vek ta a nih hi. Hei hi maw kan

hotupa in Mizoram mipui hnenah, "In ha lo in tat hriam rawh u contractor ho", tia a au vak vak. Pu Speaker, mak ka tih viau mai chu, hmanni Khan chanchinbu-ah te ka lo chhiar a, khatah Khan keini a ram leilung fatena Tender an chhan kha a dik thei lova, mahse, heng Vaiho-ina an Tender chhan a dik thei em em mai hi a mak ka ti a ni. Tute emaw Workshop an laih sak vang te a ni mai lo maw le, ka ti a. Dik tak chuan vawiina i dinglama thu te hian i veilama an thut lai Khan he Jain a te hi Congress sorkar nena inzawm tlat ah an puh a nih kha. Congress sorkar nena inzawm tlat a, Mizoram Budget zawng zawng eizotu ah an puh a. Vawiinah chuan an inzawm ta zawk a nih hi. Kha an puh a te Khan kan National Highway pahnih laih tur hi an lai dawn a nih hi, Pu Speaker, a Chiang a ni lawm ni, hei an lehkha pawh hi, a phuah-~~chawp~~ a ni hauh lo. Chuvangin helama an thut lai leh i dinglama an thut lai policy hi a danglam thin a. Zoram mipui tan a lungchhiatthlak in ka hre tlat mai, chuvangin vawin ah hian he PWD kalphung hrim hrim a hi ava Chiang-nialta love, tih kha ka rawn sawi duh a ni.

Tin, hei chanchinbu hrang hrangah te kan hmu a, PWD ho chu Aizawl khawpui an zut mam a an ti tha khawp mai tih te, he House ngeiahte pawh member thenkhat in an rawn sawi a. A lawmawm viauva, nikumah Khan Aizawlah hian veng thenkhat chu an kawng a chhiat lutuk avangin an YMA te lamin strike (Band) neih an tum a nih kha. Hman ni lawkah pawh Zawlnuam-Kanmun road a chhe lutuk a Pu Speaker, Motor kal zawng zawng strike an tum leh a nih kha. Helai Kawngpui dung Raj Bhavan leh helai vel kan zut mam avang ringawt hian hna kan thawk tha emaw an ti a nih ka ring. Mizoram hmun kil-khawrah hian han kalteh se, an kawng chhiat zia hi an hre mai ang. Pu Speaker, hman ni pawh Khan kan Budget hi miretheite thleng phak lo a ni, kan programme leh kan thil tum hian miretheite a thleng phak lo a ni tih hi ka sawitawh a, ka sawina chhan pawh kha hei hi a ni reng a ni. Helai Raj Bhavan leh sawlai, tute emaw Bangla inkar ringawt khi a ni lo, Mizoram hi, chuvangin heng kan Budget te, kan hnathawh te, kan programme zawng zawng kan duan dawn hian, michhe ber leh thingtlang pa berh te te pawhina kan chhawr ve theih tur programme hi min siam : sak rawh se, tih hi ka sawi duh a ni. Pu Speaker, hei hi kan sawi fo a ni, miretheite thleng phak Budget hi kan neita lo a ni tih hi.

Tin, Pu Speaker, ka'n sawi leh duh chu, he sorkar hi an sorkar hlim atangin an thil buaipui ber nia ka hriat chu mahni inhai vur tum, mah- ni tan ngar ngar hna thawk niin ka hre deuhva. Chu chu pawh ka ti a, vawiina kan question helala an rawn chhanna ah pawh hian Pu Speaker, kan Minister te leh kan C.M. te, an adviser te enkawlina atana Security Barrack-a an senso zawng zawng engzat nge tih ka zawhna chhanna ah chuan Rs.9,46,3549/- nikum chung Khan PWD in a seng a ni. A rapthlak i ti lo maw Pu Speaker ? Helala kan Minister hlui zahawm tak Pu K.Lianchia'n a sawi phei kha chu a zahthlak

ka ti. Khatiang thil kha a thleng tak tak anih chuan Inquiry min din sak rawh, khatiang khawpa thil dik lo Minister ni tawhina a sawi lan kha a zahthlak a, a in bang hung miah lo kha Rs.1,90000/- in kan hung an tih? Hei hi Action min lak sak ngei ka beisei a ni. Pu Speaker, thu dik i ngaina in, i duh a, chuvangin Inquiry din hial tlak a ni i tih pawh ka ring ve a ni.

Tin, he sorkar hian transparency hi a ngaisang tak tak anih chuan khatiang kha kan Minister pawh hian ka lo chhui ange tih hi min tiam turah ka ngai. Hei kan House Leader-ina thu dik lo min hrih thin hi a pawi ka ti. Nikumah zawhna ka siam a, anih Yeh Adviser te C.M. hi 2(pahnih) an awm a, heng ho hi engtinge in enkawl ? ka ti a. Minister angin engkim treatment in pe em ka ti a, kan House Leader-in kan pe lo remuneration tlem kan siam sak ve a, chu chu a ni a ti. Mahse, vawiina an chhanna ah chuan Pu L.C.Thanga Security fencing-ah Rs.2,14340, Security post-ah 7,5720/-, Pu F.Aithanga, Security Fencing-ah Rs.12789/- Security Barrack-127199/- Minister ang chiahin an treat a ni.

Pu Speaker, hei hi ka zawt a ni. Kan sorkar hi eng Economic measures nge a lak heti taka kan kal hi chuan kan in ei da mai lovang maw ? Chuvangin hetiang ni lo hian economic measures hi kan siam thei ve lawm ni ? tih kha nikum ah khan ka sawi tawh a, Pu Speaker, a tawp nan a ka sawi duh chu Demand No.33-na Social Welfare-ah hian a ni.

Hei 1995 khan India parliament in dan pakhat a passed a, chu dan passed chu "The person with disabilities Act a passed a ni, chu dan chu 1995-ah India President in a assent tawh a. Mahse, chu dan chu Mizoramah hian la hman a ni love, chuvangin heng te hi kan ramah hian mirethei chhunchhia te leh kuttualleichham te kan tam tawh a, chutiang ho enkawl na tur chu he dan hi Mizorama hmang tur hian kan Minister zahawmtak hianin step a la thei ve lawm ni tih kha ka han sawi lang duh a ni. Ka lawm e.

DR.LALZAMA : Pu Speaker, hun min pek avangin ka lawm e.

Hei vawiin a kan sawi hi Demand No.54-na PWD te a ni a. Hei hi han sawi lan hmasak ka duh a.

Thil hi kan han tih reng reng in a tha lai leh a chhe laite pawh aawm thei bawka. Chuvangin kan PWD hnathawh te pawh khawpui chung bikah hian hei a lo lang a, kan han sawi lang nial nial a. A thalai a hi han sawi lan te pawh hi a tul ve bawka a ni tih kha

ngaihtuahna-ah awm se ka duh a.

Sum an in daih lova, mi tam takin hnathawh kan duh a, veng hrang hrangah te pawh mahni veng chhung develop kan duh a, chungah chuan sum kan indaih lova. Amaherawhchu, helai ah hian sem rual-khai chu a ngai-khawp mai in ka hria a.

Nichinaah khan kan ngaithla tawh a, hmun hrang hrangah Border Area lam ah te pawh kawngpui han siamna tur thil te kan ngaithla a. Hemi khawpui chhung bikah hian tarlan ka duh chu nikum khan Urban development ah hian works schedule 1999 - 2000-ah khan, Aizawl Road North leh Aizawl Road South te a awm a, tin, road & budget tih te pawh nikum ah khan a lang bawk a ni a. Chutiangah chuan a difference hi Aizawl 'S' leh Aizawl 'N' lam hi a in thlau hle a. A vai chuan nuai 111.47 kha a difference a ni a. Tunah pawh kan budget-ah hian a awm thei ang ang leh kan thawh theih na tur ang ang ah hianin indaih lovin hmun hrang hrangah pawh duh-khawp a tling hauh lovang tih chu a rin theih a. Mahse, a tul zual lai hi han hrut rual deuh hi a hun hle in ka hria a. A difference te nuai 111 vel te anih chuan a rualkhai lo miin a lang a, chuvangin helamah hian sem rual khai deuh nise tih kha kan sawi hmasa duh a.

Tin, ka bial chhung Aizawl 'N' I ah pawh hian town area tih a ni a. Town area anih avangin in hmun lo ram pek thu ah pawh V/C ten a ti. theih lova, chuvangin sorkar-ah tih a ngai vek a, Patia te pawh town proper ang chiahin thil a kai a, chulai chu a dik a. Hmun thenkhatah chuan town area tih si ah khan, a development tak tak thilah khan town area angin kan dah leh si lova. Hei hi kan thuneitute pawhin an hriat a tha in ka hria a ni. Town Area a hmu tur zawnga a develop tur zawng a town area ni silo, a harsa zawng thil a town area ni bawk si kha a awm fo tih hriat a ni a. Chuvangin kawng laih leh steps siam thu ah te, drain chungchangah te town angin kan treat leh lem lova. Chuvangin hemi kawng ah hi chuan tun atang chuan lo hriat nise, a changtu Minister zahawm tak pawhin, chu chu tha in ka hria a ni. Han sem rualkhai chungchangah chutiang chuan thil kal-pui nisela kumin atang hi chuan kan duh lai a ni a.

Nichina an han tarlan ang khan PWD atang pawh hian pawisa duh ang kan hmu lova, khawimaw lai laiah thawh tur te ruahman a tam a, duh a tam a, kan indaih hauh lo a ni tih chu a hriat na chungin a pawimawh zual zual te hi chu khawchhung bik han siam thatna te pawimawh tak tak a awm a. Chung te chu a pawimawh zual zual a kha chhinchhiah nise tih kha ka'n tarlan duh chu a ni a.

Tin, pakhat leh ah chuan Demand No.42-na ah khan co-operation kha kan han hmu leh a. Helai hi tawitte han sawi lawk ila, hei sorkar department hrang hrang te pawhin an hriat tur leh sum an han neih ang ang an

.....48/-

an han dawrna atan MUCO te Apex Bank te pawh hi han hmang t̄angkai ta sela, int̄anpui tawna tha tak a ni dawn a, transaction han tih nan te, deposit te, tehkhin nan LAD pawhin khatianga han deposit nan te Khan han hmang ta sela a tha in a rinawm, chu chu ka'n tarbang a.

Tin, hei kan MIZOFED te pawh sorkar department hrang hrang te hian dawr ta we, hmun dang te dawr lovin, hei hi a puitlin chhoh zelna tur leh mipuiten zau zawka kan chhawr chhoh zel theihna anih dawn avangin a pawimawh a. Entiran, Printing & Stationery ine dawn kan tawna zau zawka mipui te pawhin kan chhawr theihzel na tur pawh anih a rinawm a ni tih kha kan sawi lang duh bawka ni.

Tin, a dawt lehah chuan Demand No.7-naah hian Excise kan han hmu ve leh a. Excise lampang hi budget pawh kha han en Khanin nikum lam an phak lohna te kan han hmu bawka, han tarlante a ni a. Nikum ah Khanin budget estimate nuai 524 kha a lo lang a, tah-chuan revised-ah Khan 604 a lo tling a, tunah hi chuan 600 a ni a. Tichuan, hei pawh hi nichina kan ngaihthlak ang Khan tawk pheih chu a tawk hauh lovanga, amaherawhchu, revised hunah a la sang chho leh mai turah kan ngai a kei-pawhin. Tah hian kan tarlan duh a chu Zu khapna Mizoramah total prohibition kan ti a, mahselangin, khap hneh tak tak a har viau mai a. Tun aia nasa zawka excise department hian tan an lak hi hun khawpin kan hria a ni. A reh tak tak mang lova, hmun then thenah pheih chuan zurui hmu tur te an awm fo a ni a. Chuvang chuan helaiah department hian hma la thar sela, tun aia chak zawka hian in organise tha deuh hlek se a thain ka hria, mi engemaw zat thawhna hmun a niin he department-in a thawh nghel chuan strict zawkin han bei sela, tun aian tan han la sela, kum tharah chuan tih hi ka rilruah a lang a. Hemi excise-a constable tam tak te hianin zu te an lo man thin vang nge ni, zu in ngai lo te pawhin zu in phah nan an hmang thin tih te pawh hi a ni fo mai a. Chuvang chuanin zu mar tu tur berin zu an in chuan engtikah mah tihreh a ni dawn lova, thuneitu-in hei pawh hi action lak nat deuh hlek nisela, mi tam takin thawh ve an chak em em a. Chuvangin a zu mantu tur ten zu an ruih kha a dik lo a ni.

Tichuan, thuneitu ten action laka inban emaw thleng kh an na taka action hi lak nise-la, tichuan kan ramah hian he zu khapna hi a hlawhtling leh zualin a rinawm a ni.

Tin, Pu Speaker, kan sawilan duh tak chu Social Welfare leh Excise atang pawh hian ruihtheih thil kan dova kan khap kan tihna ah pawh hian campaign hi a pawimawh khawp mai a. Drug awareness campaign tih te emaw, nakinah chuan kan rilru, kan thinlung tak tak hian drug khawih hi a zahthlak in a dik lo a ni tih in hriat theihna tura tan kan laka, campaign kan beih tak tak hi a pawimawhin ka hria, chu chu thil pawimawh

mawh tak niin a lang a ni. Excise department pawn han bei mahseka, a mihring ber a khan kan rilru-ah a that lohna, kan ram tan leh kan hnam tan a that lohna kha kan chian phawt loh chuanin, engemaw ti in han bei bawk thin mah ila, a ruka mihring leh mihring han in bum kha a har lo em em mai a, a ruka ti thin an nih avangin. Chuvang chuan helamah hian hma la nasa hle ila ka duh a ni. Kan budget ah pawh chu chu dah hran ni thei sela tha in ka hria a, hmun tinah High School naupang zingah te emaw, thangthar nula tlangval*lo chhuak chho zel turah hian awareness campaign hi bei nasa ila, chu chu kan hlawhtlinna bul tur niin a lang a ni. An vei tak tak tawh hnu-ah tih dam tum lehna crawh hi chu awm ve reng tho sela, a venna lampang kha tan lak a ngain kan hria a ni a, chu chu zu in chungchangah pawh hian a ni tho mai a. Zu te pawh hi dik tak chuan kum za(100) vel emaw lo ral leh sela, Mizoram, khawvel hi a la awm reng anih chuan, Mizo pawh hian hman dan kan thiam tawh a nga, tun ang kan buaipui dan hi a awm tawh hauh in a rinawm loh a. Mahse, tunlai khawvelah chuan kan hmang thiam lo hi kan buaipui a, tuna kan buaipui dan pawh hi nakinah chuan kan la nuh-zat hial emaw a ni anga, kan tun dinhmunah hi chuan beih tak tak a ngaih avang hian kha awareness campaign ang chi a kha a tha hle in kan hria a ni. Pu Speaker, ka lawm e.

PU VANLALHLANA : Pu Speaker, ka lawm e. Hei vawiin ni ah hian Minister zah-awm tak Pu R. Tlanghmingthanga, Pu K. Vanlalauva te demand sawi a ni a. Hei Mizop takin ka kawmthlangpa te ve ve, ka veng pa te ve ve an ni a, a ruala kan sawi te hi a remchang leh zelin ka hria a.

A hmasa berah chuan Pu K. Vanlalauva demand hi han sawi ka duh a, tam tak sawi tur ka nei lem lova. Mi pakhatina Social Welfare leh Excise department an chang hi inhmeh ang rengin ka hria a, hei Excise departmen-in theihpatawpin hma te an han la a, ruihhlo ngai te leh khawtlang thatna turin theih tawpin an bei a, chungah chuan Excise atangin dante hmangin mipuiten kan zawm tur dan te an han sign a, chung a sorkar leh chungkua pawhin a enkawl hleih theih loh an lo awm a. Chung ang a te chu Social Welfare atangin an lo enkawl ve leh a, protective Home te, Remand Home te nei in rehabilitation chungchangte an lo ngaihtuah leh a. Minister pakhatin hetiang a an chang hi a remchang hle in ka hria a, Excise chungchangah hian hei tunah total prohibition kan nei a, zu kan khap bur a ni a. Zu kha sorkarin sualah kan puang ta a ni a, hun engemaw chen kan hmang ta a, mahse kan hman tawh chinah hian mipuiah impression nghet tak awm a hi chu zu tih bo thak kan tum a, total prohibition kan han nei ta hi a hlawhtling vak lo em ni tih tur a ni a. Radio-a programme te leh interview te kan ngaihtla a, chanchinbu-ah te pawh public opinion tam tak kan hmu a, impression lian tak a hi

chu Total Prohibition hi a hlawhtling lo a ni, a hlawh-chham a ni. Sorkar hian zu hi khap zel kan tum a nih chuan tuna kan dinhmun a mipui pawh in a total prohibition hi a hlawhtling ta lo a ni lawm ni tih impression hi paih tura sorkarin tan a lak chu a ngai a ni. Chuvangin staff tih chak te emaw, khawtlang te VDP leh YMA te hman tang-kai emaw tur chuan engemaw chenah allowance emaw remuneration te pawh pek ngai chin a awm ang, incentive eng emaw te pawh. Chuvangin tuna kan hmalak dan pangngaiiah hi chuanmipui ngaihdan kan hmuhah chuan zu khap burna dan hi a hlawhtling lova. Hman zela tihlawhtlin kan tum anih chuan hei aia chak zawkin a department a thawkte, khawtlang hruaitute kan tan chu a ngai zawkin ka hria. Chu chu ka sawi lang duh a.

Tin, Social Welfare chungchang ah hian sawi tur tam tak ka nei lova, ngawl vei te kan enkawl na erawh hi chu dilchbut a ngai viau in ka hria. Mihring tling tawh lo, mihring chhandam ngai te, tisa taka chhandamna tura hna an thawhna hmun niin ka hria a. Remand Home te, Protective Home te a awm a, chung chu staff ten an enkawl a, mahse an indaih lo hle tih report ka dawng a. Tin, Protective Home te pawh hi mi 25 awmna tur angah a aia tam hi an awm reng a, moral teacher te, Nurse te, Councillor te pawh an indaihlo hle a. Staff te pawh pek belh an tul hle a. Heng hi sorkarin a Remand Home leh Protective Home, heng Rehabilitation centre- a neih te hi chu mihring puitling taka siam chhuak thei turin enkawl zui se ka duh hle mai a. Tin, nakinah kan Ministerin min clarify sak se ka duh chu Supreme Court chuan Dowry Act hi neih loh tur, a tha lo tiin dan a siam a ni. Chumi chu India ram State zawng zawng ah hman turin Order a chhuah in ka hria a. State dang chuan an pawm thu te an sawi nak nak a, hman ni lawkah pawh Meghalaya te ngaihdan pawh chanchinbu ah te pawh a lo lang a. Mizoram sorkar hian engnge a ngaihdan ? Supreme Court thu te chu a lo hmu ve reng em ? tih hi kan Ministerin min clarify theih ka beisei a.

Tin, PWD ah hian sawi lan duh 4 ka nei a, a hmasa berah chuan PWD hi in satu tiin kan hre lar hle a, an hna pui ber pakhat pawh a ni a. In 2 an sak sawi lan duh ka neih chu D.C. Office hnunga Judicial Building khi a awm ngai khian a awmna a reita viau a, complete lohvin a bang te pawh Rangva belin, phuah-chawpin ti khian a awm a, luah a ngai si a, luah naw naw a ni a. Khing te khi rang deuh a tih a va tha ve tih ka sawi duh a. Tin, a dawt leh ah chuan MLA hei zozai hi kan awm a, sorkarin Legislative Home a sa a, Tuikhuahtlang ah khian. Khi khi a building peih vek a nih thu kan hre tawh a ni. Mahse, MLA te luah duh tam tak an awm kiiin a luah theih der loh maia. Achhan chu a building te connection te, engkim zawh fel veka nitawha. MLA ten an luah tur chuan furnishing a lo ngai a, Khum te, dining table te, furniture eng eng emaw dah tur a ni a. Chung chu PWD lampang hianin pawisa kan neih loh avangin kan ti thei lo a ni an

ti thin a. House Committee-a ka awm-ve lai khan C.M. pawh kan hmu a, C.M. chuanin "E, in hmu ang, nuai 15-a furnish theih a nih chuan. Hei chu luah theih thuai tur in PWD lampang te pawh ka lo hriattir ange", tiin a sawi a. Mahse wawiin ni thlengin khi Legislative Home, MLA tam tak te pawh ina an awm chak em em na khi luah theih lovin a la awm a. Heng te hi chu han nawr chak sengin tha ka ti hle mai.

Tin, kawng chungchangah hian Mizoram ah National High Way te PWD in an la ve ta hi a lawmawm hle in ka hria a. Chumi rualin ka sawi duh chu Aizawl ah te mi vengva zingah chuan PWD in kawng an sial thin tih kan hriat lain, thingtlang ah chuan PWD aiiu R.D hi kawng sialtu-a hriat tlat an ni. Chuvangin kawng tam tak pawh R.D hian an siam reng a, thingtlang khaw te zawk angah te chuan kawng siam ve ve an nih avangin an in co-ordinate hi a ngai viauvin ka hria. PWD ina kawng a laih meuh tur chuan mite pawh an tam deuh a ngai anga, chumi hmawm kawng an mamawh ve miau si avangin EAS atang ten JRY atang ten, R.D atangin kawng an lo lai a. Helam atangin kawng an lo lai a, survey pakhatmah awm lovin an lo lai ve tawp a.

Wawiin ah PWD-in Truct Road lian pui kawng an han lai dawnta a, a bul atangin survey a lo ngai leh vek a, chu chuanin hun a duh a, sum tam tak khawhral a ni bawk sia. Chuvangin, a survey hrim hrim a hi PWD hian Mizoram pumpui hi nei sengin, a la lai hman lo a nih pawhin R.D lampang atanga an lai thei a nih chuan EAS atang te, JRY atang ten han lai se. Nakinah PWD-in hma an la ve anga, anmahni'na kawng an lo survey tawh a kha chu, pawisa pawh tlem zawkin kawng thar diai prescutting a lo ni lo anga, widening ang te pawhin a kal thei anga. Tichuanin, sum tlem zawkin kawng tha hi kan pe thei ang tih hi ka ring tlat mai a. Chuvangin, Mizoram pumpuiah hian kawng khawtin tlawh tur hian Master plan hi awm se, R.D te hianin a copy te nei se, BDO atang in kawng tur chu hetiang hian survey a ni. Tin, hemi lo hi chuanin, hemi kawng lo hi chu kawng dang chu in laih kha phal loh a ni ti sengin, Jeep Road an lai a, te tak te te-in in lai a, chu chu Truck Road han siam turin a tih theih tak tak lova. Chuvangin, hemi department pahnih hi kawng siam chungchangah hian an co-ordinate a ngai hle in ka hria.

Tin, Mizoramah hian Aizawl lai li tak mai, hmun tam takah moral corruption, eirukna chi hrang hrangin a chiah zawr tawh leh thalai tam tak pawh an bopil tawh lain Mizoram ah pawh Bial pakhat, helamah hian la fihlim tak mai hi a la awm a. Mizo Bial a nih avangin, tlawmgaihna leh huaisenna rilru te pawh thalai ten an la pu a ni. Chu chu Lungpho bial khi a ni a, Lungpho bial ah khian, hei Aizawl, Serchhip, Lunglei National Highway tih mai loh chu Truck kal theihna hi pakhatmah a awm lo a ni. Jeep Road laih a nihin, chumi khuta a bial pali phei chu Motor pawhin a la tlawh miah

loh an ni. Chuvangin, he bial Mizoram laili taka mi si a hi Truck Road laih ni ve se tih nikum lamah pawh kan lo rawt ve tawh a. Ani pawhin a hrethiam a, khitah Khawhai tlang dung atangin Ngentiang, Lungpho kal tlangin Chhingchhipah Highway a rawn pawh ang tiin Minister zahawm tak pawhin a sawi tawh thin a. A survey-na turin cheng nuai hnih lai pawh dah a ni. Amaherawhchu, department ten hma an la dawn a, kan hriat danin cheng nuai hnih hi a tlem deuh tih ang te a lo awm a. Chuvangin kumin ah chuan pawisa tam zawk te pawh hemi kawng survey tur hian an dah theih ka beisei a. Tin, khilai kawng khawih tur hian survey dawn pawh nise.

Amaherawhchu, a bial chung te a kawng sial tur zawng zawng hrim hrim ahi Serchhip Division hnuai, Serchhip D.C hnuai an enkawl hi a rem em em a ni.

Tin, a tawp berah ka sawi duh chu hei Mizoram ah Unstarred Question chhanna atangin hna tam tak chhawp a ni tih kan hria a. Chtih lai chuan..... construction company hian National Highway 150 package niin package 82-na leh 85-na ah hian sum tam tak work order 5 ang hi an hmu a, ka han belhkhawm chhin a cheng nuai 1397 chuang daih a ni a. Hei hi Mizo ten thawk ve se tih hi a duhawm hle mai a, kan Minister ten hetiang nichina an thusawi kan han ngaihthlak ah phei kha chuan anmahni pawh kan hriat ve loh, kan hmuh phak ve ngai loh, an hming erawhchu kan lo hriat kan lo hriat ang te an nih phei kha chuan ngaih hi a ti tha lo leh zual a. Chuvangin hetiang construction kawng laih te a nih a, Mizopa te pawhin kan tih theih leh thil harsa tak ni dawn em ni ? Chuvangin Mizo te hian kawng te hna te hi hmu ve se, chu chu Mizo mipuite bawh hi kawmchhak kawmthlang te hi a chhawrtu te kan tih kha kan sawi lang duh a ni. Pu Speaker, ka lawm e.

PU H.LALTANPUIA :

Pu Speaker, ka lawm e. Ka'n sawi zung zung mai anga, Demand No.33-na Social Welfare chungchang thu ah hian lawm

thu tawite sawi ka duh a. Social welfare department atang hian khi ka bial Phullen ah khian tunah hian CCDPO awm theihna proposal central-ah min theh luh sak niin ka hria a. Hlawhtling ngei turin min nawr sak zel sela ka duh a, kan Minister pawh ka han ngen nghal a. Ka hriat lohva a lo kal tir na-ah pawh khan kan Minister chungah lawmthu pawh ka sawi duh a. Tin, hemi Social Welfare atanga MLA tena keimahni bial te tana thil em tur kan han lak hhin a hi kan tangkaipui em em mai a. Nikum khan nuai 40 kha yearmark a ni a, chuan kan Social Welfare Minister te khan an han sem a, LAD te leh mipuite hnenah. Amaherawhchu, a pawisa Finance lampang ina an rawn phal chin a kha ka hriat dan a sual loh chuan vawiin ni thleng hian nuai 20 bak kha an rawn pe leh thei ta si lova. Department lampang

pawh an buai em em mai a, an lo sem nasa hman tawh ropui si a. Chuvangin, heng thil sem chungchangah hian Pu Speaker, kan sorkar hian kan ti ta sa sa uar leh zuala kan hmuh theihna tur hian Revise Estimate lamah te hian Pu Speaker, minrawn dah sak sela, MLA zawng zawng te Welfare a nih avang hian chu chu ka hansawi duh a.

Tin, chutih rual chuan Pu Speaker, Tax te hei thahnem kan ngai bawk si a, Sales Tax te kan ti a. Tin, kan Memorandum of Understanding-ah te Tax engemaw zat lak a ni tih resolution-ah te kan sawitawh a. Chuvang chuan Social Welfare atanga kan MLA te pawin kan lak leh mipuiin-a kan lak a hi member ten a thlawnin a ni a, hei hi mipuite rilru tihchhiatna pawh a ni a. Pu Speaker, Sport department-ah te pawh kan la a, 25% kan chawia ni. Chuvangin Social Welfare department-a kan thil sem pawh hi 25% tal hian khul ve ila, chuan tlemin Social Welfare department pawh hian harsatna a sem zelna tur kawngah pawh hian a tawh loh phap in ka ring a. Chuvang chuan hetiang zawnga kal hi kan sorkar hiankan neih a pawimawh tak meuh a, mihring rilru siam chhiatna zel kawng zawh lo hian 25% ang hian sem ve tawh se ka duh a.

Tin, Pu Speaker, Demand No.7-na Excise chungchang hi a Demand han en hi chuan Total Prohibition hi Mizoram ah hian kan ti tawp dawn hnai avang ve a tih theih tlat mai a ni. A chhan chu vawin ni a total prohibition kan hman mehah hian Pu Speaker, kan thian dang te pawh khan anrawn sawi tawh a, Zoram puma public opinion han lak han lak hian zu khap bur na dan hi a fail a ni tih hi mipui vantlang ngaih dan a ni a. Engvang nge a fail kan tih chuan lehlamah a enkawltu Excise department hi a machinery hrim hrim, a man power kan tlachham a. Tin, a machinery pawh kan tlachham hrim hrim mai a, heng avangte hian mipui ngaih dan ah a fail a ni tih hi rilru-ah a lut lo thei lo a ni tih hi a hriat a, chuvang chuan vawin ni ah pawh he kan demand No.7-na State Excise-ah hian sum han en vang vang hian sum a tlem tham em em a, Buarpu bialtu MLA zahawm tak in a sawi ang khan tun 5th pay commission anga hlawh pung ringawt pawh nuai 45 a chuang a ni a. Hetianga kan in enkawl chuan a hma ai khan a chhe leh zual dawn niin ka hria a.

Nikumah khan Budget Estimate atanga Revise Estimate a a punna kha nuai 50 chiah a ni a, khatiang ang nuai 50 proportion ang kha a pung leh a nih chuan engtihnambah hi a ni dawn tak tak chuang lo a ni. Chuvangin Total Prohibition hi kan ti zel dawn a nih chuan State Excise force-a hi kan tih changtlun that a ngai a, man power pawh kan lak nasat a ngai em em dawn a. Tin, a Budget bu han en vang vang hian Pu Speaker, Modernization lampang pakhatmah State Excise Demand ah hian a lang lova, Modernization-a pawisa pakhatmah kan dah lo a nih si chuan thang zel se kan ti lo a ni tih hi a chiang em em a ni. Kan sawi leh duh chu Pu Speaker, PWD Demand No.54-na ah khan han kal ta ila, chawhma lama senior mem-

.....54/-

ber Pu K.L.Lianchia'n a rawn sawi ang Khan kei ka ngai serious khawp mai a. Awn miah lo construction of Security fencing hi charge protection wall a...Pu K.L.Lianchia tih deuh nuai kha, cheng nuai 1 leh singkua leh 642 hi khalai huna a Minister berin, hei hi ka hriatpui lo a ni. Hei hi khawi atengin nge ? Pi Biakkungi Contractor a ni a, a rawn tih a hi thil serious tak a ni. Printing mistake an ti leh ringawt dawn a nih loh chuan hei kan sor-karah hian printing mistake te a tam thin a, a lo ni leh mai ang tih ka hlau a. Hei hi Saiha bialtu zahawm takin a ngenna ang Khan, helai chungchang hi chu he Budget Session chhung ngei hian a tih chianna min rawn pek kan Minister kan phut tak meuh meuh a. Chuti a nih loh chuan thil chhe te ah pawh hetiang a thil dik lo a awm a nih chuan, a lianah kan National Highway angah te hian eng anga figure hi nge thil dik lo lo thleng dawn tih hi rilru-ah hian a chhui zui lo thei lo a ni Pu Speaker.

Tin, chulolehah chuan chutiang ang deuh bawk chu ka awi phal lova kan ti teh eng. Kan Forest Minister zahawm tak in construction of guard barrack for Pu Rualchhina Minister tih ah hian nuai 4 leh singruk leh 9000 leh 69 a ni a. Tin, pakhat leh construction of security fencing for Pu Rualchhina Minister an ti leh a. Chutah chuan nuai 430514 a ni a, a vai hian hemi pahnih ringawt ah hian nuai 875203 a ni a. Forest Minister hi ka mi rin zawng tak a ni a, kan thawh ho lai atang tawhin hetiang ang zat zat a hi ahman hi ka ring phal tlat lova. Hetah pawh hian thil dik lo a awm a ni lo maw aw ? ka ti a ni. Chuvang chuan hei hi ka ring phal lo a ni. A pahnihah hian guard barrack atan nuai 469000, tin, a fencing atan ringawt nuai 43514, nuai 8 security kan barrack leh a bangla fencing atan ringawt Khan nuai 8 hi zawng a tam deuh e. Kan Forest Minister hi hetiang em em hi a nih kan ring phal lo a ni Pu Speaker, chu chu kan sawi duh a.

Tin, Pu Speaker, hetiangah hian limit a awm em aw ? tih hi kan hre duh bawk a.

Tin, PWD lamah hian hei a lawm-awm hle in ka hria a, PWD hian kan Minister ngei pawh hian ka bial Suangpuilawn hi kawngpui lama kan harsat zia a mit ngeia hmutu a ni a. Englai pawh hian mi a vei pui em em in ka hria a, amaherawhchu, helai House-ah pawh kan sawi hnem ta hle in ka hria a. STDB road-ah chuan chawhma-a kan sawiah Khan duh tawk ta ila, amaherawhchu, kha STDB road, power House approach road NEEPCO pawisa cheng Vaibelchhe sawm panga kha kan ngen duh a chu, khami power House Phuaibuang-Zarkawt - power House atanga Phuaibuang thleng kha Km 4/5 lo liam a ni miah lova, khami 15 Khan Phuaibuang khi han chuangkai ik selang chuan khilai tlangdung khi engkimah kan awlsam duak dawn a ni. A approach road piah lam khalai tlem te kha min han hma sak selang chuanin, khilai Tuivai kualkhung chhung khi kan lawm dawn em mai tih kha kan sawi duh a.

Tin, chulo lehah chuan EPS P/S road East Phaileng - Suangpuilawn road-a hi, hei kumtin mai khua an fur leh anga, nikum lamah te Khan Suangpuilawn Bus a kal dawn chuan Suangpuilawnah khian Bus chuang tur a khi 2/3 mipa an nih loh chuan Bus a service lo ringawt mai a ni. A chhan chu kawng a chhe lutuk a, a hnuh a hnuh a ngai a. Chuvang chuan mipa 2/3 an ngai zel a, anih loh chuan a kal lo mai a ni. Hma chak takin min laksak a hmanni lawkah ka han kal a. Amaherawhchu, khi pawh khi a kawng chhe lai zual ~~bika~~ khi hnathawh an tum niin ka hria a. Khilai khi ngawrh leh zual in Furpui hma ngei hian min zawh sak thei sela.

Tin, Construction of road under state plan hnuaih hian pawisa hi ka duh tawh lo viau ani Pu Speaker, Nuai 100, sangkhat zathum sawmnhih pasarih point 58 leh EAP-ah hian nuaih 1000 a awm a. Tin, Saitual Division nikum lama kan harsatna Tuivai lei dawh a ngaih avangin nuaih 100 dawn sen a ngaih avangin Saitual Division hnuaih keini Ratu Bial te, Suangpuilawn bial te, Saitual te thleng khian harsatna kan tawh a. Nakumah chuan dan a ngai tawh lovang min ti a. Chuvangin khatianga pawisa dah a ngai tawh lo. Chuvangin khatianga pawisa dah a ngai tawhlo phei kha chuan tun tum budget work schedule-ah phei chuan thahnem min rawn ngaihpuil leh zual sela, khilai EPS road ah khian tih kha kan duh a.

Tin, chulo lehah chuan Suangpuilawn to Khawlian Road atan a survey na atan Khan nikumah Khan work schedule-ah Khan Pu Speaker, tawite chauh 1 lakh kha a survey na atan Khan an han dah chhin a. Amaherawhchu, ka han kal a hman ni ah, a awm leh tawh lo ka pu an ti a. Khawng an dah a ka ti a, EPS road-ah hian an pawt thla a ni awm asin mawle an ti a, Chiang lo deuhin kha pawh kha tun kumah hian work schedule-ah Khan Suangpuilawn to Khawlian-ah Khan a survey na tur kha tam tham deuh hlek min rawn dah leh thei tawh sela, Suangpuilawn bial area te, Ratu bial area te hi Pu Speaker kawngpui chungchang ah harsatna kan tawh nasa em em. Vawiin ni ah hian kan harsatna hi sawi duh ila vawiin ni a Saipuma kan hnathawktu NEEPCO thawktu ruk bo chungchengah te. Tin, khilai Manipur nena kan inrina laia kan harsatna khi kan Village Council ten harsatna an tawh nasatzia te, mikhual bik nia an in hriat kan thalai awm tha duh tawh lo te. Heng zawng zawng hi kan ngaihtuah chuan kawngpui tha infrastructure development a hi kan ngaihtuah a ngai a. Keini chu Pu Speaker, rambuai hi Mizoram bial dang ten kum 20 an tawrh lai hian neini chuan kum30 chuang kan tuar bik a ni a Pu Speaker, a bik a enkawl kan ngai em em a ni. Chu lai chu kan sawi duh a ni e. Ka lawm e.

PU J.LALTHANGLIANA : Pu Speaker, vawiin kan Demand Minister zahawm tak tak pahnih Demand kan sawi a, a ngaihrawm hle hlawm a. A hmasa berah chuan a in dawt hian kan sawi mai anga. Hei co-operation a hi kan sawi duh a chu Mizote hi Well Knit ciety kan ni a, engkimah ti ho thiam tak Kohhranah te, YMA - ah te, amaherawhchu, chuti chung chuan co-operative society hi a hlawhchham em em mai a. Mizoramah hian Budget kha kan en vang vang a, training lamah pawisa engemaw zah kan dah a, hemi hi chuan training ngai hle hian ka hria a. Kan ngen duh a chu training tam tawk han mamawh a ni. Engati nge helai sector-ah hian eizawna kan tih khawm- na ah hian kan hlawhchham tlat ni. YMA anga hna kan thawhna ah te kan hlawhtling. Engtin nge hna kan thawh anga kan hlawhtling em em a, Kohhran-ah te kan rinawm em em si a. Ei zawng tura society kan dinah hian a hlawh- chham tam em em mai a, chu chu ka'n sawi duh a.

Tin, co-operative Apex Bank kan nei a, co-operation hnuaiyah hian a tha ang reng khawp mai a. Meghalaya te khu kan zu kal changin kan en a mawt a nep khawp mai a. Keini chu Bank pangngai deuh thaw hian kan bawh a ni, a lawmawm hle mai a. Ama'rawhchu, hetih laia ka hlauhthawn em em a chu tun hma pawh Khan thil awm thin hi a awm a ni. An Autonomy hi Politics hian va tih buai chang a awm thin a ni. Hei hi ka hlau- thawng em em a, hlauhawm lo hram sela, Autonomy tha tak an neih hi vawnhim sak ila, tisawn kal sela, Bank hlawh- tling tak, duhthusam phei chuan heng State Bank te leh Bank dang te entawn tlak khawp hi co-operative Apex Bank hi nei ta ila kan duh em em mai a. Chutih ruai rual chuan Mizofed kan han nei leh a, heng te pawh POL Wing-ah chuan a tha viau a ni. Ama'rawhchu, dawrkai lamah sawn a tha vak lo ni hian ka hria a. Heng te pawh hi en that deuh tha in ka hria, co-operation lamah hian a hnam ang pawhin tan kan lak a ngai hle in ka hria. Hei hi kan chhawr tangkai tawk lo, kan sawi duh ni mai sela.

Public Works lamah hian ka'n sawi leh duh a. Hei hi Mizoram ina infrastructure kan din dawn a, kan rinpui ber Department a ni reng a ni, hman atangin. Ama'rawhchu, engtizia nge ka hre lo, khawilai atangin nge a sual tak ni ? Mizoram ah hian BRTF in kawng an rawn lai dawn tih hian kawng nei mai turah mipui ten an ngai a. PWD in an lai dawn tih hian a van pawie, BRTF ni zawk se tih hi mipui ngiahdan a ni fo a ni. Chu chu engati nge a ram neitu zawkin a hna kan thawh dana mipui rin kan hlawh loh ? ram dang mi thawk tura kan rin tlat tih hi chu kan in enchian a ngai a ni. Heti laiah hian sorkar kal phung thar kan tih Khan Department pahnih ah Engineer in Chief-ah kan han then a, beiseina sang tak ka nei a. Kum 1 kan kal ta a, Hemi kan work culture hrim hrim hi State dang kan tluk lo deuh in ka hria. Tripura-ah rei vak lo contractor kani ve a, Mizoram-ah hna hnih khat ka thawk ve a, a danglam

em em na chu Tripura-ah chuan kawng kan lai zova, min teh sak ru kan ti a, an lo kal a, helai hi ti leh rawh i la peih Chiang lo duh ar ti a, kan siam tha a, kar 1 kar 2 hnu velah lo kal leh rawh an ti a; PWD office-ah kan va kal a, Bill min pe mai a ni. Mizoram ah chuan Rs.8000/- man kan thawk ve a, Oversear in ah vawi 5 kan leng a, ka leng duh tawh lo ringawt a ni. Hei hi a tha lo ngawt in ka hria, contractor ten hnathawh a hars lo, Bill lak a har a ni an ti a. Kan in enchian a ngai ngawt in ka hria. Bill la tur hlawhchham ta hi an tam in ka hria. Hna kan thawk a, pawisa kan nei a, hna thawk tura kan tih chuan mumal taka tih hi tha in ka hria, kan thawh hlawh, Bill kan lak mai hi a pawimawh a. Thenknat phei chu contractor te hian a pung awm te in an puk a, Bill an la leh thei si lova, a tham ral tam tak a awmin ka hria.

Tin, State dang nena kan in kal pawhna a chhia engzatnge kan neih, ka sawi..... Tripura nena kan in kal pawhna khu a chhe nasa em em mai a, vawi 2 ka kal tawh a, mipakhatin Border hi phur sela, Truck in hnawh sela a theih mai tur a ni a, a vai pawh khuan tun thlengin Bus pawh a kal thei lo a ni. Tin, Kanghmun lamah pawh a chhe em em bawk a, an ni'n min hrilh chu kan ram chin a tha lo a ni an ti a. Damcherra atanga phei na Darmagar-ah a kal bawk a, kan ram chin chiah ah khuan a chhe em em a ni. Chuvangin Aizawl khawlai tih mam a tha e, kawngpui kan neihsa te hi enkawl that a tha in ka hria. Nikum fur lai zawng Khan Kawrthah tlangdung kh. Bus a service thei lo a ni. Thingtlang lam kawng hi ngaihthah lo ila a tha in ka hria. Ka'n sawi belh leh duh chu kalphung thar a ni nge ka hre lova, Bulldozer hire in kawng te kan lai a hei hi kan chhin a, a that chuan a zawngchhangthlak in ka ring a ni. Formation cutting ringawt hi chu Bulldozer leh emaw hian a hna hi a sawt chuan a tha in ka hria, ka bialah pawh kan ti mek a ni. PWD hnathawh dan hi inngahna ropui tak infrastructure a nih avang hian a work culture kan ti dawn nge ni ? engemaw laiah hian siam that chu a ngai a ni. Chuvang chuan kalphung thar kan ti bawk a, hei hi chu kan siam that a, mipui rin an kai phawt chuan PWD hian kan Hnam tan hian hmasawhna ropui tak kan thleng dawn niin ka hria. Tunah hi chuan PWD han tih hian ngaihndan kan nei a, hemi hi chu mipui te hian an thlak theih na turin tan lak fe ngaiin ka hria, chu chu ka'n sawi duh a.

Tin, kan hotuten an rawn sawi tawh a, Excise-ah hian zu khap chungchang hi kan han sawi thin a, zu zawrh chungchang tih dawn Khan chanchinbumi ka nih avangin ka tel ve a, ngaihndan kan siam a chu a tha nge ? zuar phawt mai ila, kan sawi tam si a, a that loh leh kan thu alawm maw le! Kan khap leh mai ang chu, zuar phawt mai teh ang kan ti a, kan zuar a, kan khap leh ta a. Chutah he ngaihndan hi a lo piang leh a, a, Total Prohibition hi awm lo mai sela tih hi chanchinbu-ah te kan chhiar thin a, hemi tihna chhan hi zu zawrh leh hi kan duh vang niin ka hre lova. Total

Prohibition hi a tangkai chuang lo, argument rawn nei tu chuan a tangkai chuanglo, zu a tam em em tho, zu chhia to tak takin an zuar a. Chuvang chuan hei hi a tangkai lo a ni, khapna hlih hi a tha zawk mai lo maw ? tih zawhna te a tam ta a ni, chumi awmzia chu zu khap hlih leh hi Mizo mipui hian an duhin ka hre lova, tuna kan tih dan hi a effective tawk lo an ti niin ka hria a. Chuvang chuan tan kan lak hi ngai hle in ka hria a, Excise-ah hiam.

Tin, engnge ni ka hre lo, hei Arts & Culture hi tawi te kha kan enkawl ve a. YMA nen hian kan thawk ho a, sum tlem te hian effective deuh hian hna kan thawk thei a. Excise-ah te pawh hian tun ai hian kan organisation hrang hrang hi a hman tangkai theih lawm ni ? an tanpuina te nen hian a tih theih lawm ni ? Chumi ah chuan sum kan ngah lo a nih pawhin tan lak dan kawng hrang hrang kan tih chu a ngai in ka hria. Hei hi kan enkawl ngun a ngai a, tin, en ngun pui deuh chu an ngain ka hria. Minister zahawm tak te khan en ngun pui deuh sela, Excise-ho in mi an man a, lock up-a an dah ve chang te pawh hi en se a tha ngawtin ka hria. Kan Minister zahawm tak hian, "Vawi khat chu ka en a, ka thin a rim em em mai a. Nuthawi hmeltha deuh zu zuar lock up-a an dah zan hian an hlim hle mai, lo kal ve teh, an ti a, ka va kal a, insual ka duh a, duh se chu kan insual ang chu maw le. Chuvang chuan heng te pawh hi kan en tha in ka hria a.

Pu Speaker, pakhat chauh, Social Welfare hi a pawimawh em em mai a, kan sawi duh leh a chu, hei anni hi chu hmangaihna nena Department enkawl ngai an ni a. Michhumchhia te te te leh tanpui ngai te enkawltu a ni a. Hei pawh hi kan ngen duh achu tun ai hian kan Social Organisation te involve pui dan hi ngaihtuah sela, KTP te pawh, heng te hi theih tawp kan chhuah ngain ka hria. Social Welfare kan enkawl dan a tha riau mai, mahsela up to the mark kan tum erawh kan la thleng lo a ni, kan tan ho tak tak a ngain ka hria a, tah hian heng Upa 'Tar chawmna' kan ti, kan duh thawh em em, naupang sual enkawl na te kan ti, a tha em em. Amaherawhchu, kan tan ho chu a ngain ka hria. Hei hi Department pahnih, Minister pakhatin a'n chang kawp a, a tha em em mai a, chan kawp awm tak pawh a ni. Chuvang chuan Pu Speaker, hemi te pahnihah hian, Social Welfare leh Excise-ah hian kan Social Organisation te hi tun ai hian hman tangkai dan, thawho pui dan hi, uluk takin ti ila, hei hi kan hnam tan, kan ram tan thil tangkai tak anih ka ring a. A mal te te chu kan sawi hman lo mai ang chu. Ka lawm e.

PU NIRUPAM CHAKMA : Pu Speaker, ka lawm e. Demand No.42 co-operation hi ka sawi dawn a ni. Pu Speaker, co-operative movement hi, khawvelah pawh development chungchangah a pawimawh a ni. Chutia a
.....59/-

awm lai chuan, hei Mizoram ah co-operative movement a la chak thei lo hi pawl ka ti. A hmasa khan, hun enge-maw chhung chu kei pawl ka enkawl tawh a. Theihtawp kan chhuah a. Amaherawhchu, duh angin thil tih hi a harsa a, kan sawi duh chu, Agriculture Marketing chungchang co-operative pawimawhna kha tun lai chu as if it is not there, a bo tawh. Relevance of Mizofed chuan Agriculture Marketing hi a tih tak tak thei lo a ni,

Tuna Mizoram Agriculture and Marketing Co-operative te, Marketing lamah engemaw hma chu an la a. Tun sorkarah hian Agriculture Marketing co-operative, MAMCO tih te hi policy chauh neiin Marketing tak taka chu a lut lo niin ka hria a. Contractor te an siam a, Agriculture produce pawl hi leiin Marketing hi buaipui miin ka hria a. Without actually perching the Agriculture produce. Agriculture sawina ah co-operative ka sawi a, a Relevant tha in ka hria. MIZOFED pawimawhna chu lo hmang tangkai sela, tih ka sawi duh a ni. Tin, co-operative Financing chungchang ah tuna a landan ah chuan hemi Bank pawimawhna pawl a bo tawh a ni, awm lo tluk a ni. Chuvangin, Apex Bank te, MUCO te pawimawhna chu sorkarin hmang tangkai sela tih ka sawi duh a. ICDP project Aizawl, Lunglei, Chhimtuipui kan siam a, ICDP achievement pawl enge awm tawh Minister-in-min hrih sela a tha ang.

Social Welfare chungchangah ICDS kalphung hi tha tak a en a ngai a ni. ICDP kalphung hi a tha ho a ni. Anganwadi Centre tam tak, kan hawng, mahse, kum khat chhung an hnathawh te en in engemaw siam that ngaiin ka hria a. Nutrition siam chungchangah te pawl thu dik lo a awm a ni Pu Speaker, he thu ah hian Department hian evaluation a mamawh a ni.

Tin, tuna India sorkar hian chanchinbu-ah Mission of the Millenium headline hmangin advertisement an chhuah a. The aims and objectives of newly created Ministry of tribal welfare, Social Welfare hnathawh hi Ministry of Tribal Welfare hnathawh nen tam tak a in ang a. Chuvangchuan, hemi Ministry atangin scheme tam tak kan siam thei a, hemi Ministry atangin hemi department hian hma la sela Mizoram tam pawl tam tak hai chhuak thei turin ka chah duh che u a.

Tin, District Council te nen Mizoram District Council pathum awmte nen a Welfare chungchangah hemi department hrimhrim hi co-ordination neih a ngai.

Pu Speaker, Excise, State Excise chungchangah hian hei prohibition of Liqueur chungchang hi sawi a hlawh hle a. Amaherawhchu, ka ngaih-tuahna ah chuan tuna a awmdan ah chuan Liqueur hi Mizoram ah a tam hle tho a. Sorkar hmun pawimawh atangin zu te an zuar a, hei hi a serious lutuk. Department ho

.....60/-

an duh chuan ka hrilh ang che. Heta sawi chu a mawi lo. State Excise hian Drugs te, heroine te a man thei a, zu pawh an man. Mahse sorkar hmun pawimawh atangin zu zawrh chu engati nge a hriat theih loh ? a pawl lutuk. Ka sawi chuanin an man thei lovang, lo kal la ka hrilh ang che. Mahse, Department heti zat staff nei chungin engati nge hre lo a tih tih hi ka zawhna a ni. A pawl lutuk, an officer te lo kal sela a rukin ka lo hrilh ang Pu Speaker, Sap zu hi phai lam atangin a lo luh loh chuan Mizoram ah siam theih a ni lova, chuvangin Mizoram chhungah buaipui aian Inter-state border te ngun takin veng rawh se. Champhai lam ah veng rawh se. Zing lamah kan PWD Minister zahawm takin inter-state road chu 8 a awm a ti a. Pakhat chu Aizawl - Silchar road, a dang chu PWD hnuai ah NEC hnuai ahte. Khami Inter state road 8 ah kal tlangin zu chu lo lut thei a ni. Check gate engzat nge kan siam ? kan ngaihtuah a ngai. Vairengte ringawt ni lo hian hmun dang ah pawh kan siam em?department hian ngaihtuah a ngai a ni. Sap Zu chu keini lam atangin chhuak tur a awm lo reng reng. Chhimituipui-ah kan siam lo, Aizawlah pawh kan siam lo. Mahse, hei Sap Zu a tam ta lutuk hi a pawl hle a ni. Chubakah Local made pawh a tam a, tin, hemi Zu hi an man te hi khawiah nge an dah ka hre lova, an destroy em ? tih chu ka hre duh a ni. Khawiahmah dah tha lovin destroy sela ka duh a ni. Dah that chuan tuten emaw an in leh anga, Heroin te, drugs te an destroy angin an Zu man t pawh hi destroy rawh se. Chutichuan, kan fihlim thei ang.

Pu Speaker, PWD chungchang a ka sawi duh chu Aizawl Town chu kan siam tha a, a tha e, mahse, ka ngaih pawimawh chu hei Vaivakawn atanga Sairang approach road hi tun thlengin a la mam thei lo hi apawl hle a ni. A pawimawh zia chu Airport panna kawng ber a ni. Tin, ka bial ah Chawngte - Berapansuri hi tun sorkar chhung hian Motor a kal thei lo reng reng engati nge ? Zawhna ah pawh ka zawt tawh Pu Speaker, abandone an tum em ni ? Engati nge PWD hian engmah hma a lak loh ? Minister zahawm takin hei Summer kan thleng dawn a khawngaih in Motor kal theih dan tur ngaihtuah rawh se tih hi ka request duh a ni. Ka lawm e.

PU J.LAWMZUALA

:

Pu Speaker, ka lawm e. Vawiin ni a demand kan sawi a hi sawi thiam pawh a har viau mai a, a hma a kan sawi tawh

ang khan kan Budget hi keini laymen tan chuan a har a. Tin, a mawl hlawm lian ang reng bawk si a, document eng eng emaw work-schedule te work programme te awm leh mang si lo han en hianin fiah a har em em a. Chubakah last year level tih te kha a lo ni mai a, break-up ah erawh chuan a lo dang hlek hlek anga, a thiam lo tan

chuan at belhna tur a lo ni mai a, sawi thiam a har khawp mai kan Budget hi. Amaherawhchu, demand te pass tur a lo ni bawk si a, sawi tur tlem tal chu kan nei ve anga, Hei Excise department hi a pawimawhin a lar hle mai a total prohibition kan neih lai chuan tul em em thuam fankim nen chak taka kal thei tura kan beisei lai in total prohibition hi muai bo mai tur em ni ang ? kan Budget dah dan te hi a va mak ta ve! tih puh teuh teuh awm hi a ni a, tih te kan sawia. Hengah hianin ngaihtuahna a ti tam duh a, tin, kan Chief Minister zahawm tak hi a bul leh a tawp a ni lo thei lova, heng Budget-ah te pawh hianin. Excise department hi chu kan Finance Minister pawh hian a ngai pawimawh lutuk lo a ang khawp mai. A Budget speech-a department hrang hrang ziah khawmah hianin a lang pha ve mang lova, 'others' tih ah hian te reuh te in a lang a ni. Chuvang chuanin he department hi a khawngaihthlak viau mai a. Amaherawhchu, kan mamawh si a, a hlawhtlin dan tur engtin nge ni ang tiin a department lam atangin nikum lamah khanin USA Embassy te nen indawrin tanpuina tur mamawh te eng eng emaw an sawi niin ka hria a. Khang te pawh kha in sorkarin a phal chuan kan rawn tanpu ang che u, an la ti deuh chauh leh nghal a, kan sorkar khan an phal sak nge phal sak loh tih pawh kan hre chiang lova, khang te kha kan awmdan niin a lang a. Cheng nuai sawmthum (Rs.30,00,000)zet te kha rawn pe mai dawn niin a lang a, Excise department hian an dawng hman tawh em ? Keini chuan kan rawn hre pha tawh lova. Chuvang chuan kan ni bo dawn a nih loh chuan he Excise department hi ralthuam tha zawk te a staff tha zawkte total prohibition hlawhtling thei ngei tura buaipui tura thuam thar leh ngaiin ka hria a. Heng hia kan tih makmawh niin ka hria a ni.

Tin, Social Welfare Department ah hian thil pawimawh tam tak a awm a, heng Budget bu puiah te kan han en ve te hian in handicapped ho Hospital te leh training facilities tih ah te pawisa chu dah tam deuh hlek niin ka hria a, a landan in a hmuh theih a. Chung te chu khawiki hmun atan nge tih keini ang chuan kan la hre thiam lo leh pek a. Chhim bialah te a awm ve dawn em ? Khawchhak lamahte em ni ? heng hi kan chiang lo riau mai a. Department neitu chiang bik chu tlem a zawng chu an awm, mahse mipui chu kan chiang lo a ni. Heng hmasawna turah hian kan work programme te, work schedule te a lan loh avang hian in khawikalah hian nge heng te pawh hi hmasawna tura kan tih te pawh hi nakinah department neitu kan Minister zahawm tak ten min rawn chhang sela.

Tin, Lunglei-ah sawn Remand Home rei tawh deuh mai, engtik ami nge kan hre tawh lova, sak tawh a ni a, a tlu chhe leh mai ang tih hlauhawm khawp in a chhia a, luah tak tak a awm lo bawk a. Lunglei Ramthar ah sawn a ni a, puan thuite saw an zirtir a, eng eng emaw chu an ti ve a ni. A Remand Home ang tak tak hian kum tam tak awm theih lohvin a awm a, heng te pawh hi min en fel sak a duhawm khawp ang. Tin, co-operation demand 42-na hi a pawimawh ang hu in Zoramah hian a hlawh-

tiing vak lova, kan mizia in a zir loh vang nge, kan mipuiin an zir loh vang nge, co-operative society lam hi a tam riau mai a, hlawhtling lo em em te pawh a tam em em a ni. Hengte hi department neitu ten tan la in en nawn leh sela. Tin, Apex Bank te a lar em em, pawimawh a lang te hi belhchian a dawl em aw, ka ti a, nikum kum hmasa lam kum 3 hmalam final accounts balance sheet te kha kan en chuan performance a tha lo em em a, India ram lampang atanga heng margin money hrang hrang kawp tura loan han pe chhuak tur te hianin Apex Bank te hi an approve hlei thei lo a ni. An balance sheet kum 3 chhung an han hmuh te hian performance te hi a satisfactory lo em em a ni tih a chiang a. Hengte pawh hi pawisa tam tak seng a kan ti chho zel dawn a nih chuan tun aia hlawhtling zawk tura management tih that te pawh ngai hle in a lang. PWD hi a zau hle a, demand 5 -na kan sawi tawh ang bawh in hriatthiam pawh a harsa em em a, keini ang tan chuan a khawilai hna tur nge, khawilai pawisa nge tih kha in ziak chu awm bawh mahse a hmun hma tur te, kawngpui lian tak tak te, building lian bik te a nih loh chuan hriat a har em em mai a ni.

Hengah hianin duh angin kan chhui thiam ve lova, chuvang chuan han rin sawi ve ta ila. Mahni bial lam, Lunglei khawpui ang te pwhin sawi ta ila, Lunglei Ring road buaipui tawh, kum engemaw zat kal tawh a hma lo lak tawh, chhonzawm hleih theih loh, hlawhtling hlei thei lo saw, kan hotu te, kan Minister te leh department hotu te an min la hriat pui em aw ? Lunglei Ring road hi a pawimawh em em a ni.

Tin, ka bial bik lam te pawh sawi ta ila, kawngpui tlangdungah Lunglei Motor kawng a lo lut a, Chandmary phei hnuai, Electric Veng pal tlang a District road, Thana bula town Hall kan tih mai atanga kal phei, Assam Rifle 3-Gate bula chhuak leh truckable load ni ve si, mahse mipui tam tak chenna kal tlang, Bus service han tum thin ila, a kual zo lova, a tih hleih theih lova. Han chei hlek a kawngpui tha em em tur te saw hman tlak tura min chei sak kan duh a. Heng a bu puiah te hian a awm ve leh ve loh pawh kan hre lova, work schedule a chhuah loh chuan kan hre tawh thin si lo. Chungte chu PWD Minister hian min hriatpui a, Bus kal tlang ve thei mai tura a kawh nasa zual leh a zim lai tih zau te a min siam sak turin ka ngen a ni. Chu chu Pu Speaker, ka sawi theih nise, ka lawm e.

PU F.LALTHANZUALA : Pu Speaker, ka lawm e. A hmasa berin PWD ah hian tlem sawi ka duh a, Hnahthial bial context in ka sawi mai ang hei hi chu. Zau tak te ka chhui ve lovanga. Hnahthial bial context-in han sawi phawt ila. Kan bial mamawh ber saw tun hma atangin kawng tha a ni thin a, hun liam ta rei tak ah

khan kawng kan neih loh avangin Hnahthial bial tlang-dung thenkhat te chu North Vanlaiphai biala awm te pawh hi an thlang fo tawh thin a ni. Tin, administration lam thu ah Lungleia bet an nih avangin Lungleiah an kal lo thei lo fo a ni a. Thil dang zawng zawng ah chuan N. Vanlaiphai through in Aizawl lamah an kal thin a, an bial chhunga rilru pawh a kak tawh a ni. Hrehawm ti tak in kawng awm lovin Lunglei lampang pan loh theih a ni lo thin a. Tunah hian sorkar thar lo awm atangin department hian ka bialah chuan hna an thawk tha khawp mai a, lawmawm ka ti hle a, hemi ka bial Thingsai lam border lampang ah khian motor lian a la lut thei lova. Chungte pawh chu ngai pawimawhin tunah hian an bei mek a, a luh theih thuai te kan beisei a. Thal chhungin tih hram hram tumin bus te hi an tir ve zauh zauh thei chauh thin a, chutiang anih avang chuan nun khi a harsa thin a ni. Tuna department Minister hian theihpatawp chhuahin khing Khawthlir kham hmangthang tak, kawng chhe em em mai thin pawh a bei mek a, lawmawm kan ti khawp a.

Tin, Hnahthial atanga awlsam te a N. Vanlaiphai an pawh theihna turin kawng thar min zawn sak a, an zawng fel tawh a. Khawhri atangin Maicham phase II motor kawng laihsa pawhin hengte pawh an zawng fel vek tawh a. Tah hian ngenna han siam nawn teh kan duh chu a zawn leh a laih inkar hi hla lo sela, khi khi min han beih sak thuai thuai selachuan, North Vanlaiphai leh Biate, Champhai thleng pawha awlsam taka kal theih na tur kha a ni dawn a ni.

Tin, Hnahthial Bial retheihna ber pakhat thin chu Tuichangah khuan lei a awm lova, thal lai hi chuan a kal ve theih hram hram a, tunah te pawh sawn a kal theih a. Amaherawhchu, fur a lo tlak chuan a ping ta hmiah thin a ni, chu chu kan sorkar thar hian kan Minister zahawm tak hian hei tunah pawh hna an kal pui zel a. Tunah te pawh sawn a lei lampang endiktute an awm a, tin, kum 2002 hi chuan kan peih thei ang te pawh anti a, lawmawm kan ti hle a.

Tin, Hnahthial khawchhung, hei, kuminah YMA General Conference te pawh a awm dawn a, buatsaih leh cheibawl ngai tam tak kan nei a, chungah te pawh kan Minister zahawm tak tawngkam te pawh a in hawng khawp a, lawmawm kan ti em em mai a, lawm thu kan sawi duh a. Tin, hei zawh tur pakhat kan neih leh chu, nikum lamah khan hei kan House hi a lum thei em em mai a, a sira Fan te han on hian a bengchheng thei hle bawk si a. Pawn lamah min min thlir a, muthlu te hi kan tam thei em em a, muthluk hlauh avanga chhuah zut te pawh a lo ngai a. Chuvangin, air-condition-a han tih ve thu te kan sawi kha a ni a. Tunah hian pawisa te pawh a awm tawh ni a hriat a ni a, engati nge ni tun thleng mai a air-condition-a kan siam loh hi, kan Minister zahawm tak hi kan zawt duh a. Engnge ni harsatna la awm ? Legislator te hetah kan han thu khawm a, nalh lo taka kan muthlu te hi, laklawh taka kan han muthlu te hi

an han focus-a tul vak lo hianin mi nuihza siamna te nih mai mai te a awl hle thin a. Chuvangin hei hi rang takin a tih theih lawm ni tih hi kan ngen a.

Tin, Excise demand No.7-ah Khan han peng leh lawk ka duh a, kan C.M. zahawm tak Khan nikum lamah khan drug do chungchang thu War footing -ah tih a ngai a ni tih thu kha a sawi a, kha kha a dik pawh a dik a, thu lawmawm tak a ni a. Amaherawhchu, hei kan budget te a chhuak a, Excise-in an hman tur te kan chhut hian War footing em ah chuan an la dah lo ni hmel in a lang a, kan sorkar ngaihtuahna ah hian Excise department hi an rilru-ah a la te tlat in ka hria a.

Hei hi a pawl ka ti khawp mai, kan total prohibition te hi a hlawhtlin theih nan Excise Department ten efficient taka an tih a ngai a, drug lampangte pawh kan dona leh kan invenna hlawhtling tur Excise efficient taka an tih a ngai a ni.

Chumi atan chuanin pawisa kha tam tak an mamawh tur kha a ni a. Kan hmanrua berah kha a pawimawh kha kan dah pawimawh si loh chuan kan tum a kha tha fu in lang mahsela, kan hlawhchham dawn tlat a ni. Tunah chanchinbu leh tlang ti ti a kal kal thin, total prohibition hi a tha em ni chu aw! tiang ang kal kal thin te pawh hi, zu zawrh te tianga buaina siam thei thil khap hi duh loh vang ni lovin, kan ti a, mahse kan kenkawh silo, engmah a sawt love tihna kha a ni a. Chu chu tlang hriatin a lo awm tawh a ni. Chumi a nih laia Excise Department-a hman tur a pawisa mamawh tur ang pawh ni awma lang kan pe lo hi chu a pawl hle in ka hria a, hun remchang hmasa berah hei hi chu ngaihpawimawhna hi tihlan thuai thuai a pawimawh em em in ka hria a ni.

Khami development programme thil dang zawnzawngah kha lo hlawhtling viau sela, zu leh drug lampang a kan hmalakna hi lo hlawhtling vak lo sela Mizoram khan khawinge maw kan thlen chuan ang le, thlenna kan nei chuang lo, drug te Zoramah. Helama kan pen si chuan Education-ah kan sang tih emaw, eng eng emaw an sawi an sawi kha thu lovah kan siam dawn a. Chuvang chuan kan sorkar hotute hian Excise hi thuan thar sela, war-footing tak meuh meuhin heng zu leh drugs te hi ngaihtuah ila a pawimawhin ka hria a ni.

Hemi chungchang thuan hian heng zu chungchang thuan te, drugs chungchang thu ah te hian kan harsatna bulpui ber mai chu, kei ka hmuh danin a department-ah kan Police ho zingah kan Excise sipai ho zingah zu duh an tam lutuk a ni. Hei hi a ni kan harsatna ber chu, a zu duh a kha zu daptu-ah an tang leh baw si a. Tichuan, a zu zuartu te nen Khan intiam rukna te pawh kha an lo nei a, man duh te, man duh loh te an lo nei zel a. Chuvangin, hei kan Minister zahawm tak Excise changtu hi a hma hi ko hle in ka hmuh sak a, ama mimal nun a habit leh tiang thil ah chuan a fit hle in ka hria a. Heng ruihtheih thil lak atang te in, amaherawhchu a

hma hi chu ko hlein ka hria a. A chhan chu tunah hian kan Excise department-a sipai te hi a awm ang ang pawh hi an nun dan tur anga nung niselang chuan a ziaawm deuh ang. Kan Police te pawh hi an nun dan tur anga nung niselang chuan a zia deuh ang, khami heng kan dan hha tak tak te, mipui tana thatna tur atana kengkawh tur hian an nungchang kha a dik tlat lo a ni. Zu duh ve reng chuan engtin nge zu kha a man a man theih anga, a do theih ang le. Chuvang chuan khami kan Home work a kha kan department-a khang kan personal khang ho reng reng a kha in zirtir that in kaihhruai that a ngai a. Tun ang kan dinhmun hi chuanin a za tel pawh appointment hi siam belh ila, a sang tel pawh siam belh ila, tikhan zu in huam huam kan reh leh ringawt mai ang. Chuvang chuan a quality-a kha khami a department-a thawk te quality-a kha a pawimawh em em a. Hei hi kan Minister zahawm tak tak te pawhin ngai pawimawh sela, a pawimawh em em a ni.

Tin, kan Mizoram sorkar hian, Mizoram sorkarin dinhmun thar duhawm tak a a din na lai awm in ka hria a, he zu khapna dan tihlawhtling tur hian dinhmun tharah a ding in ka hria a, a chhan chu LAI district council-ah sorkarna an nei a, Mara an thawhpui te nen sorkarna an nei a. Chakma lam ah pawh sorkarna an nei bawk a, chuvang chuan helai bial chhunga total prohibition dan awm a district council a awm leh silohva kha kha ringawt pawh kha hlawhchhamna kawng khat a ni. Saw laiah khami dan kha hman ve si loh a, keinin helai ah lo hman tum ve teh mah ila, hei ram khat kan ni a, kan in kal pawh ek a ni a, a hlawhtlin tiharsatu pakhat a ni. Chumi ti kiang tur chuan tun ah hian Pathian in dinhmun thar tha tak a pe a ni ang. Mara District Council-ah te, Lai District Council-ah te, Chakma District Council-ah te pawh he total prohibition hi lo zawm ve in lo pang ve sela, tichuan Zoram pum hi kan tangrual a ni anga, kan harsatna te pawh hi sut kian a ni deuh mahna. Tiang ang khan kei chuan ka ngaituah a, khang ang ti tak tak tur khan ka rilru-a awm fo thin chu political will hi kan nei em ? Kan Ministry hian hemi tihlawhtling tur hian political will a neih a ngai. Hemi will tumruhna awm si lo chuan eng eng emaw chu han ti thin mah ila, sawi ti tam tu mai mai a ni ang. Chuvangin political will tak tak neih a, War footing tak meuh meuh a hei hi kan neih loh chuan kum rei lote ah hian kan thalai te an lo chhe zo anga, kan nundan a lo chhiat chuan kan development programme leh Item tam tak kha tha lo a ni fo ang. Chu chu ka hmuh dan a ni. Ka lawm e.

PU SANGHMINGTHANGA : Pu Speaker, ka lawm e. Hei sawi
H. PAUTU tur a tam hle mai a, sawi zo
hman chuan ka in ring hran lova.
Amaherawhchu, kan ti ve deuh

puat puat anga, hei PWD lam ah hian kan tan ve phawt ang
a. Demand No.54-na ah khan a tlem an ti viau mai thei a ni,
amaherawhchu, Suspense Account a hi crore 1 kan dah a, hei

....66/-

hi loh theih loh lai chu a awm ka ring a. Nimahsela, kei chu hetiang aitlem deuh hi ka duhdan a la ni a, heng suspense accounts hi corruption awmna a ni in a lang deuh tlat a ni. Amaherawhchu, suspense account awmna zawng zawng ah hian a awm ka tihna chu a ni lova, khatiang ang chance awm theihna thil a nih avang hian eng eng emaw bik, loh theih loh atan chuanin tlem azawng han dah te chu awm ka ti a. Amaherawhchu, heng hi chu loh theih loh a ni e, an ti a nih chuan thu dang nise. A la tam deuh mange kan ti a.

Tin, hei a lehlama lawmawm kan tih chu Construction of Repair and Road District & Rural tih ah khanin plan-ah 350 lakh leh Non-plan-ah 365 lakhs, a vaiin 715 an rawn dah a. Engzat nge min : thlen theih ang aw kan ti a, amaherawhchu, a lawmawmna chhan chu Bial lam hawiin han sawi ve ta zawk ila, hei serkhan - Bukpui hi hriat tawh ang khan BRTF in PWD-ah naya khat pawh nei lovin hian lo thei lovin an awm a, tunah a chhe em em maia tih ngaihna awm lo khawpin a chhia a ni a. Kawnpui - Hortoki chungchang te khu a chhe hneh hle a, khung ang atan te khuan helai ah hian pawisa a awm ngei ang tih kan beisei a. Chutah chuan kan lawm deuh ngawt a, awm turah ka beisei tlat avangin.

Le, hemi building chungchang ah hian a bikin Education Higher leh School lam pang te M/E School chungchangah te, R.D-ah te, Medical te. Heng a bika department lian deuh ah hi chuan (Major Department ah hi chuan) E.E. hi dah ngei nise a tha in ka hria a. Pu Spekaer, a chhan chu hemi Department ho reng reng han titi pui hian pawisa an ruahman ang dah hi a tling lo deuh fova. Professional charges an ti nge ? khatiang ang vel a han tih ah hianin a mawi lo lampang nilo sela, mantawng lam nge ni ? engnge ni ? khatiang ang ah hianin a tlem deuh zawk angin a lang a, chumi avang chuan a post creation hi create a tul a nih chuan ti sela. Tin, chumi chu create a harsa anih chuan, create a harsa kan ti a nih pawhin PWD post-a kha hawn phei hrih mai sela, chutiang te pawh chuan a tih theih mai lawm ni kan ti deuhva. Helai hi chu kan Minister zahawm tak khan ngun deuhvin min ngaihtuah sak thei sela ka duh a ni. Chumi anih loh chuan helamah hianin hna a chak thei lova, department-in keini kan ni tawh lo an ti si a, an mangang tawh a, a lehlamah department hran kha an va in control thei si lova, an hnuaia awm ho angah hian chuanin hma an sawn tlat a ni.

Tin, chulovah R.D. te a bikin, nichinah khan member pakhatin a rawn sawi tawh a. Kawng an han lai a, Mizopa hisap takin an han ti phawt mai a, mahse PWD department-ah te pek duh a lo nihin a hranpa a kawng han zawn leh a, pawisa tam tak senso a ngai leh te a ni a. Sang tam tak bona ram a ni tih ang deuh khan nuaih tam tak bona ramah kan siam thin a lo ni a. Heng ang te a bo theihna atan hian heng hi a bikin, R.D.-ah

te hlei hlei hian tul niin kan hria a, Medical leh Education lamah te. Tin, a dang te pawh a tul angin khang kha E.E. post hi chu tin ngei ngei tulah kan ngai a, a thenah chuan a len deuh chuan S.E. pawh kan dah mai tur a ni lawm ni kan ti deuh a ni. Kha kha kan Minister zahawm takin min lo hriatpui sela tih kha kan sawi duh a.

Nichinah zawhna hunah Khan kan zawt a, kan sawi thuak a, ka bial hi National High Way 54 hian a paltlang ruhi ringawt a. Serkhan - Bagha road ten engemaw chen a paltlang pheii a. Amaherawhchu, Ratu leh Suangpuillawn bialtu ten an rawn sawi chhuah khi Ngopa lampang thleng khianin a vang zawnga kawng kan laih loh hi chuan security & administrative purpose atan hian kan buai fo ang. Tlangdunga hetia kal kal ai kha chuan Kolasib lampang atanga han tih chhoh te, Champhai lam atang te-a han tiha awlsam deuhna, ruahman thlak deuh te pawh a tul a ni tih kha kan sawiin kan ngen duh a. Kan Minister zahawm tak khan khulalah Serlui 'B' a khuah dawn avangin a chim dawn a tih a kha a chim tur a kha chu Pu Speaker, a engachin pawh kha chu lo chim pawh ni sela, leihlawn leh tlem a zawng kha a ni mai anga. Builum atanga N. Hlimer khi chu Km 9/10 vel lek a ni, a aia thui zawk laih zawh tawh a nih avangin, khang kha ngun taka min ngaihtuah sak kan ngen a ni.

Tin, co-operation-ah hian gas-ah hian a bikin problem ka nei a, ka bialah Kawngpui ah khuan tun hnaiah supply department lampangin a order an han siamah chuan anni hi essential commodities lam man te fix tu an ni a. Chu chu tun hnai ni 31 an han fix ah khan (March thla-ah khan) kawngpui ah khuan Aizawl atanga han pek let leh a ni a, gas cylinder bur 1 hi Rs.242/- a ni dawrh mai a. Hei hi a na hle mai a, tukin khan V.C. President pawhin min rawn phone a, Mualvum police lam atangin, hemi hi a aian a tih tlem theih in in ka hria a ni Pu Speaker. A chhan chu hemi Aizawl kal tlanga Aizawl piah lama kal te hi chuaman a tam a awm a, khati laiah K.m. ah chuti zat an tih ang khen. Chu chu a lo nih pawhin ka la hre thiam a, kawngpui khu chu engti kawng pawhin Silchar atanga rawn lak a nih avangin a paltlang a ni a. Khutah khuan unload mai theih a ni. tin, a hranpa in hetiang gas han dahna a storage facility pawh a ngai lo. Aizawl khawpui ah pawh an han ti na a, hetah truck.ah an unload a, chutah chuan kan la mai a ni.

Gichuan motor a lo kal chho anga, a phurtu a kha an hre vek dawn a. Helai ah hi chuan mimal ina tuna pek anih avangin harsatna awm bikin ka ring chuang lova. Chu chu min tihsak ngei turin kan ngen a ni. Mimal ina tuna Rs.242/- an tih hi Thingdawl ah te, Kolasib atanga an pek chhoh a ni a, Rs.217/- in an la thei a. Thingdawl atangin a hla silova. Chuvang chuan hetiang lutuk lo hian a tih theihin ka hre tlat a, Pu Speaker, chuvang chuan Silchar lam atanga lo kal hi khuta unload a lo pek mai hi kan ngen a ni.

....68/-

Tin, chulo lelah chuan a bikin khu a kawngpui bik chungchang hrim hrimah chuan hemi Civil Sub-Center tur te a lo ni a, SDO (civil) te pawh nakinah kan hotu ten an la rawn dah chho ngeiin ka ring a. Khutah khuan mihring pawh an tam a, la ringawt pawh sang chuang a ni a, a chhehvel ami te bakah tuna mi pakhat distributor dah a khu a tlangpui thu ah private hi an to deuh a. Mizofed hianin extension nei ve sela tiin kan ngen duh a. Chuvang chuan in a tul anih chuan kan Minister ten oil company lampang IOC lamah te emaw thuneitu lamah min thlen sak sela. Chutah chuan Mizofed in ti bawk sela, Healthy competition a awm thei deuh anga tih kha kan ti deuh bawk a ni.

Tin, chubakah chuan hei co-operation ah khan kan bank te, Apex Bank kan tih ang te MUCO lam te abik taka Mizoram chung chang bik an nih avang hian heng lama pawisa han dah leh hman tangkai dan hi anmahni administration lamah eng eng emaw fel lo te a awm anih pawhin, engemaw removate dan administrative removation kan ti dawn nge ? enge ni ? khalam pang te pawh kha en nisela a tha awm mange. Chutiang chuan heng lamah hian hman tangkai dan nei ta deuh ila tun ai hian an hlawh thei deuh mahna. Tichuan hmun dang dang atanga loan te pawh kha pek ve theih dan te pawh a awm thei anga tih te kan ngaihtuah deuhva. Tin, a thu hrim reng rengah, hei a tlangpuiah Pu Speaker, Department ho reng reng hi ennawn deuh chu a ngai a ni. Tun hma a kalphung pangngai ang ringawt kha chuanin fel lo deuh eng eng emaw a awm niin a lang tlat a ni. Chuvang chuan kang kha ennawn ngai ka ti a.

Tin, Exise chungchangah pawin khan chutiang bawk chu a ni. Zuk leh hmuam chungchang insum lohna avangin harsatna kan tawk ve tih pawh kei pawhin chiang hle in ka hria a.

Tin, Social Welfare Department demand No.33-na kha ka'n sawi leh duh zawr zawr chu Locally available food chungchangah khan lei ngei ni sela tih kha ka'n sawi duh a. Tin, a dahna a tha tawk lo a nih chuan khami a dah that lawkna tur eng emaw medicine lampang te a awm em ka hre lo a, khatiing kha a ti tu ten ngaihtuah sela. Tin, anmahni hrim hrimah hian R.R chungchang te hi an nei chhe lutuk a, Social Welfare Department hi a chhe hrim hrim a, isolated post lah an tam lutuk a, chuvang chuan heng pawh hi siam that ngai in ka hria a. Pu Speaker, programme officer ten R.R an nei lova, ICDS in an nei bawk hek lo a, CDPO District te, Directorate te, Divisional Lunglei, Chhintuipui District te pawh hian an nei bawk lo a. Chuvang chuanin an hlawah pawh an buai a, a control tu tur leh a controled officer a te hlawh in anga an awm te hi chinfel ran chu a tha mange ka ti a. Kan Minister zahawm tak pawhin min lo note sak se ka duh a ni. Chumi avang chuan heng hi en that tlak ngai ngei niin ka hria a.

Tin, a bikin Nutrition bikah khan sorkar haipui norms-ah chuan kum khatah hian ni zathum a ni tur a ni a, khatah khan Mizoram ah za sawm-ruk chauh kan ti thei a, heng te pawh hi a tih dan kawng, a tih pun dan kawng a awm thei lawm ni ? tih ka'n sawi duh a ni.

Tin, Lunglei lamah sawn District Social Welfare Officer te dah thar a ni tawh a, kan sorkar hnu-ah Pu Speaker, tin, tunah sawn a bikin project Director DRDA lamin helam pang hi an la in-charge avangin sawngte pawh saw inhlang chhawng vat sela, kalphung fel zawk te leh tukin lam te pawha eng emaw tal hmuh awm tak se tih ang chi te pawh kha sawi palh tel te pawh a awm mahna. Chuvangin fel zawka a kal theih nan Department officer-ah khan hlan nise, chu chu kan Minister zahawm in chhinchhiah sak se tih ka duh bawka.

Tin, ka bial chhungah khuan Sethawn-ah De-addiction Centre kan C.M zahawm tak, kan House Leader ni bawka ina a thahnem ngaihna avangin tun hma khan hma a la a, chumi avangin Centre duhawm tak sak a ni a. Amaherawhchu, Administration te ang pawh khu kan Social Welfare Minister zahawm takin min lo chhinchhiah sak se ka duh bawka. A chhan chu khuti laiah khuan eng eng emaw, Department hrang entirnan- Medical Doctor te an lo awm a, Social Welfare lampang ami te controlling officer, Director tih te khang inkarah khan eng emaw neuh neuh a awm a. Tin, a bik ta ka sawi duh chu, khulaia thawkin supply lampang thil te an chang a, Department mi ni siin, khu khu a fel lo. Chuvangin ennawn ni sela, a tul a nih chuan sawn pawh sawn chhuah ni sela tih kha ka'n sawi tel duh a ni. Chuvang chuan thil tak tak kan ti dawn a ni a, tunah kan member te pawhin thahnem ngai takin an sawi a, addiction centre ah te, an lo tlak luh ah si chuan theih tawpa kan tan, a bikin tun ang hunah Pathianin malsawmna min pek, House member zahawm tak tak te, zuk leh hmuam pawh a fihlim te, a tlangpui kan ni deuh vek a. Hetiang ang hun remchang hi kan nei leh zen zen ka ring lova, party feeling pawh awm lovin hengah chuan tih tak zeta kan tan tlan a ngai a ni.

I veilama thu, member zahawm tak tak te, an thahnem ngaihna nen, keini i dinglama thu te thahnem ngaihna nen a kan tih chuan engah nge Meizuk khapna leh heng kan Social Evils lamah te hian kan hlawhtlin loh ang le, tih hi ka ngaihdan a ni a. Chuvang chuan, thahnem ngai taka kan tan tlan chuan engah nge kan hlawhtlin loh ang le, Zu khap te pawh hi Pu Speaker, ka lawm e.

PU K.T. ROKHAW

: Pu Speaker, a hmasa in co-operation department han sawi ka duh a, co-operation department hi Registrar hi IAS post a ni a.

Tah hian ka hmuh ve dan ah chuan IAS anih avang hian Registrar hi an in thlak thin a, IAS lo kal thar, sorkar in a duh duh a post mai a. Khami Registrar ni mek hmalak lai kha a

.....70/-

a then chu chhonzawm loh a ni thin a. Co-operation Registrar hi a department officer lo ni zawk ta sela, hma an sawn zawk rinna ka nei tlat a ni. A pahnihna ah chuan district tin hi Assistant Registrar dah an ni a. Hei hi a status pawh hihlen a tha in ka hria a. Tunah chuan Deputy Registrar hi dah ni tawh sela, District tin co-operation department pawh kha a lian zawk anga, an hmalak pawh a zau zawk thei dawn a, A pathumna ah chuan kumtin grant leh subsidy hi kan hmu ziah a, thingtlang lamah pawh, mahse, tun kum 2 atang hian subsidy leh grand hi kan hmu thei ta lo reng reng a ni. Hei hi engnge a chhan niang aw ka ti a, a dik tak chuan kan Budget size te han en hian a pangngai a la ni tho si a, hmu tur awm tak kan ni si a, eng nge kan hmuh loh chhan hi kan Minister pawhin a nakinah min hrilh chian a pawimawh khawpin ka hria.

Tin, 4-na ah chuan Apex Bank hi ka ngai pawimawh a chhan chu Mizoram State in Bank anga kan neih kan ta a ni a, hetah hian sorkar department tin hian pawisa kan neih chhun hi Apex Bank a dah tur kan nih lain Bank dangah hian pawisa neih reng reng hi kan dah tlang-pui a ni, Apex Bank ah kan dah duh tlat lo a ni. Hei hi Apex Bank kan dinna chhan a awm in ka hre lova, chuvangin tun chinah chuan sorkar department te hian kan pawisa neih chhun hi chu kan Bank Apex Bank ah ngei hian dah ila a tha in ka hria. Tin, 5-na ah chuan Apex Bank hi kan neih chhun a ni a, a building pawh an nei lova, a building hi sak ngei chi niin ka hria, kan sorkar hian ngai pawimawh sela a lawmawm hle ang.

Tin, Social Welfare hi han sawi ve ila, a plan-ah chuan 40 lakhs a ni a, a lawmawm lain MLA thil thlawn pek Social Welfare atanga kan dawn ve theih chhun a ni a. Chuvangin a plan hi 50 lakhs tal a pek theih lo maw ka ti a. Voluntary Organization te V/C te kan bial ami te thil pawimawh kan pek ve theih ang chi anih avangin hei hi min lo ngaih pawimawh sak sela a tha in ka hria. Social Welfare hi Joint Director post a hma pawh khan create tur a tih a ni reng thin a, mahse tun thleng hian create a ni lova, Joint Director post hi pakhat chauh a awma, pakhat pek belh tur tih a ni a, tun thleng a create ni lo hi create ni tawh se, tichuan social welfare pawh hi kan hmalakna ah kan chak zawk ngai ka beisei.

Tin, a pathumna ah chuan Excise hi kei chuan Total Prohibition hi kan hlawhchham thak in ka hria a. Hemi House-a kan hlawhchham a ni tih kan sawi a, kan hlawhtling a ni tih sawi mahila Mizo mipuiin a hlawhchham zia chu kan hre chiang zawkin ka hria. Chuvang in ka han chhut thin a, zu khap anih avanga drugs a hluar anga ngaih te hi a dik lo a ni tih te mithenkhat in an sawi a. Zu khap anih avanga drugs a hluar zia hi chu a hre chiang tu ka ni ve in ka hria. Zu kan khap a, a man a to si a, Silchar a Rs.80/- man kha Rs.400/- hetah hian a lo ni a, an lei thei tawh bawk silova, chumi aia man tlawm zawk Proxyvon te mum khat Rs.5/- in an lei a, an ei mai a ni. Chuvangin thalai ah pawh hian drugs a hluar em em a ni.

.....71/-

Tin, a dan tlangpuiin, Zu factory neitute hi mirethei an ni lo reng reng. Heng laiah te kan sawi a, Burma lam atanga lo kal kan unaute an ni tlangpui kan ti a, an ni lo reng reng. Zu factory nei reng reng te hi mi hausa an ni. Mihausa an ni a, an hlawhfa chhawr te zu factory te an enkawl tir a, Excise leh police in an man thin hi an hlawhfa chhawr ho an ni, a factory neitute an ni lo. Chuvangin, hei hi kan sorkar pawhin kan hre Chiang agei in ka hrda. Silchar lam atanga a sen chi hi an lo tawlh ru thin a ni tih kan hriat a thain ka hria a. Lo tawlh rutu te pawh hi mi hausa tho an ni, fiamthu in an sawi thin a, fiamthu nisi thu tak ni bawk si chu Vairengce check gate-a police ho inhremna na ber chu duty tur, duty lo a in siam hi a ni. Chu chu engnge a chhan tih chuan Zu lo phurho an lo man tur pawisa an chawitir atanga hlawkna tel lova an awm kha a ni mai. Chuvangin hei hi kan sorkar pawh hian kan ngaihtuah chian viau a ngaiin ka hria. Kan sorkar hian Total Prohibition hi tihhlawhtlin tak tak a tum a nih chuan hemi Excise-a kan pawisa dahte hian engtinge ni Mizorama Zu rem tura siamna tur chuan pawisa hi a beitham lutuk, a ngaihna a awm lo reng reng. Chuvangin pawisa tam tawk kan dah a ngai, a main power kan tih chak a ngai.

Tin, a facility & equipment leh engkimah kan pek tam a ngai, chutiang anih loh chuan kan hlawhtling dawn lo reng reng a ni. Kan hlawhchham dawn. Tin, vawiih Total Prohibition hi engvanga ti nge kan nih ? engvanga hmang nge kan nih ? kan tihna chhan chu kan Kohhrante pawh hian Court-ina Zu in zu zuar mana thiam loh a chantir te hi Kohhran pawh hian a phuar ve ngam tur a ni. Chutiang anih loh chuanin kan hlawhtling dawn lo. Hlawhtling lo tih hre ngawih ngawih a hmalak chu kan ram tan a sawt lo a ni.

Pu Speaker, PWD tlem te kan sawi leh ange. Hei PWD hi a bik takin a dang kan sawi hman tawh dawn lova, World Bank atanga pawisa kan dawn tur hi a dik tak chuan Congress hun laia kan lo dil tawh hmuh tur kan hmuh nghal tak lohva, MNF Ministry-in a hmu dawn ta a. Chuvangin hetah hian Saiha, Chhwarhrang, Tuipang leh Kawlchaw to Phura kha kan Minister-in khawngaih takin min lo ngaih pawimawh sak sela. Tin, chumi chauh pawh nilovin Mawhne leh Chappui hi nikuma kan Minister kan ngiatna ang in Work Schedule-ah min dah sak a. Kilometer thum chauh min dah sak a. Tunah hian Kilometer 7 ang vel a la awm a. Tun tum chu min zawh sak hram rawh se, tih ka lo ngen duh bawk a. Tin, Zawngling leh Tuipang inkar hi 'black top' tih tur a ni a, hma an la tawh a, Km khat vel chu. Hei hi kum in ah engpawhnise, min chhunzawm sak hram rawh se tih ka lo ngen duh a. Tin, a tawpna ah chuan Pu Speaker, PWD Bill hi lak a harsa lutuk contractor te tan, nichina an lo sawi tawh ang khan department dangah chuan Bill lak a har lo reng reng, PWD ah chuan thla hnih thla thum, a then phe chu kum hnih kum thum an nghak a ni. Hei hi kan Minister hian lo enchian sak sela, hei hi chu department dang angin Bill lak hi harsa tawh lo turin min siam sak rawh se. Pu Speaker, ka lawm e.

PU Z.H.ROPUIA : Pu Speaker, hun min pek theih avangin i hnenah lawmthu ka sawi a ni e. Hei kan demand number 54-na PWD chungchawng a kha tlem ka'n sawi duh hmasa a. Hei, kan ngaithla nual a, hmanmi-ah te pawh kan ngaithla a. Helaiia i veilama thu, Pu Speaker, kan member zahawm tak khan a bial chhunga PWD hmalakna ropui zia leh hmasawn zia te a sawi a, lawmawm hle in ka hria a. Tah-khan Engineer lam pawh anih awm loh hi Minister a changtu a zir anih dawn hi te kha an ti hial a, amaherawhchu, vawin ni ah khan an sawi pawr leh ang reng bawk si a. Tin, kan Opposition hotupa khan an sawi pawrin, heta khawchhungah hma an han la a, a pharisai deuh lo maw ? te kha an ti a. An thu leh hla kha, khawi zawk nge rin tur ka hre chiah lova, amaherawhchu, ka thlir ve dan kawng a tang chuan (tu sawi maw dik zawk ? Aw, a lawmawm e.) keima thlir ve dan a hi sawilan a tha in ka hria a, a lawmawm hle in ka hria a. Kum engemawzat a lo kal tawh a, PWD hi tlemin miina rinna an nghah lohna chin te a awm thin a. Hei Central sorkar a tang pawhin an ring hle tawh a, tunah National Highway te pawh enkawl tura an rawn pek tawp takah hian an chhuanawm zia a rawn hailangin ka hria. Helaiia i veilama thu te sawitu tam tak khan thil an hre Chiang lo niin ka hria a. Pioneer hovin an enkawl hleih-theih tawh loh PWD ina an lak tak te tam tak BRTF tih theih tawh loh te a awm a. Sum awm lo chungin Tlabung Road te pawh loh theih lohna avangin an han la chhova, Work Schedule a awm lo pawh a tul em avangin engtin tin emaw hma an la chhovin thil an ti chhova, a lawmawm hle in ka hria. Mahse, kan hriat chian atana tha chu semrual deuh hlek dan development hi a tha in ka hre thin a. Tichuan, Aizawl Road North leh South ah hian Nuai 800 dawn a awm lain Lunglei Town Road atana te Nuai 50 emaw a lo awm a. Tunkum a tang chuan kan semrual deuh tur ah ka ngai a. Saiha lam pawh Lunglei lam ai chuan kan duhsak mah mah nachungin tih tur a la tam hle in ka hria a. Chumi rual chuan BRTF area ah hian PWD hian hmalakna tur tam tak an nei ve a, BRTF hi anmahni mum mum hian an mum deuh hlek a. Amaherawhchu, hei khawchhung town road, satellite towns and villages ah te BRTF ten hma an lak ve meuh loh avang hian henglaiah te PWD in-a hma a lak loh na lai si khatiang khawpui siam ngai Black top leh improvement ngai tam takah hian hma la uar ve ni se, chutilochuan an dawng lutuk deuh thin in ka hria a, ka bial chhungah pawh.

S P E A K E R : Longawi lawk la, Dar 4:00 a
n a. Hei kan hun a tawp a,
vawin kan Business hi kan
zo law law dawn lawm ni ?

Chawlh kha dar 5:00-ah kan lo ti deuh mai a, tichuan
sawi tlang zel mai se.

PU Z.H.ROFUIA : Pu Speaker, ka lawm e. Ti-
chuan, Town Road-ah te, hemi
thingtlang hnenah hian pawis-
sa awm tawh ang ang te tunah

khan sanction theihlohin a han awm leh ta a, pawika ti
a, an haihchham lutuk deuh dawnin ka hria a, ka bial
South Vanlaphai-a black top tur leh Zobawk ami tur ang te
cut a lo ni nual kha pawika ti a.

Tin, chubakah Inland Water
Transport head-a pawisa neih thin a hi tangkai deuh
a hman a tulin ka hre tlat a. Kan Hmandan kawng a hi, a
head-ah hian kan nei ve reng thin si a, luidung tam tak
a awm a, hengte hi road construction a kilometre hnih/
thum laihna tur leh hemi kan laih zawhna tur angah hian
luidung kilometre 30/40 a hi kan siam tha in ka hria a.
Chuvang chuan sum tlem zawk a tangkai tak a hman theih-
na tur niin ka hria a. Tin, ka bialchhunga Kolodyne,
luidung a pawh hi pawisa engemaw zat dah hian thui tak
Kawlchaw thleng hian suar chhe zual lam chhut thlak hian
lawng a thil thiar leh mipui tana tangkai tak a siam
theih tur a tih thei niin ka hria a, chu chu kan sawi
lang duh bawk a.

Tin, Mechanical Wing-ah hian
uluk zawk a hma kan lak a ngai dawnin ka hria. JCB te,
Dozer te pawh auction tur awm tak tak te kan dah tawih
deuh em ni chu aw ka ti a. Hmanniah Store, Workshop vel
lai ka han fang vek a. Tah chuanin hmanlai atanga an lo
tih lo auction tur tawhna mai tur awm tam tak Motor ka
han hmu a, pawika ti a. Hei hi a rang lam a dispose zel
a, a mze neia kan chhuah chhoka thain ka hria a. Tin,
Mechanise tam theih ang ber kha tha ka ti a. Mahse, kan
khawl hman a hlui deuh tawh chuan auction hi tirang zawk
ula, a thar a thlak dan hi dap rang thin la, kan hmalak
hi a chak ka ring a.

Tin, Demand No. 42-ah Co-ope-
ration chungchangah khan, Co-operative movement hi tun
aia uar a kalpui a, mipui te pawh kan zirtir a ngai dawn-
in ka hria. Privatisation te kan ti a, ramdang thlenga
hawalpha a hmasawna tur kan neih anih chuan Cooperative
movement hi kan uar a ngai a ni. Tin, thing leh mau kin
phal loh kan han ti a, Forest lamah strick viau ila, a
helin em ni buhfai hi kan bar hawng hawng ang tih mai
tur anih leh bawk si a. Chuvangin Cooperative Department,
MIZOFED hruaia hma a lakna pawh hi chak zawk a kalpui a
tha in, hei aia ngaih pawimawh leh hmalak a tulin ka hria a.

....74/-

Tin, Total Prohibition chungchang khan State Excise Demand No. 7-na kha kan han sawi nual a. Hei hi ngaihtuah tlan a thain ka hria. Opposition kan ni emaw, Ruling kan ni emaw zawnga in chihtheh lovin, kan thalai nun, kan fate, kan naute, kan u leh naute nun chhe chho zel hi kan zavaia ngaihtuahna kan hman tlan a tulin ka hria a. Kan ngaihtuah dan te a lo in ang lova, Pu Speaker, i vei lama thu tam tak khan, anni vek chuang lova. Total Prohibition hi a hlawththam der a ni ahan tih rual khan, a hlawhtling thawkhat hle a. A hlawhtlin avang chuan kan duhlo zawk-ah khan kan thalai te, thangthar te kha drugs lamah an tlan a, chu chuan harsatna Tak chungkua-ah min lo siamin leh khawtlang leh ram ang pawhin kan tuar a. Chu rilru avang chuan mipui ngaihdan leh intellectual hrang hrang ngaihdanah hian he Total Prohibition hi hlih mai ni zawk se, heng thalai nun suat leh ei chhetu leh natna hlauhawm tam tak nena in kaihnawih thei thil Drugs lama kan thalaite an tlan a hi a reh mahna tih an sawiin ka hria. Chuvang chuan kan ngaihtuahna kan hman tlan a, fim taka, pawl sawi lova, Kohran pawhin kan ngaihtuah tlan a thain ka hria. A siam that dan tur chu eng hi nge? Engtia hmalak tur nge tih hi helai Total Prohibition chungchangah hian a thatdan tur hi ngaihtuah ho Department-ho pawhin mi rawn sau leh pawl ang pawh a leh, eng pawl pawh nise, a political party ang pawh a kan sawi hova, siamthat dan kawng kan dap hi a tul in ka hria.

Tin, Pu Speaker, hei Nutrition chungchang-ah Social Welfare-ah hian Nutrition lampang khawih tute vawk hi an thau duh khawp a. Uluk zawka, kan ngaihtuah hi a tul tlatin ka hria. Vawk an vulh thau thei riau zel mai a, hei a dahna hmun tur tha tak uluk taka ngaihtuah tum chuan a kawng a awm a ni. Awmze nei taka he Policy, mi-rethei zawkte naupang te tana hriselna tha leh ei tur tha an lo neih ve theihna tura hmalakna leh ruahmanna Sorkarin a neih hi a kawng a bo fo niin ka hria. Hei hi chu Department lamin uluk deuha in lo enfel a, awmze neia hma, miretheite tana kan lak chhoh ka duhin ka ngen a ni. Ka lawm e.

PU LALHMINGTHANGA : Pu Speaker, hei kan Demand vawin a kan sawi hi a pawimawh khawp mai a. Kan detail discussion hi kei thathe lohna lai riau ka nei thin a. Tuna awm thar lutuk pawh a ni lova, kan Financial management thatloh avang hian Member te hian kum engemaw kalta kum 3 kum 4 kalta atang khan kan han sawi hian plan lampang ringawt kan sawi a, non-plan-a kan receipt side te han en hian, kan khawp lohna han en hian kan plan figure atang hian kumtin hian tun kum kallai mek ralta chiah-ah te pawh khan za zel cheng sawmhnih pali dawn lai kha plan figure ami hi non-plan-ah lak phei a ngai leh tlat thin a, tichuan tuna kan Budget pawh hi a thalo em mai, adjournment motion hial min pe teh khai kan

tihna chhan pawh kha helai thu tak hi a ni tlat a. Hei FWD hi kan en chuan Demand No. 54-na pheik 499-na-ah khan han en ta ila, a plan lama kha chu tikhan a rawn in tarlang a, non-plan hi kan han en chuan tunah pawh kan non-plan hianin an requirement tuna non-plan-a kan expenditure requirement tura hi nuai hlir a chheh, chheh 824.12 in a daih lo sa ringawt mai a. Kha kha kum laklawh lain hlawn pek tur a awm dawn tawh lo. Chuvang chuanin i plan-sector ami kha rawn surrender rawh u, tih kha a rawn kal leh dawn ta a, tunah hian kan duhthu han sam chham mah ila, awmze neilo anihna lai kha a awm leh tlat thin a ni. Chumia a result taka chu kan plan lam ami hi a project eng-emaw zat works ami te phei chu surrender a lo ngai a, surrender lo a a kal pawh khan a hna a kha Contractor-in a thawh pawhin Treasury-ah bill pass thei lovin kum tawp ah pawh a awm thin a. Chu chuanin tawrhna hlir-ah a lut tlat thin a, siamthat a ngaihna lai em em a ni a. Kan Sorkar an din hlina kan Chief Minister zahawm tak leh kan Home Minister ten, 1999 January-ah Central-ah kan hotute an zuk dawr a, Zero Budgetting an rawn sawi kha ka ring em em a, beiseina sang tak ka nei a. Amaherawhchu, vawiini thleng hian kan received side hi kan en kan en thin a. Hemi kan Annual Financial Statement-ah hian Prime Minister in a Statement a pek tawh leh Peace Bonus-ah Non-plan ah cheng vaibelchhe 180/- te chiang taka a sawi tawh hnu ah pawh, kan Governor-in a sawi tawh hnu-ah pawh, kan Chief Minister in a sawi nawn leh hnuah pawh dahluh ngam hi a nih tlat loh avang hian, Department hrang hrang non-plan position hi han en ilangin a diklo khawlo zo vek a ni. Kan Annual Financial Statement-ah hian received side, Revenue-ah khan a lang ta miah lova, a rawn hnawhkhattu tur a hi, Capital lamah lang a awm chuang baw si lova. Chuvang chuan kan Budget hi a mumal lo tlat a. Hei hi discuss a hrehawm em em na lai leh, keini member te tan pawh duhthusam han sawi dawn pawh a, rinhlelhawm hlir a a kha na kha paw ka ti a.

Tin, FWD-ah pawh, Department zawn zawn-ah pawmah ber a ni tih pawh kan hria a. Mahse, heti chung hian, kum laklawh laiah entirnan, Peace Bonus kha lo kal teh reng pawh niselangin work Department then-khat atang hi chuanin kha indaihlohna kha a project surrender turin emaw, a nih loh leh contractor-in hna a thawh pawh a Financial tawp pawh a Bill pek theihloh tur ang zawnka kal chho turin Financial Control hi in bei leh dawn a ni tih pawh a chiang em em a. Kan hisap thin a, tunah kan in daihlohna ah khan, one time grant atana Peace Bonus atana an rawn recommend crores 82.45 hi rawn pe pawh nise in non-plan-ah kan indaihlohna hi crores 162.92 a la awm ta tho mai a. Chuvangin Department zawn zawn-ah hian kum laklawh lai-ah helamah hian rawn surrender rawh u, ti a Finance atanga tih loh theih lova order a awm sa a ni tih hi a chiang em em mai a. Tin, entirnan, crores 93.50 hi min han peir kan received side-ah hian han ti lut pawh niselangin, tun kum kal ta May, 1 leh nimin piap piap leh a tawp ta, khatilaia kan expenditure kal tawh kha a rawn tum dawn chauh a ni a. A piap lama kan non-plan indaih lohna zawk a kha engtin nge kha kha a rawn kal leh ang ?

.....76/-

tih kha question a ni leh lo thei lova. Chu tak chu kan Budget hi a buai em em na leh, a that loh em em na a ni a. Tahchianhuaisen tak hian kan kal thei lawm maw ni aw ka ti a. Keimahni lamah heng Electric Tariff han tihsan emaw, tui bill tihsan emaw, Land Revenue tihsan emaw anih loh leh House Tax tihsan emaw a, heng hi siam that mai chi a ni lova. Huaisen tak hian work programme heng PWD angah te hi chuanin tun atang law law hian Sector pawimawh lo deuh angah hi chuan plan holiday ang deuh hian kan square-up ngam mai lawm ni? Chuti lova Central lamah a rawn kal dawn tia, hei tum hnih Budget kan buatsaih tawh a, beiseina dik lo in pek a, hetiang anga Financial Management mumal neilo a kal ai hi chuan, detail discussion kan tih lai hian kan Cabinet te pawh, hi thu ta sela. Kan Chief Minister discussion hi kan siam hma hian heng works Department a pawisa tlingkhawm a hi kan Square-up na atan hian rawn earmark ta law law sela. Keimahni lamah Delhi drip khain nun kan tum tawh lo tia mumang anga in kalpui a, hetiang a thiltih hi kan buai hian tawp in tai a nei dawn lova. Kan Opposition Group Leader zahawm tak Pu Zakhu an sawi ang deuh khan tiang ang ringawt a kan kalchho anih chuan kum 5 pawh han ti chho ila, ngai hi kan aw dawn lo reng reng a, kan ram chuan chhiatna nasa tak hi a tawk dawn a ni. Chu chu ngai reng mah ila, Pathian in rem a tih a kan dam chuan chutiang ang zawnga engemaw keimahni lamah revenue mobilise ila han tih hian khami siamtha khawp mobilise tur kha chuan Mizoram a chhungkaw awm zawng zawng 172000 emaw hianin cheng sing tel engemaw fe tax kan chawi ngawt loh chuan a siam tha zo bawk silova. Central lama kan ngenna an rawn chhan hian a siam tha bawk silova, chuvang chuanin Nationalist Sorkar tak tak, ram hmangaihna nen a lo rammu a, chutiang a thatna tur lo ngaihtuah Sorkar kan nei anih chuan huaisen takin bold step la in, Works Department atang hianin sector engage ni a project thenkhat te hi tun detailed discussion kan conclude vek hma a, review leh tur ang hian vaw in ah kan pass, review leh tur angin kan dah thei ang em?

Tichuan kan Zero Budgetting atan tak tak tur hian khati zawng khan keimahni lam pawh hi in hrek ta ila, nakum Budget-ah chuan tha taka kan kal theih tawh a beisei awm tlat a ni. Works Department-ah pawh a lian ber 96.64 crores chuang neitu Department kan sawi avang hian kha idea kha kan sawi a ni a. Chu chu kan Cabinet te hian tha takin min consider thei ang em? Kha kha constructive idea nia kan hriat a ni. Chuti anih loh chuan explanatory memorandum a an forecast hi a dik leh ngei ngeiin ka ring. Entirnan, kan long term loan 93.50 crores Peace Bonus ami pawh hi rawn pe tel tehreng pawh nise, tin 82.45 one time grant hi rawn ti tel tehreng pawh nise kan dam reng chuan nakumah Budget Session kan han nei leh ngei ang a, kan indaih lohna leh Budget Position hi chu a ngai reng dawn tlat a ni. Chuvangin Central ina theih tawk min pek tawh aliamah khan heng kan hmuh tur atang hian huaisen takin a tir atang law law a in square up nghal hi ka rawt duh a ni.

Tin, National Highway 44 leh 105 te hi Central-in minrawn entrust a, alawmawm em em a. Hna kan han kova, Mizorama Tender-ah chuan alian pawl tak a ni a, package nga in an han siam a, a total hian 1435.09 lakhs a ni tih, an address pawh chiangkhuang lo hnena pek vek hi a tha lo mang e aw ka ti a. An address thenkhatah hian Calcutta-16 tiin an invuah a, a thenah Calcutta-I an ti a. Tin, tunlala kan beng thleng hnem em em hi chu Baid Group Commercial Bank te tho kha. Ministry hmasa lamah te pawh helama kan thut tlan laia kan House Leader leh kan thiante tuna Treasury Bench a thu te pawh hian hei hi chu kan ram day life robbery ti thin tu a ni tia kan Chief Minister zahawm tak pawhin a sawi thin tho kha ni hian an sawi tlat mai a. Hei hian ngaih-a titha lova.

Tin, thla 6 chhungahna hi zawh tura tender hi koh a ni a. Tin, a tender notice han en hianin a tender form leh khatiang lei chhuah theih kha Nov., 23, working hour thleng hian lei chhuah theih a ni ang tih a ni a. A thlang maia clause pakhat leh a chuan in No., 23, 1300 hours-ah hianin tender hi hawn a ni ang tih a ni leh a. Kha kha tum a neisa tlatin a hriat a. Central PWD Manual kan zawm a ni tih kan Minister zahawm tak khan he hmuna ngei hian a sawi tawh a. Chuan Central PWD Manual Volume-II a para 15 sub-para 201 a sawinaah chuan 'Tender received atang hian a last date atanga a opening day-ah hian ni 4 chu a lo berah a kar a tla tur a ni tihte a ni a. Chumi chu violate lei ngatin contractor tum bik neite hianin heng-ah hian hna hi kan thlang em ni ? Cheng crore 14 leh 35,90,000 han pekna atan chuan Nationalist hnam neitu Sorkar inti tan chuanin helaliah Mizo tithei tak tak te pawh awm ve tawh a. A hna hi khirkhan pawh a nilova, anihna tak ah chuanin. Entirnan, writing quality improvement tih ang deuh hlek a ni a. Hei hi original thil tak pawh a nilova. Repair thil a ni a. Kan Class-I contractor te pawhin a thawh ve theih ngei kha a ni a. Mahsengin tunhma pawha kan tawng lo hman tawh thin ang khan Mizo zingah thlan laihna a chhuak ve ngailo thlan mual thawhlawm thawh ngailo, khawhar lenpuina atana ralna pawh pe ve ngailo, Missionary tirhchhuahna atana thawhlawm pawh thawhve ngai lo, Jaintia construction Company, a back group Jain Group nia an sawi site hnena hetiang zat han pekthe hi chu Nationalist nungchang nen chuanin a in ang talo deuh a ni lo maw tihte kan zawt mai mai duh a. Tin, hemite address hi chiang deuhin midang pawn kan dawrve theih tur hian he House-ah hian min pe thei ang em ? tihte kah kan zawt duh a ni.

Tin, a dawt leh ah chuan Social Welfare leh Excise hi a pawimawh em em a. Demand No. 7 State Excise leh Social Welfare Demand No. 33-na hi lakhran theih pawh a nilova. Hun a tawi tawh si a, ka point angaih pawimawh lai kan sawi ve leh ringawt mai anga kan thiante pawn an sawi tawh a. Tuna kan ram pawn lam atanga proxyvon leh ruihtheih hmanga Proxyvon leh ruihtheih thil hmanga minrawn runna hi khawvel Indopui-II na, Entirnan, Japan te tan a hlauhawm ang chiah khan tunah chuan he ruihtheih thil hmanga Mizo Hnam timit thei khawpa min runtute hi an

awm a ni tih a chiang a ni. Aizawl khawpuiah hian zep loin han in sawi ta ngat ila, chhungkaw tin, Kohhran Upa chhurg-kua te pawh kan ni ang, a tuate pawh hianin khami victim kawl lo kha kan awm tawh mang lova. Tukin zingah khan Session hi ka rawn tlai dawn hial dawn em ni chu aw ka ti a. Ka bialah chuan O.D. a thi 2 dar 9 a vui ngai an awm a, tahchuan ka kal kha a tul si a, dar 9 ve ve a ni a. Chutiang khawp chuan kan ramah hian alarming position ah kan ding tawh a. Chumi zuk dealtu tak chu, sawi hran theih miah loh chu Social Welfare leh Excise Department hi an ni. Tichuan, hei hi chu kan hnam chhandamna atan Sorkar hian tih tak taka a tih tak zet a tul tak tak a.

Tuna kan Budget provision han en hianin, nichina kan sawi tak ang khan Excise pheih hi chu plan programme hi a awm lo hrim hrim a. Tichuanin tuna a position-ah hianin last year level a phak lohna kha lakh li-in a pha lo a nia. Chuvangin, a rawn kal leh lam tur non-plan-ah hianin a chhe ropui si a. Tin, Bonus zawng zawng pawh lo kal sengin, ka sawi tawh ang khanin Deficit crore 69.42 a la awm tho dawn a ni a. Khatiang anganah lai khanin Excise Department tan hian effective taka hnathawh ngaihna a awm lo reng reng a ni. Ma. Power duh tawkin an nei lova, kan ngaihthlak tak ang khan an quality training tha tawkin an nei lova, anmahni hatsana siamtu an ni mah mah thin a. Tin Silai, leh thil Motor, khang ang te kha an nei tha tawkin lova, chuvang chuanin hei hi review leh tihthat theih a ni lawm ni ?

Tin, Social Welfare lamah ni-sengin khang kan thalai tuna ruih theih thila thih mai hmabak a sang, a sing tel tak tak te hi hetiang ang a tanpui lova, an kal chhoh zel chuanin kan hnam hi kan la mang mai ang tih a hlauhawm a. Chuvangin Social Welfare lam atang hianin, tuna kan sawi tawh ang khan plan-ah tlem a awm a. A non-plan dinhmuh pheih chu a chhe em a, hlawh pawh an in pe kumtluan leh theih dawn lo tihna a ni a.

Heng hi a siamthat theih dan a awm lawm ni tih kha kan sawi duh e. Pu Speaker, ka lawm e.

*Speech not corrected.

PU NIHAR KANTI CHAKMA : Pu Speaker, ka lawm e. First of all I would like to speak about demand No. 54. PWD about Lunglei to Tlabung road, which have been taken by the PWD on 5th January, 2000. The road condition is very bad till now, no proper care is taken for a maintaining this Tlabung - Lunglei road, I hope, if I have mistaken there may be if proper care is not taken immediately there may be major accident during the raining season. Therefore, Pu Speaker, I request the Hon'ble Minister immediately look after for the maintenance and improvement of Lunglei to Tlabung road which is considered the life

....79/-

line for the people of Tlabung and I also request respectable provision should be kept for the improvement and maintainance of Lunglei to Tlabung road on 31 March and reply given by Hon'ble Minister in-charge FWD that 6 persons have been allotted works under Tlabung Sub-Division Tlabung, amounting 2 rupees 7 lakhs 45 thousand 33. At present the work is still in a slow moving, raining will start in month of may so if the work is not completed early before the raining season starts.

The people of Tlabung will face alot of difficulty. In my constituency Lungsen to Chawngte (L) road should be given a priority. The FWD has been working after this road since many years. But still now if is not properly maintain during the rainy season. The Bus cannot fly. Therefore, I request black topping should be done as early as possible. And in regard to the demand No. 42. Pu Speaker, That is Co-Operation Department which is consider the most important Department I would like to speak about my constituency. Tlabung Sub-Division is comprises many Villages around the people living within the Tlabung area financially not sound and we cannot afford or we cannot run any business because of assess poverty. So, I suggest that for posting of Registrar of Service Co-Operative Society to faci ated the the people. The Mizo which falls under the Co-operation Department runs its business for retailing essential commodities like Edible oil, L.P.G. POL, and I request, since there is no Petrol Pump at Tlabung POL outlet should be established at Tlabung.

And then comes to the Demand No. 7 that is Excise Department. Many Members both from the ruling and opposition had spoken regarding the total prohibition Pu Speaker, here I like to mention in the total prohibition is nearly at a failure. Therefore, for the proper implementation of total prohibition sericus thought should be given. Even in my constituency Tlabung local made liquor is fairly available and therefore Excise outpost if possible should be established at Tlabung for proper implementation of the total prohibition. And Demand No.31 Pu Speaker, this is a very important Department which concerns women and child welfare. In my constituency, there many old person which were benefitted and I request that Tlabung should be given priority for giving beneficiary in my constituency, and at the same time child care and women care would be given priority in my constituency since we are living in Tlabung which is most inferior, this this Social Welfare benefit does not reach poverty. Thank you.

PU R. TLANGHMINGTHANGA :
MINISTER

Pu Speaker, ka lawm e. Ka Demand sawina ah Member te thahnem ngai takin an sawi a, mahse, sawi dan ki erawh chu a in ang lem

lova, thenkhatin thil tlem te chhuantham loh kan han ti te, an han sawi a, an recognised a an zahawm hlein ka hria a, kha kha tih zel min phur tirin ka hria a. Theih bak bak pawh han tih kan duh viau lain mahse, kan theih a clem a, thenkhat erawh chu theihtawp kan chhuah a an hmu ve lo nge mawle, tih mai tur khawpin an bial neitu ten kan hna te an recognise lo thung a. FWD angin.

Tin, FWD kha Member ten an sawi deuh vek a. Co-Operation erawh chu an sawi tam vak lova. Engpawh nisela, kan sawi duh chu, Co-operation atang kha han sawi tan ila, Pu Speaker, Co-operation hi kan ram chhungah Co-operative Society kan pianpui emaw kan tih lain, Co-operative Society kan ram a a lo chhuah atang hianin kan thiam vak lo emaw ni aw tih turin a awm a. mite hnena remchanga ka sawive danah pawh Mizo hian Co-operative Society hi kan pianpui a ni e, ka ti thin a. A mal anga awm ai chuan a huhova awm peih mi leh chutiang lam chi chu kan ni a. Tunhma kan hriat theih tirh atang pawhin Mizo Society hi a huhova awm khawma thil ti dial dial thin kan ni a. Mahni a lovat mai lova, ahuhova lovat thin te, lo thlawhna-ah leh lawm neih nikhua-ah pawh lawm ruai thin, a mal a thawh ai chuan thian te nena tiho thin hi nuam kan ti a. Chutiang chuan kan zing ami harsatna lo tawk ate pawh mi harsa te chhawm chhuak a, thil chi hrang hrangah te in chhawmdawl thin hnam kan ni a. Chutiang chuan kan neih leh thawh te tiho thin dial dial kan ni a. Amaherawhchu, tunah hian Society han tih hian, kha Society tak mai a kha tlansan tul ta a, Society dang neih tur ang deuhva inzirtirna kan lo lak dan a dik lo em ni ka ti thin a. Kan Society lo awm tan ni atanga vawin ni thleng han chhut hian Member thenkhat te pawhin an sawi angin hemi Co-Operative Society hi a hlawhtling lo riau a ni tih hi kan sawi dan tlangpui a ni a. Tiang chuan Sorkarin Co-operation Department a rawn siam a, chumi tena min zirtir chhohva hi a dik lo nge ni, an thiamlo nge ni, tih dawn chuan, thiamna leh finna nena zirtir an ni si a. Chutih lai chuan a lo dawngsawngtu lam hian kan lo dawnsawn dan leh kan lo beisei dan hi a diklo a niang tiin ka ngaih-tuah thin a.

Chuvang chuan Society kan han siam a, kan thawhhonaah hian kan thiamlo leh tlat thin a. Thenkhat sawi danah chuan Society-ah chuan thawhlawmte an han thawhkhawm a, chuta a buaipuitu tlem a zawng an nihlawh vaka, a tawp leh mai a, chutianga sawi a ni fo thin a. Amaherawhchu, tunah hian chuan Mizo ina kan zir tura chu, kha Society Mizoram pawn atanga vawina kan hman mek a hi, Society chhia a ni lova. Kan Society neihsa a kha khami ang entawna tur zawka kha kan tihdan phung leh kan rilru putzia te chhawm chhova, a tihdan improvement zawk Sorkar leh a thiam zawk tena min zirtira hi a belh chhahna mai tur zawk a ni e, tiin ka sawi thin a. Amaherawhchu, tunah hian. A dik tak chuan mi ramah leh khawvel zau zawkah te Co-operative Society hi a hlawhtlin em em lain kan ramah chuan duh angin a hlawhtling thei

lova, tunah hian kan in zirtirna leh kan tih dan phung pawh kan danglam chhohva. Kan awmna hmun theuhvah hmasawn tura tan kan lak theuh a tul hlein ka ring. Vawinniah hian he kan Society, Co-operative Society-ah hian sawi dawn ta ila, sawi tur a tam hle. mai a, Co-operative Society hrang hrang, State level Co-operative Society te a awm a, chumi ringawt pawh chu sawi tham fe a tling a. Chungah chuan a lar deuh te leh nitina kan mamawh deuh a lian deuh te an awm a. Apex Bank te kan ti a.

Hei Mizoram ina kan neih tangkai em em, MUCO Bank kan han nei chho bawk a nia. Hengte hi a chang chuan Sorkar lokal tawh te leh la kal zel tur te tan pawh he Bank kan kalpui danah hian party influence nilova, mimal interest nilova kan zavaia kan interest, kan tana tangkai thei tur ang bera thuneihna hman dik a hi Society he Co-operative Apex Bank teng te kan hman thiam a tul hlein ka hria a. Tunhma chuan ka hriat danin Minister te tu tu ten emaw ziah sak pek loh theih siloh Society kha a Board leh a Committee te tan tih loh theih siloh, awm an tih lem nilo te chutiang lo kalpui thin tawh kha a awm avangin helamah hian in sum hram keimah atang pawhin ka tum thin a. Chu chu engemaw chenah harsatna thlen lo niin ka in hria a. Ka lawm viauva. Chutiang ang chuan Member hrang hrangte pawhin kha lam hawi khan he Society hi kan State level Society kan neih zinga pawimawh em em Apex Bank leh MUCO te hi kan chhawm nun a pawimawh a. Nichina Member thenkhatin a an rawn sawi, hemi kan bank a hi Sorkar Department hrang hrang pawhin pawisa in lum let thuai chi leh cash-a kan han handle theih chi te, Sorkar Department anga a remchang leh a thiang kan tih theih chin a hi chu pawisa hi kan Bank hman leh kaltlang hian kan hman tangkai hram hram a pawimawh a ni. Tin, mi ramah te chuan pawisa hi cash in hlawh pawh an la lova, hmun tam takah chutiang chuan an kalpui tawh a. Kan ramah te pawh hian he kan Bank hman hian hlawh te pawh hi lak ni ve tawh sela a tha awm mang e aw, cash a la lova, mahni Bank Account khatanga kalpui kha a tha hlein ka hria a. Chungte pawh chu remchang ang zela kan en chhoh a thain ka ring.

Thingtlang beisei phak loh Gas Cylinder leh extension te pawh kan han siam chho a, chumi chuan mi tam tak beiseina a tipung zel a, a belhchhah zel pawh demand a ti sang zel a. Hei hian thil pahnih kan ei r awngbawlha bakah Forest, Environment lampanga kan thingtuh te pawh engemaw chenah a zuk venghimin a zuk ti tlahniam ang tih kan beisei a. Kha lamah khan kan hmalakna duhthusam nilo mahse, a "MIZOFED ang chuan Mizoram hian rawn ti ve hram rawh u" tiin entirnan, Oil, Petrol Pump te private a lo operate tu te leh Gas lo operate tute, ai chuan MIZOFED hian min ti hram se, min rawn hma hram se tih hi an duhthusam leh an ngenna kan hmuh zel chu a ni.

Tin, ICDF tih to, nichinah khan zawhna thenkhat, engtizia nge Chhimtuipui-ah pawisa kan Society in a lak theih tak loh, tun kum hnih lawk atang khan ? tih te Pu Rokhaw khan, engatinge Chhimtuipui a grant leh financial assistance kan lo hmuh thin a te a theih tak loh ? tih a kha. Hei hi ICDF hnuaia Project a ni a, hei hi kum 4 chhung atan a ni a. Tachuan Aizawl-ah hian Rs. 355.31 lakh, chumi chuan complete tawh a ni a, a kum a ral tawh a. Tin, Chhimtuipui-ah pawh tiang chuan a ral ve leh tawh a. Chuvang chuan tuna kan hmabak la awm meka chu Lunglei District kha tunah hian implement chhoh mek a ni tih kha ka'n sawi duh a. Tin, achievement engnge ni ? ICDF a achievement engnge tih Pu Nirupam Chakma in a hriat theih em ? a tih kha, chung chu a chhanna pakhat-ah chuan ni tase. Achievement-ah chuan Society 185 kha tanpuina pek a ni a. Share capital cheng nuai 255.11. Tin, Chhimtuipui-ah chuan 54 Society hnenah Assistance pek a ni a. Tin share capital leh subsidy pek a ni bawk a ni. Tin, Lunglei District-ah chuan nuai 71 pek an ni tawh a, Society 55 te hnenah ICDF project leh tanpuina kan lo pe tawh a ni. Society hrang hrangte in rawn sawi bak kha sawi dawn ila, a sei lutuk in ka ring a. Co-operative lama kan hmalak zel turah chuan thil tam tak 'Department hi a lo hawlh kim mang e', tih khawp turin Society Zoram chhung ami ngei pawh hian a tawkin hna an thawk a, ranvulh lamte leh labour thlengin tiang khan hna hrang hrang hi kan thawk chhova kan society neih te hmuh tiaah a pawimawh a, an tul anga kan pui theilo erawh hi chu kan hmabak duhthusam nilo mahso, kan hmabak tih tur pawimawh tak niin kan ngai a ni.

Tin PWD lamah hian kan member thil rawn sawi lon te kha a valin kan rawn sawi duh chu unstarred ami a rawn sawi ang khan a rawn sawi chiang bawk a, kha kha thil awmdan hrilhfiyah tulin ka hria. Tin, midang pawhin thil sual tak mai lo awm palh a. Helai hi kan member zahawm takin a lo chik atan, information ka hmuh chi hi a lo hmu lo palh anih pawhin a hnulam-ah pawh in hrilh zel thei turah ngai ila. Helaiyah hian construction of security fencing, Sentry post leh Guard Barak tih te sanction pahnih nei an ni a. A pakhat zawk chu 1998-'99 ah khan Guard Barak, Security fencing leh security post total Rs. 1,28,500/- a ni a, chumi contractor hming chu K.Lawsanga a ni. Tin, construction of security fencing including protection wall at the Residence Pu K.L.Lianchia tih kha Residence han tih khan amah ngeiin a in-chhung nilovin ama compound a lo sahthlak Pi Biakkungi Electric Veng in, amah in a sahthlak anih ah khan a hming lo langsar ta zawk a chu kohnan an hmang ni ngei tur a ni a, contractor kha Pi Biakkungi a ni a, payment pawh an la fel tawh a ni tih ka'n sawi duh a ni.

FU K.L.LIANCHIA

: Pu Speaker, kha kha kei a kut emaw ka hriatna a awm em ?

....83/-

PU R.TLANGHMINGTHANGA : Pu Speaker, A hriat leh hriat
MINISTER loh chu ka hre lo. Hei hi kan
kan hriat chin a ni mai. Pa-
tlingin helaiiah dawt sawi
thian lohna ka sawi vek tawh a, ka hre lova, chutiang
hnuhma pawh a awm lo ka ti zo vek tawh a, A hriat loh
chuan anni hi nangmahnin in hmun ngei pawh ila sahthlak
Pi Biakkungi.... anmahni in

PU K.L.LIANCHIA : Pu Speaker, vanduaithlak takin
Pi Biakkungi hi boral tawh a ni
a, inhmun sahthlak hi chu ka
kawmthlang lamah sum leh pai
min pe vein, kan in leitirin kan in chantir ve a, chu chu
a ni mai a, khami ka compound mi hnen a ka sahthlak avanga
khami fencing chungchang nena sawi zawm chu ka remti hauh
lo a ni, Pu Speaker.

PU R.TLANGHMINGTHANGA : Pu Speaker, : Fayment pawh chu,
MINISTER Pi Biakkungi fapa Zohmingliana'n
a la a ni. Pu Chi'an a la kan
ti lo, tih kha kan sawi duh
a ni. Tin, khalai kha a chiang lo leh engemaw a awm chuan
kan in hrih leh ang a. Helai chhungah chuan avaiin a
chiang theilo mai thei a, khalai kha a dik lo a lo awm a
nih chuan, a dik lo chu kan zawm tlan tur a ni a. Chulai
chu kan sawm nghal duh a.

Tin, Pu Chia sawi bawh kha khi-
mi Laipuitlang Quarter sak chumi chu Department miten con-
tract a ti turin an tih lain Ministerin midang a lo pe
daih a tih kha.

PU K.L.LIANCHIA : Pu Speaker, chu lai chu ka sawi
lo tawp mai, ka sawi ka hre lo
mang e aw.

PU R.TLANGHMINGTHANGA : Pu Speaker, engpawh ni selangin
MINISTER khalai kha ka hriat danin Pu
Lianchia a ni a, ka hriat sual
chuan min lo ngaidam ula. Aw
Pu Zira anih chuan, Pu Chia kha ka lo hre theih a ni e.
Work Order pek chu labour shed sakna tur a ni a. Tah khan
contractor hnenah an pe a, contractor tender an kova, an
pek a ni. Kan hotute hian information in lo lak a hetia in
sawi chhuah meuh tawh hi chu thudik turah ka lo ngai deuh
a. Amaherawhchu, in thahnem ngaihna avang nge ni, ka hre
lo. Engpawh nise, a dik hian kal ila, a tha hlein ka hria a.

Tin, Pu Zira sawi bawk kha, Armed Veng 'N' resurfacing amah pawn mi rawn phone a, khalai thil kha House a sawi chhuah turah pawh ka ngai chuang lova, amaherawhchu, a thahnem ngaihna avangin a rawn sawi chhuak a, kha kha ka react nghal a, kan mite hnenah a work scheduled-ah a thleng emaw thleng lo emaw, work schedule- in a cover emaw cover lo emaw lo kalpui ula, hei thal chhung anih laiah hian lo chhunzawm zel rawh u", tiin ka hrilh a. Amaherawhchu, khalai kha tui huh leh engemawte awm deuh hrih avangin leh, tin, programme programme schedule, work schedule a awm si a kha han zawh phawt a, schedule lo ami kha chu kan dinhmun leh hunin min la phal chuan chutianga tih chu thain kan hria a. Chuti lova work schedule lova mi kan tih zel chuan a tha lovang e kan ti a, chu chu anih leh remchang hmasa berah khua a la that phawt chuan work schedule a kan ba te kan tih zawhah hian tih chhunzawm nghal ni rawhse, tiin kan ti a, kha kha chu kan hmalak turah kan ngai a ni. Tin, Pu Lalchungnunga West-I bialtu zahawm tak khan a ngaih pawimawh em em, nge ni ka hre lova. Amaherawhchu, information a ka'n hrilh duh chu, a bial chhungah khuan hma kan la a. Khumi State Bank to Dintar road khu, hman tuk pawh ka zuk kal a. Kan MLA leh kan Minister Pu Rinchhana leh Pu H.Rammawi te nen, khulai hmunah khuan kut kan thlak nasa hle mai a. Pawisa in a daih lo chungin, tihzel phawt mai nise, kan ti a. Non-lapsabel Pool kan hmuh chhah turah pawh mipuiin min cho nasa bawk a. Thawhlawm te thawhin hnatlang, zingah leh nileng, zanah te pawh hnatlangin tiang khuan a veng neitu ten an bei a, a hmunah ka zuk hmu a. Tin, an kallawn te an step te an ti bung a. An neituten phal tak maiin khatianga kawng han tih theih tur lai, remchangin Sorkarin kan siam takah chuan an lo in phal em em mai a. Chutianga chuan hma kan la a. Mipui inphalna a ropui ka ti tak meuhva. Chulai kan hmalakna chu a ni pawhin a rawn sawi chhuah ve deuh te ka'n beisei a, an la hrelo anih pheih chuan zuk kal ve mahse, a hmuhnawm khawp a ni tih kha ka'n hrilh duh a ni.

Tin, Bungkawn to Lawipui road hi, schedule a kan dah china kha black topping kan ti a, resurfacing ka ti zo tawh a. Tin, a balance, a sei zawng la awm a kha, tunah hian tih tura, kan ruahman mek a ni bawk a ni tih kha, kan hrilh duh a. Tin, Pu Thanghluna Member zahawm tak Lawngtlai lam a ngaih pawimawhna a rawn sawi kha, Ni e, helai hi Lawngtlai bialah hian FWD kan che na lo viauva. A hma a lokal tawhah pawh khan, duhthu a sam lo viauva. Chungah chuan, Chawngte atanga Farva kawng Chawngte lui chhuah lama, kalin NEC-ah rawtna kan siam mek a. Chu chu an rawn chhan a, an remtih chuan thahnem deuh hlekkin kan thawh theih kan beisei a.

Tin, BRTF hian Farva leh Diltlang - Parva kawng an lai mek a. Double-in an kal a. Chu bakah Lawngtlai Town Road-ah hian nuai 13 kan dah a. Lawngtlai - Saiha Feeder road-ah hian nuai 5 kan dah bawk a. Diltlang - Chawngte road-ah nuai 10, Saizawh - Ngengpuichhuah nen chuan nuai 54 lai chu kan dah ve a. Hei hi tam kan ti lova. A beitham kan ti a. Chuvangin, NEC-ah rawtna kan thlen mek a ni.

Tin, C hanchinbua kan hmuh

angin National Highway Vai contractor hna pekchungchang kha. Mizo contractor te tihtheih ni vek, Vai pe lui tih vel kha an ngaihtuahna anih ka ring a. Mizo contractor ti thei reng awm se chuan an rawn dap ang a. A diltu zingah, an duh lo pawh ni ang, an awm leh awm leh pawh kan hre lo. Diltu ana wm tlat lo a ni. Pre-Qualification te, National Highway a hna thawktu tura Agency mai kan nih avangin keinin policy lian kan nei thei lova. Anmahni, National Highway enkawltu MOST te duhdan leh an tihdan phung kan zui mai a ngai a. Pawisa an rawn tum a, ti turin BRTF ai chuan nangni hian ti teh u, min rawn ti a, kan ti a ni ve mai a. A contractor te qualification leh chumi atana an duhdan Norms ti danglam tur kha chuan kan thei lo hrim h hrim a ni. Keini duhdan chuan hemi resurfacing ti tur hi chuan Mizoram chhungah pawh kan contractor hetizat awm hian resurfacing ti duh hi kan la hmulo a ni. Department in kan ti hram hram a, hei pawh hi ka duhdan chuan Department hian ti tawhlo ila, contractor hian ti sela Department te hi chuan Supervise rawh se, tih hi ka duhdan a ni a. Amaherawhchu, tiduh leh tithei an awm lo a ni ang, wawiin ni thlengin Department kan tih a ngai zel mai.

Chutah chuan kan Engineer te pawhin hemi hi private in tise, tih hi an duhdan ve thung a ni. maherawhchu, hetiang equipment te machinery tam tak ngaite a lo ni a, Aizawl khawpui chhung emaw tawite te han tih a machinery pui tak tak han lei tur kha chuan a hna lian a lo ngai bawk si a. Chuvang chuan ti thei reng Mizo tlangval an awm anih chuan min rawn pe se; mi rawn bengvar chhuah ta se, tichuan an ni pawh chu kan lo thlem lut thei mahna, tihte chu ka rilru ngaihtuahna ah chuan a thleng mai mai a. Chuti lova ralkhat a tute emaw lo tih thin dan ngaihtuahna a lut nge ni ka hre lo. Chutiang ang a mipui mai nilo helai rereina sang ber a mahni ngaihdan awmze nei lova, phuhchhuak phawng phawng tur hi chuan kan hotute hi ka lo beisei lem lova.

Chuvang chuan wawiinni ah hian thenkhat chuan Tanya tih te, Vaite nen a intiam nialin inti ve ta em ni ti zawnga, rawn sawi kei, eiru ve chi ka ni lova, ka han sawi mai ang e. Pu Zakhu Hlychho kha, hman a a uire tirh a kan MLA atanga party danga a kal hlim khan Transport te a lo enkawl bawk si a.

S P E A K E R : Kawng chanchin kha sawi rawh, mimal chanchin sawi suh.

PU R. TLANGHMINGTHANGA : Pu Speaker, keimah kha mi rawn
MINISTER puka.

S P E A K E R : A ni pawhin dan a bawhchhia a ni.

PU R. TLANGHMINGTHANGA : Pu Speaker, bawhchhiat loh a
MINISTER tha a. inpuh ringawt a tha
lova, kei chuan document neiin
hmanah pawh ka sawi chhuak tawh
a, hetah Assembly document-ah pawh proceedingah a awm tawh
a. A Motor number nen lam rod Silchar atang a ama in sak
na tur a a phurh ka sawi chhuahna proceeding te pawh a
awm vek ang, Pu Speaker, Pu Speaker, chhan ve dawn chuan
a rei lutuk mai thei a. Kan hotuten thahnen ngaiin an
bial chhunga proposal leh thawh tur chi hrang hrang min
kawh hmuh a. Ka sawi vek lo pawhin ka chhinchhiah vek a.
Tunah hian kan Budget te kan pass chho zel a. Chuta House
in min pawmpui angin work schedule te kan siam chho dawn
a. Chumi hunah chuan vawin a rawn sawi chhuah kan tih
thei chin hi kan inghah nan thil tha tak tur niin ka ring
a, kan la en chho ang a. A vai a ka chhan dawn chuan a
tam viau mai a. Mahse, member ten enge kan ngaihdan ka
hre lova. Engpawhinise, a tlangpuiin ka sawi zawr zawr
ang a.

Pu Lalthan Kunga, Ratu bialtu
zahawm tak kha, a thahnen ngaihna ka zu hrethiam pha khawp
mai a. Hei hian kan ram in enkawlna, security chungchangah
pawh, development bakah hna a thawh nasat tur zia kha a
rawn sawi a. Tin, maintenance-na atan hian duhtusamin
pawisa kan nei thei lova. Chuti chungin thei ang tawk
tawk a kan tih chho ve zel turin beiseina kan nei a. Khaw
hrang hrangah Vervek, Sakawrdai tihte, Ratu, Suangpuilawn
te, Zohmun, Mauchar, Saipum te hi a awm a. Tunah hian kan
sawi thei pakhatah chuan NEC-ah Zohmun, Mauchar, Saipum
road tih hi chu rawtna kan thlen mek a. Chu kan rawtna
chu priority No. I-ah kan dah nghe nghe a, approve anih
ka beisei a. Chutah chuan hna kan thawh thei kan beisei
a ni.

Tin, Vaitin, Zilthaw, New Vervek,
Sakawrdai, Raru, Suangpuilawn te maintain-na atan sum kan
dah te theihtawp chhuah a tih that kha kan tum a ni. Amah-
hian nikum lamah a rawt a, tin, a thahnen ngaihna hi ropui
ka ti a, chuvangin khalai kha kan lo en chho dawn a ni.

S P E A K E R : Ngawi lawk ten. Dar 5:00-ah
khan thingpui kan in dawn nia
kan ti a, engtin nge ni ang ?
kan tlang zel mai dawn em ni ?
Anih leh a ni hian zo ta se thingpui in chuan kan chawl
ang e. Minister dang 1 (pakhat) kan la nei a, kan zo law
law ang a, a zawh-ah thingpui kan in ang. A nih leh han
zo la, thingpui in in kan chawl dawn nia.

PU R. TLANGHMINGTHANGA : Pu Speaker, kan zo lawk ang e,
MINISTER a rei tawh lovang. Member zah-
awm tak Pu Sanghmingthanga'n
a rawn rawtna kha kan hria a.

Department hrang hrang te hian, Major Department chuan E.E. te nei sela, Technician neise, tih kha a rawn rawt a. Hei hi Department thenkhat-ah practice a ni tawh a. Amaherawhchu, helaia kan Department-a hotute leh experienced te non a kan han sawi ho thin hian a duhawm ber lo tih kha kan lo experinced dan a ni tih kha ka han sawi duh a ni.

Tin, hei PWD-ah chuan in control-na, Manual engkim leh Chief Engineer-te leh Secretary thlenga in khaidiat a tihdan phung anga lo kal tawh, chumi a chu enforced a ni a. Chuti lova, Office leh Department ah J.E. emaw SDO emaw han in dah chhuah hian engemaw chen chu tangkai thin mahse, kan work standard leh kan tih dan phung hi PWD sulhnu nen chuan a in ang lo deuhva, chulaiah chuan sawi tur tam tak a awm awm e. Thil zawngchhang tlak ber a ni lem loin kan hria a.

Tin, R.D. Department hian, nichina kan member thenkhat in a an rawn sawi, kawng an laih te, thingtlang lamah chuan anni hi kan hmu tam zawk mah a ni an tih kha a dik em em mai a. Tun Financial Year kal tawh-ah khan Division hrang hrang a kan Engineer-te ka zawt chhuak vek a. "In bial chhunga R.D. kawng PWD in a han take up tlak engzat nge awm ? Chu chu a zavaiin rawn la khawm ula, min rawn pe rawh u", kan ti a. Chutah chuan, hmun thenkhatah chuan R.D. kawng an lo maintain mek 10 te a awm a, tahchuan, pakhat mah PWD in a han chhunzawm tlak leh han take up tlak a awm lo tih te, a thenah chuan pakhat te a awm a. Chutiang deuh chu a ni a, chulaiah chuan hman deuh khan rawtna kan siam tawh a, kan Chief Minister hnenah pawh ka sawi ri thuak thuak tawh a. Hemi R.D. Department in a an pawisa hmante a nasa em em a. Kawng an lai a, mamawh leh engemaw tia hmanhmawh thil ah chuan an han ti mai a. Engemaw chenah chuan a tha viauva. Amaherawhchu, han chhunzawm leh dawn hian a lignmentte, a grade te a lo tha tawk lova, black topping leh hetia widening han ti turin, chung laiah chuan kan kalpui zel dawn anih pawhin Department lian, hetiang ang kawng leh kan Communication lama hma la R.D. te, LAD te pawh an ni ang chu, LAD te chuan Technician an nei a, hemi a survey chauh tal hi PWD hian ti ila, chu chu a hna tak tak a kha R.D. in an chhunzawm dawn anih pawhin kha kha a lignmentleh engkim kha PWD in va tih sak ila, an nin chhunzawm sela a tha lawm ni tih pawh hi thil lo kal tawh atangin thiltih chi tak niin kan hria a, chu chu kan sawi tawh nghe nghe a ni. Vawlin niah kan zavaia kan interest deuh MLA Hostel tih laia kha nichinah member thenkhatin an rawn sawi chhuah kha hei hi kum hlui-ah khan kan ti hman lova, a chhan chu sum indaih loh avangin tuna hian kan nei tawh a, khawm i furnishing tura kha kan ti tawh e, tih kha member te kan hriattir duh bawka a ni.

Tin, hemi House chungchang kha tunah estimate kan siam a, estimates-ah chuan nuai 30 chuang lai a ni a, nuai 38 vel, hei hi capital project-ah lo tel tura kan beisei a ni a. Chu chu a lo tel chuan chu chu kan ti thei ang, kan nghak a ni.

Pu Speaker, Tlabung Beh Lunglei kha kan hrilhfhiah ang e. Lunglei - Tlabung kha BRTF kawng a ni a. Mahse, ar chhuahsan thut mai a, engmah in hrilh lutuk pawh awm lovin an chhuahsan a. Engpawh in hand over pawh a awm si lova, tiin kan umzui a. Keimahnin kan va nawr avangin hand over-na chu min han pe a. An chhuak mai lova, hand over-te pawh an hrehna chhan ni a kan han rin hriatah chuan an awmna in mekte, leh labour ho han tawm kuk leh an Office angte pawh chu an luah duh si a. Fund a lo kal lova, an maintained thei lo a ni ringawt a, chulaiah chuan han hand over kha an hreh a, chu chu an ui emaw ni dawn le te kan ti a, chu chu keimahnin kan va nawr naah min han-over ta a, tun thla hnih emaw lek kal ta ah khan, chumi atan chuan pawisate pawh kan han dil chhova, pawisa a awm bawk si lova, chulai mai nilo Serchhip leh Thenzawl te, tin helaiah Phaileng - Marpara te, a vaim km.200 dawn lai kha BRTF khan an chhuahsan a. Chumi zingah chuan Tlabung kha a tel a ni. Tunah hian kan Chief Minister zahawm tak te Delhi zu kalin an inbiakna-ah Defence lam atangin khami kha chhonzawm leh turin an ti a, an rawn remti a, chumi chu BRTF bawkin chhonzawm leh turin kan dil a, an remti a, chu chu bawhzui mek a ni. Tin, chu bakah chuan a line dang a chu kan Chief Minister te an zu inbiakna ah khan line pahnih tal kan zuk tihah khan hetah Tuipuibari lam line a kha an rawn select deuh bawk a, sawmi Tlabung kawng nen, chu chu tuna kan awmdan tlangpui a ni.

Pu Speaker, ka Demand No. 42-Co-Operation Rs. 3,93,10,000/- leh Demand No. 54. Public Works Department Rs. 96,64,09,000/- avaim Rs.1,00,57,19,000/- He House zahawm tak hian min pass pui turin ka rawn dil e.

*Speech not corrected.

S P E A K E R : Awle, Pu R.Tlanghmingthanga, Minister Demand No. 42 - Co-Operation leh No. 54- Public Works Department Rs.1,00,57,-19,000/- hi pass remti apiangin 'Remti' ti rawh ule. Remtilo apiangin 'Remtilo' ti rawh u. Lungrual takin House hian vaibelchhe 1,00,57,19,000/- hi a pass e.

Awle, thingpui kan in lawk ang a, Dar 5.30 ah lut leh kan tum dawn nia.

DAR 5:30P.M.

S P E A K E R : Kan chhonzawm leh nghal mai ang a. Pu K.Vanlalauva'n a Demand No.7-na leh 33-na wind-up turin sawm ile, pass rawn dil nghal bawk sela.

.....89/-

PU K. VANLALAUVA
MINISTER

: Pu Speaker, Demand 2-te kha member zahawm tak tak te khan an sawina kawngah khan thahnem an ngai hlawm hle mai a.

A hmasa berin Social Welfare Department an sawina tlangpui kha a zawng a zain sawi vek seng lo mah ila, han tarlan tul zuala ka ngaihte tarlang lawk ila, a tha awm e.

A hmasa bera tarlan ka duh chu kan member zahawm tak tak mi 3-tena an sawi ah khan Mizoram Social and Defence Rehabilitation Board MSD & RB kan tih kha a ni a. Member zahawm tak te khan hetiang Board pawimawh tak leh thuneihna sang tak Sorkarin a siam tak rau rau-ah chuan Department-in a enkawl lai mek Home hrang hrang te pawh hi an kutah awm tawh mai sela a tha lawm ni tih thlengin an han sawi a, kha kha chu Government policy tur a ni a. That pawh a tha mai thei a ni. Kha kha enchian chiah ka ngai a. Member zahawm tak te khan nikumah khan Rs. 1 crore lai kha an draw nghal luah mai kha a ni a. Kuminah hian nuaih 80 lek dah a ni ta si a, tih te kha tarlan a ni a. Kha kha a dik khawp a. He Board pawimawh tak atan hian nikum Rs.1 crore pek a niin avaiin pek chhuah nghal pawh an ni a. Tunah hian Chaltlangah mi pakhatin an luah hawh a, chutah chuan Staff nen changtlung takin an awm a. Department-in buangrua a mamawh zawng zawng te neih vek ani tawh a. Staff pawh a tul ang ang chu dah a niin Motor te pawh bungraw phurh nan te leh Home tur hmun hrang hrang, anmahni ram tur en nan te pawh mi Motor hawh lovin anmahni Motor te hmangin an tlan ve zung zung ve thei tawh a, tunah hianin Sorkarin a a ruahmpui ang ngeiin, Thingsulthliah buah hianin ram zau tak Soil Department nena insiam remin kan nei ta a, khi khi tunah chuanin a in pawh sak tan a ni tawh a. Tah khian tuikhuah a ni ang a, field siam a ni ang a. Chutiang chuanin tah hianin harsatna hrang hrang nei wawin a Drug Addict kan tih te, khatiang harsatna nei, enkawl na atana, siam kha a ni a.

Tah hian kan Board Chairman zahawm tak MLA Pu C. Sangzuala, hovin he Board hi kalpui a ni a, chuan tunah hianin kan pawisa a tul anga kan hmang chho zel a.

Tichuan tunah hian kan pawisa hmante pawh chu duh hun huna, hman chhonzawm zel turin tunah hian dah that a ni. Tichuan tunah hianin he Board hi Registered neih a ni tawh a. Tunah hianin mumal taka Registered anih bakah Foreign te lakluh anih theih tura tana hmalak mek a ni tih kan member zahawm tak hnenakkan han hriattir duh a. He Board hian Committee pawh Lawngtlai, Lunglei, Serchhip leh Champhaihte pawh a din tawh a, a din zel dawn a ni, wawinah hianin sawilan ka duh a.

Hei ina a tum ber chu Zorama ruihhlo ngaite chi hrang hrang a hmei a pa in heng mite hi enkawl an ngai a ni. Tahchuanin khawvel lam ngawr ngawr nilovin Pathian lampanga kaihhruaina pawh tah hian Staff

....90/-

Se

pawimawh tak tak te nen awm rawh/tih hi Sorkarin a tum leh kalpui zel a tum dan a ni. Chairman zahawm takin he Board hi a kaihhruai mek zel a ni tih kha thu hmasaah kan tarlang duh a. Tin, kan member zahawm tak tak te khan tar chawmna chungchang thu kan question hour a zawh takah khanin thahnem ngaih a tul zia leh a pawisa pawh tihpun a tulzia te, tin, tar chawmna-ah pek belh hrim hrim pawh a pawimawh zia te, an sawi a. Heng atan te pawh hian State fund hrim hrim R.E. te pawh hi tam zawkin thlen theise, tia an sawi te kha a duhawm hle a, a zahawm hle a. Kha kha Sorkarin a ngaithla a ni tih kha hria ila. Tin, member zahawm tak tak ten Anganwadi a thawk te lawmman te pawh hi a tlem lutuk deuh a ni tia thahnemngaih puia au aw in han tarlang te pawh kha a ropui ka ti a. Hengte pawh hi Department-ah chuan an sawi vaih vaih tawh a. Tul kan ti tak zet zet a ni. Kan sum dinhmun in a zir dan ang zela hei hi pek pawh a tul dawn aiin a lang nghe nghe a ni.

Tin, kan member zahawm tak thenkhat ten disable chungchang thu an rawn zawh kha chiang leh zual pawhin tarlan a tha awm e, ka ti deuh hlek a. Hemi hi minimal taka tunah hian Central Sorkarin a kalpui mek a ni ber tawh zawk a. A hmingah pawh Persons with disabilities equal opportunities protection of rights and full participations Act, 1995. Chu chu a hming tluantling a ni leh nghal a ni. Chu chu tunah hian Jamu and Kashmir tih lohah chuan India ram State zawng zawngah hman a ni in kan Sorkar pawh hian chu chu a kalpui mek a. Heta tang hian chi hrang hrang chi 7 he Department hian a enkawl mek a ni tih vawinah hian House zahawm tak hian a hriat ka duh bawk a ni.

Tin, kan member zahawm tak thenkhatte khan India rama kalpui mek Supreme Court Order te kha engnge in kalpui ve dan Dowry system te kha, tih te kha zawh a ni a. Hei hi kan Sorkar pawh hian a lo puang in Gazette-ah pawh a chhuah tawh a. The Mizoram Dowry Prohibition Rule, 1999 tiin November, 26, 1999 Gazette-ah an lo chhuah tawh a ni. Tiang chuan kan tih theih ang ang chuan kan lo tive zel a ni tih kha kan member te hriat atan nisela. Tin, CDPO post chungchang thu kha kan member zahawm tak te han sawi kha tunah tak hianin Central atangin thu kan la dawng chiah love, amaherawhchu, thil nihphungah kan hriat danin Block in a kentel ve reng reng anih avangin hei hi chu chiangsa-ah i ngai ang u tiin hei kan R.D. lam Department te pawhin min hriattir dan a ni a.

Tin, Social Organisation tena thil han sem leh engemaw neuh neuh chungchang thu-ah khan a thlawn ngawt maia sem hi chu a hautak lu deuh lo maw, 25% anga lak ve te pawh a tha lawm ni tih te kha kan member ten in rawn tarlang hlawm a. Hei hi a ni khawp mai a. Thil sem Item te a tam ang reng a, a thlawn hi chuan a hek chu a hek duh ham ham khawp mai tak a, engpawh nise-la, a percent a han tih hi a thatna a awm rualin keini

....91/-

ho bawk hi kan bial te tan kan han chhuak a, a percent kan han chhui a, an han lak meuh chuan a percent lo thin leh kan hreh a, kan chawi tho tho mai hian e lang a, Chung chu han ngaihtuah pawhin, ngaihtuah tlan deuh hlek pawh a awm viau a ni. Chawi tho tho si chuan a thlawn mai hi a tha em aw tih te pawh kha ngaihtuah theih a ni awm e.

Tin, kan member zahawm tak khan pakhat khan Lunglei ah handicap chungchang thu, ram thar ah a awm, Remand Home a ti mai a, Mahse, Remand Home a ni chiah lo deuh a. Training and Handicap person tih lam kha a head tuna kan kal pui dan saw a ni zawk a. Lungleiah hian Sorkar kan la changtlung lova. Heng Training puanthui leh pheikhawk chhe siam kha kha kan tihtir ber chu a ni a. Chu chu mipa leh hmeichhia Hostel khat ah kan dah tlang a, hei hi tha kan ti lova. Mahse, thalo chu kan ti viau a, kan la tlin silova. Aizawlah erawh chuan hmeichhia leh mipa, kan la hrang thei a, mipa hochu Khat-la ah sawn kan dah a. Hmanni pawh khan ka va tlawh a. Mipa ho chuan pheikhawk an thui a. Chuan mipa thenkhat khan puan an thui bawk a. Chutiang chuan an pheikhawk thui te pawh kha min hmuhtir a, an khawngaihthlak khawp mai. A tam ber saw chu bengngawng tawng theilo an ni a. Saw saw an khawngaih thlak viauvin kan hria a. Sawngte pawh saw ngaihtuah an ngai hle a. Tunah hian khatieng ho kha mipa 15 leh hmeichhia 10 dah mek an ni a. Hemi atan hianin Sorkarin tih tak takin hma a la a.

Tin, Sorkar laipui pawhin hei hi min rawn buaipui a ni a. Keini, pawh hian politic inzep mish lova, mi mamawh te leh ma tul te tana Department in a a dah liau liau a ni tih kan hriat a tha a. Party anga rawn thun tum rawh kha chu, kan pawm meuh lo a ni tih kha member tin ten in hriat kan duh tak meuh meuh a ni. Chutulo chuanin a mamawh tak te la lut silovin, a mamawh lo zawk te kan la lut palh ang tih hi ka hlau hle a ni. Tin, kan member zahawm tak te khan, Sethawn a kan Home te a te si a, lut duh kan tam si a, tih ten a tha mang e tih te leh Department hrim hrim ah te pawh R.R. neilo an tam riau mai. Hengte pawh hi enchian a va tha em tih an sawi te pawh kha, kan en lai leh hmalak mek a ni tih an hriat ka duh a.

Tin, Joint Director post chung chang thu te pawh khatieng ang deuh hlek khan i hriat ka duh a. Tin, he Department chungchang thu an sawina zawng zawng ah kan member zahawm tak ten kan mamawhna a san zia leh sumin a duh tawh a ngah loh deuh thu kan tarlang deuh vek a, alawmawm hlein ka hria a, tin a sawi thui deuh hlek pheh chuanin R.E. ah hian ngei ngei a dah ni selangin tih te a lang thleng zar zar a. Ramin a mamawh chia hi chu Department lam pawhin an hriat tho a ni a. Chuvangin kan za-vaia kan tan tlan hi chuanin kawng a kaw hawk zel a ni.

Chuti anih loh chuan a in charge zawnga a nih chuanin tihdan thiam a har thin deuhva. Tuna kan ngaihthlak zawng zawng Department bikah hianin, member sawitu zawng zawng tena thahnem ngaihpuh leh plan chungchong thu a rawn sawi kha ngaihthlak a nuam letlung viauin ka hria a, kan lawm hle a ni.

Excise lamah khan erawh chu sawitur a tam viauva. Ahmasa bera kan ngaihthlakah khan-in Total Prohibition thua AIR ina an han bei chiam mai te pawh kha, a tha zawk lo a ni lawm maw nile? tih te kha sawilan a ni a. Ni 4, March, 6:30A.M. a AIR ina zawhna leh chhanna an buatsaih te kha. Annahni Directorate lam ten an rawn sawi chian ang khan hei hi Sorkarin a thurawn min pek a ni lova, in tih pawh a ni lova, keimahni ina kan rawt ve hrim hrim a ni e. Tahchuan Sorkarin mawh an phur miah lo a ni a, an rawn tih kha a awmzia chu a ni mai a, a bak chu keini pawhin hriat kan nei chuang miah lo, a ni tih

PU K.L.LIANCHIA : Pu Speaker, khalaia kha chu, "AIR ho tih a ni" tih kha chu a pawmawm a. "Anni tih keini sawisel phak pawh a awm lo a ni. Ka sawi zawk kha, kan Minister zahawm takkhan a hre tho mai thei a. Khalaiah khan Excise a kan hotu ber ber te, Court lama hetiang lam thiam leh heng case te pawh lo handle tu tena beidawn thlak tak mai leh policy dinglai si heng nasa em em a tih bakah hei hi tihtawp a hun a ni lawm ni, tih te an sawi si a. Sorkarin action a la dawn em ?

PU K.VANLALAUVA : Pu Speaker, ani tak a sin, NLFP MINISTER tihtawp tumna ruk lian takk a awm ta em ni? Ni e, Sorkar hna-thawk te pawh an involve a ni tih mai loh theih loh a ni a. An hming te a rawn lan takah kha chuanin, tin, zawhna leh chhanna lam thil te anih avangin keimahni Department lam atang kha chuanin loh theihlohva tirh kha ngai niin a lang bawk a. Engpawh ni-selangin, kha thil khanin Mizoram Sorkar thil tum inchi khat pawhin, sut khat pawhin a ti danglam lo reng reng a. Sorkar-chuanin he Total Prohibition chak takin leh tui ti takin a kalpui a ni tih hi erawhchu kan chian a tul hlein ka hria a. Mimal kan ngaihndan te chu a awm ang, amaherawhchu, Sorkar angin kha kha ka ngaihtuahna a ni zawk a ni tih a ni a. Tin, Member thenkhat te khanin tah hianin in bei chu a dawng ang reng a. Mahse, Kohhran in hlau mai mai a ni lawm maw ni chu tih ang ri te pawh kha a awm awm a. Engpawh ni selangin tunah hianin uluk tak leh beng sik a ngaihtuahin kan ram damna atan he ruihtheih thil dona chungchang thua hianin kawng tha ber nia a hriat a la nih avangin chu chu kan kal dan a ni a. Kawng dang engmah kan nei rih lo a ni. Vawinniah hian kan tarlang duh a.

Tih, member zahawm tak thenkhat khanin District Council Area te pawh hi Sorkar te pawh chu in ta te pawh a ni bawk si a, order chu va pe tawp ula, khap mai se, a tha lawm maw nile, sawlam atang sawn a leh alingin thil a ti buai vek a nia, tih te pawh kha a awm a. Maherawhchu, kha kha Sorkarin a thuneiha kan va pek theih mai a nilova. Anmahni House in a pass ve te te a nih loh chuan District Council chungchang thu anih avangin State thu tawpawh sawn kan va pawimawh tawh lova ni tih kan hriatsa anih kha, kan tarlang thar niselangin a tha awm e. Tin, member thenkhatten he Department enkawl Sorkarin a tumdan hi a va fello ve, mi weapon a sang tawh si a, modern weapon an hmang tawh a ni a. Chutiang chiah chuan a rawn tawlh rutu te leh a zuar tu tur chuanin modern weapon hmangin mihring an la khel tawh a ni a. Chuvangin he, zawng zawngah hianin modern weapon kan hman ve a ngai tawh a ni lawm ni. Hei hi tih chak a tul a ni tih kha an rawn sawi a. Kha kha kan Sorkar pawn a a ngaihven lai tak, a tum lai tak a ni a, a pawimawh reng a ni. Hei hi member zahawm tak thenkhat te khanin zu man hrim hrimah hian, zu factory tihchhiat hrim hrimah hian a factory a in zu man te kha a neitu an ni reng reng lo a nia, a neitu chu midang daih, mi hausa daih a ni a, tih te an sawi a. Kha kha tha viauvin kan hria a. Khang kan hotuten min tanpui in chak khan min tiphur sawt a. Chuvangin kan member zahawm tak pakhatin Officer te lo kal sela, ka lo hrih ang a tih pawh kha kan lawm hle a ni. Kha kha member puitling aw a ni. He Sorkar policy hi keini member lo kal khawm ten a kalh zawng leh, a surprise zawnga a hnual zawnga ti lova heti zawnga kan kalpui chuan a chak dawn a ni tih vawinah hian a lang hlein ka hria. Kan member te chungah lawmthu sawi mawlh mawlh tlak niin kan hria a.

Tin, NGO te hi tun aia tam zawk leh chak zawka hian hmang teh u member ten an tih kha a dik kan ti a. Keini lamah chuan a dik tak chuan kan thiam lohna a awmin a lang fo thin. NGO te hmang turin tawngkam te pawh kan thlahdul thiam tawk lo emaw engemaw te pawh a nihna chen a awm ang. Engpawh nisela, vawin atang hi chuanin kan thawktute pawhin NGO te nena tun aia tha leh zuala kan karah hnathawh tlan dan kan ngaihtuah a pawimawh hle a ni. Tichuan thahnem ngai em emin thenkhat ten a Minister pawhin mi rawn tlawh lo, mi kokhawm ngai mang lova, tih te pawh kha a lawmawm hle a ni. Tunhnaiah phei chuan kan inkokhawm zing leh lutuk emaw tih turin kan inkokhawm tawh a nia tih kha kan member ten min lo hriatsak kan duh em em a ni.

Tin, kan member thenkhat zahawm takin Police leh Excise Force te zingah an zawn ber duh ve dang an awm hi a buaithlak hle a ni. Duh ve tlat kha chu a buaithlak viau mai a, engpawh nisela, a zawng tute hi za a za duh lo kha chu harsa pawh a ni mai thei engpawh nisela, a Department-ah pawh he ram tana rawng-bawlina atana hetiang Sorkarin a khap zawng tur hian an qualified lo a ni e kan tih ni hi a thlen lohna turin kan

in zirtir mek a ni. Chuvangin, duh ber zawn kha a buai-thlakin kan hria a ni. Chu chu tunah pawh kan member ten a kan han sawi atang pawh khanin kan fing hretin ka hria a ni.

Tin, kan member pakhatin a sawi Total Prohibition Act hi kan member te hian mawh kan phur theuh a ni. Sawmna a rawn siamte kha kan pawm theuh a ni. Sewi tawh angin kan member tena hetiang Sorkar in a lo puan tak ang hianin kan tan tlan loh chuan a fel love kan bialah pawh bial lohna pawh tia ngaihtuah-na kan hman hian Sorkar a mawi a, House a mawi a, he member zahawm tak hi a mawi bawh a ni tih hi vawiinniah ka tarlang duh a ni. A bik takin he Excise hnathawh khirh tak ti hlawhtling tur chuan mipui te hi an thei a, mahse, mipui zingah ti hlawhchham duh pawl a awm theih a ni. Kan Lal Isua'n khawvel-ah chuan Buh lem leh Buh tak to za tur a a sawi zing ami kha anih ve tlat avang leh soal nello kan Lal Isua khengbet thei Ram kan nih avang erawh chuan kan hma a khirh viau a ni. Chuvangin kan member zahawm tak ten he thil hi Social Organisation-ah te pawh member kan ni thluah a, Adviser, Senior Adviser hetah, chutiang chuan kan mawhphurhna leh kan tih tur hi tanpui, infinchhuah, tanrual a ni tih hi tunah hian kan hria a. Chumi atan chuan kan member zahawm tak te kan sawm in kan ngen che u a ni a. Chuvangin, Pu Speaker, ka Demand No. 7 na, State Excise. Cheng vaibelchhe ru'k leh Demand No. 33-na Social Welfare. Cheng vaibelchhe kua nuaih sawmthum paruk leh singhnih, avaiin cheng vaibelchhe sawm leh panga, nuaih sawmthum paruk leh singhnih hi he House zahawm tak hian min pass sak turin ka ngen a ni.

S P E A K E R : Awle, Pu K.Vanlalaupa, Minister Social Welfare leh State Excise Demand No. 7-na leh 33-na.Cheng vaibelchhe sawm panga nuaih sawmthum paruk singhnih hi pass remti apiangin 'Remti' ti rawh ule, remtilo apiangin 'Remtilo' ti rawh u. Pu K.Vanlalaupa Demand Cheng vaibelchhe sawmpanga nuaih sawmthum paruk leh singhnih hi he House hian luangrual takin a pass a ni.

Vawiin kan Business chu kan zo ta a, naktuk Thawhlejni Dar 10:30 A.M. ah kan thukhawm leh ang.

Meeting adjourned.

Z A W N A W L N A

		<u>Pages</u>
11.	<u>Thutkhawm vawi 11-na (3.4.2000)</u>	
(1)	List of Business	-
(2)	Zawhna leh chhanna	-
(3)	Statement by Minister	-
(4)	Voting on Demands	-
		1 1 - 20 20 - 22 22 - 94
12.	<u>Thutkhawm vawi 12-na (4.4.2000)</u>	
(1)	List of Business	-
(2)	Zawhna leh chhanna	-
(3)	Zero Hour	-
(4)	Voting on Demands	-
		95 95 - 115 115-116 116-196
13.	<u>Thutkhawm vawi 13-na (5.4.2000)</u>	
(1)	List of Business	-
(2)	Zawhna leh chhanna	-
(3)	Statement by Minister	-
(4)	Voting on Demands	-
		197 197-214 214-217 217-222
14.	<u>Thutkhawm vawi 14-na (6.4.2000)</u>	
(1)	List of Business	-
(2)	Zawhna leh chhanna	-
(3)	Voting on Demands	-
		223 223-246 244-328
15.	<u>Thutkhawm vawi 15-na (7.4.2000)</u>	
(1)	List of Business	-
(2)	Zawhna leh chhanna	-
(3)	Resolution	-
		329 329-350 350
16.	<u>Thutkhawm vawi 16-na (10.4.2000)</u>	
(1)	List of Business	-
(2)	Zawhna leh chhanna	-
(3)	Legislative Business	-
(4)	Voting on Demands	-
		397 397-415 415-416 416-502

17.	<u>Thutkhawm vawi 17-na (11.4.2000)</u>		<u>Pages</u>
	(1) List of Business	-	503
	(2) Zawhna leh chhanna	-	503-521
	(3) Voting on Demands	-	521-607
18.	<u>Thutkhawm vawi 18-na (13.4.2000)</u>		
	(1) List of Business	-	608
	(2) Zawhna leh chhanna	-	609-629
	(3) Laying of Papers	-	629-630
	(4) Voting on Demands	-	630-727
	(5) Legislative Business	-	727-730